

HISTORIA

DE BELLO ADMINISTRATO IN ITALIA PER
Annos xv. & confecto ab Ill^{mo} ac R^{mo} Car^{le}

AEGIDIO ALBORNOTIO
PONTIFICIS MAX. INNO. VI.

Qui Auenione Tunc Residebat,

LEGATO,

sacri & insignis Hispanorum Collegij, quod Bonon. est, fundatore,
PRO VINDICANDIS IN LIBERTATEM OMNI-
bus Urbibus, Quæ antea in ditione erant & imperio
S. R. E.

Ab Ioanne Genesio Sepulveda Hispano scripta.



HISTORIA

DE BELLO ADMINISTRATO IN ITALIA PER

ALBERTO ALBORNOTO

PONTIFICIS MAX. INNO. VI.

LEGATO

PRO VINDICANDIS IN LIBERTATEM OMNIBUS

S. R. E.

Ad Joannem Gualtherum, S. R. E. Legatum



MICHAEL PORRES DE SALAZAR

Sacri Hispanorum Collegij Rector Vexillifero, &
Antianis. Tribb. Senatui, Pop. q̄ Bonon. S. D.



*U*M excusum rursus typis commentarium, quem
de rebus gestis ab Illustrissimo, ac Reuerendissi-
mo Cardinale S. R. E. Aegidio Albornotio
Hispano conscripsit ante multos annos Clarissi-
mus, ac eruditione omni instructus Io. Genesius de
Sepulveda, dum hic cōmorabatur, ut bonis artibus,
ac disciplinis operam daret, editurus essem, ac cogitarē mecum gloriam
omnem diuini illius viri, quam assecutus est in Italia, dum Pontificis
Max. legatus, qui tunc in Gallia erat; Innocentij Sexti summa cum
potestate, urbes, quae ante in ditione & imperio fuerant S. R. E. re-
cipere studeret, cum uestra libertate, & dignitate esse in primis coniu-
ctam, statui non alienum esse, cum à mea, omniumq̄ meorum collegarum
erga uos singulari beneuolentia: tum à uestra amplitudine, si liber hic
uestro auspicio in publicum exiret: continet enim magna ex parte ea,
quae non minus fortiter, quam etiam prudenter Cardinalis Albornotius
gestit contra crudelissimos tyrannos, qui urbe ista occupata per uim
maiores uestros durissimo seruitutis iugo oppressos tenebant. O quan-
ta letitia exultasse illos tunc credibile est, cum se è manibus tam nefa-
riorum hominum ereptos uiderunt, ac subiectos S. R. E. ita tamen su-
biectos, non ut seruirent, sed in tutela potius essent ipsius, quo quid o-
ptabilius, quid utilius esse potest? iucundam igitur lectionem huius com-
mentarij omnibus uobis fore existimo recordatione illorum temporum,
quibus libertas primum uestrae ciuitati restituta fuit: nam & si postea
eam patres uestri amiserant, facile tamen fuit, ut rursus eam recupe-
rarent; iacta enim ipsius tam erant fundamenta; nec tam facile erui po-
terant: semperq̄ Pont. Maxx. S. q̄ R. Eccl. hoc in primis curae
fuit, ut ciuitatem istam pro multis in se meritis tuerentur, ac fouerent.
Delectebat liber hic in nostra bibliotheca, nullusq̄ praeter nos ipsum
legebat; Admirabamur nos Card. nostri Albornotij singularem for-
titudinem, & summam sapientiam; magnam etiam capiebamus uolupta-
tem ex eo, quod magno applausu, & letitia in urbem istam uestram ab
uniuerso pop. triumphans cum ingrederetur, exceptus fuit: Quid? quod

sui ut aliquod monumentum apud uos relinqueret suæ erga uos beneuo-
 lentie, postquā sanctissimis legibus Remp. uestram instituisse, regio-
 nemq; omnem pacatam reddidisset; effecit etiam, ut, quæ tam sublata
 uidebantur ob diuturna bella, & calamitates, rursus in ista præclara
 urbe bonæ florent artes, ac disciplina, quæ literis continentur; earum
 enim omnium ut erat peritissimus, ita erat studiosissimus; Collegiumq;
 suo sumptu, in quod nobilissimi uiri ex uniuersa Hispania delecti recipe-
 rentur, extruxit, atq; instituit. E quo postea tam multi prodire in-
 gnes uiri, ut si singulos enumerare uelim, uix possem longissima oratione,
 nedum tam breui epistola omnium nomina complecti. Hi Regibus no-
 stris in maximis rebus gerendis operam olim nauarunt, nauantq; etiam
 nunc. Videte igitur quantum nos uobis debeamus (tantum equidē, quan-
 tum & uos Cardinali Albornotio omnium uestrorum commodorum
 & libertatis auctori debetis) postquā celebritate urbis uestre, & gym-
 nasij adducti Catholici, ac Serenissimi nostri Reges (quos maiestatis
 causa nomino) nullius opera in administrandis urbibus, & provincijs
 usi sunt libentius, quam corū, quos sciebant, sciuntq; in Collegio isto Bo-
 noniensi educatos, & institutos. Multū certē etiā uobis debemus, quod
 in tuendo, & augendo Collegij nostri patrimonio studium uestrum
 nobis nunquā defuit; per uosq; factum est, ut ocio hoc literario comode
 frui possimus. Accipite igitur sancq; nostræ erga uos obseruatiæ signum,
 libellum hunc, quo res tunc gestæ in hac urbe, & regione, alijsq; finie-
 timis narrantur; nosq; uti facitis, amate; *Valete.* Bononiæ decimo
 cal. Aprilis M. D. LIX.

Michael Porres de Salazar Rector, Melchior de Malburgo V. l.
 Doctor, Mathæus de Ruera V. l. Doctor; Ioannes Montagna
 in iure Pontificio Doctor, Antonius Calderon de Celis, Ioannes
 Garrias de Brignas, Alphonſus Lopez de Poiatos, Ioannes de Pa-
 redes, Ludouicus Campi Aznar, Stephanus Zarco, Ioannes Lo-
 pez de Arriaram, Ioannes Perez Cagnuto, Ioannes Lopez de Ver-
 ricano; Michael Dominguez Molon, Ioannes de Retana, Antonius
 Felices de Cerezucla, Antonius de Rara, consentientes editionem
 hanc approbauerunt. Absunt uero a Collegio, Ignatius Lopez de Car-
 denas V. l. Doctor, Petrus Martinez Membrilla in sacra Theolo-
 gia Doctor, & Ferdinandus Rodriguez in iure Pontificio Doctor,

AD ILLUSTRUM, VIRVM

D.D. LVDOVICVM CARRILLVM ALBORNO.

tium, in Librum, de rebus gestis Aegidij Albornotij, Jo.

Genesij de Sepulveda Cordubensis præfatio.



VM Illustrum Virorum res gestas, & fortuna
 na omnibus rebus dominantis temeritatem consti-
 dero, ut præclare imprimis cum his actum esse ui-
 deri solet, quibus illustrium factorum suorum illu-
 stres scriptores contigere: sic eorum conditio mihi
 quadam tenus uidetur miserau digna, quorum glo-
 ria post præclara ab ipsis uiuentibus edita facinora, obruta obliuione
 in obscuro iacet. Quam calamitatem maioribus nostris, idest Hispani-
 nis, scriptorum inopia contigisse, satis Mena conterraneus suo carmine
 deplorauit. Quid enim miserabilius, quàm post plurimos labores, ingen-
 tiarq; exhausta pericula, summam uirtutem suo præmio fraudari?
 Est uero, cum aliarum uirtutum cõmune præmium bonor, tum magni-
 tudinis animi, teste Aristotele, maxime proprium. Qui bonor, eò
 cuiq; uberior deferitur, quo ad plurimum hominum, plurimq; ætatum
 memoriam, eius laudes monumentis literarum propagantur. Senserat
 hanc iniuriam multos annos Aegidius Albornotius, ut sine contro-
 uersa suæ memoriæ decus, & gloria: qui cum pacis, belliq; artibus
 uiuens, summam claritatem adeptus esset, nemo tamen eius præclare ge-
 sta, nisi auarè, & dum alias res agit, memoriæ tradiderat: donec
 prouenire grati homines in collegio Hispaniensi, quod eius auspicijs
 Bononiæ nobilibus generis nostri iuuenibus literarum studia æmulan-
 tibus conditum est. Qui ut tantum uirum, deq; se optime meritum ab ea
 iniuria uendicarent, perlectis, ac consideratis epistolis Pontificum, ac
 Aegidij ultro citroq; missis; quarum maxima copia in collegij scrinijs
 etiam nunc aseruantur; quosdam uelut cõmentarios eius rerum gesta-
 rum summo, ut credibile est, labore confecere. Cum uerò nuper cruditi
 iuuenes mei sodales in Aegidiano collegio, qui dum, ut ego interpre-
 tor, mutue inter nos beneuolentiæ indulgent, ingenio meo, quod equi-
 dem intelligo quàm sit mediocre, tantum tribuunt, quantum ego nec

agnosco, nec posulo, a me familiariter petissent, ut historiam totam
 hanc in suā uelut quādam formam redigerem, quamuis ego, & meæ tar-
 ditatis conficius, nec ignarus, quod Cicero testatus est, historiam nec
 institui nisi preparato otio, nec exiguo tempore absolui posse, diu equi-
 dem repugnaui, sacrarum literarum, & Aristotelicæ doctrinæ stu-
 dio seueriore, quod me multos iam annos tenet, occupatus. Sed cum tan-
 to, illi magis urgerent, & mihi uelut ingritudinem exprobrantes Ae-
 gidij erga nos merita commemorarent, accessit summi & grauissimi ul-
 ti authoritas Bernardini Caruaial Cardinalis, qui Sanctæ Crucis in-
 scribitur: qui ut est, cum Illustrum uirorum, sing; simulum, tum in pri-
 mis Aegidij Albornotij laudum (ut ita dicam) adamator, id mihi
 munus missis literis iniungere tanti putauit. Provinciam ergo non tam
 perficiendi spe, quam negandi uerecundia suscept. Ei subcisiuas horas,
 quas literarum græcarum studio, in quo aliquandiu uersatus sum, im-
 pendere solebam, huic operi destinauit. Quod Ludouice Carrille Al-
 bornotie tibi patissimum iustis de causis dicamus, non ob id tantum,
 quod quidem magnum est, quod inter Principes Hispanos ita generis
 claritate, & omni uirtute, nulli celsurus excellis, ut ad illustranda scrip-
 ta nostra, nomen tuum per se satisfere uideatur: sed quia, cum tu sis
 Albornotie familie Princeps, ac proinde gloriæ ac laudū Aegidij
 legimus hæres, nefas duxi, quidquam à me rerum gestarum huius di-
 uini uiri memorie prodi, quin sub tuo patrocinio in lucem emitteretur.
 Ut dum te hoc officio colimus, quod quātuluncunq; est, certe Principes;
 & honestum sibi, & gloriosum putare solent, ipsi quoq; Aegidio,
 cui ob ingentia eius in nos merita hoc officium præstamus, hac quoq;
 parte gratificemur. Quem nemini suorum gestorum historiam nuncupa-
 ri, quam tibi, malle credibile est. Suscipe igitur opus grato animo, &
 maiorum tuorum illustria facere recognosce, ut hæc legendo, simul tui
 generis gloria fruaris, simul ad æmulandam illam uirtutē (quod facis)
 tanto magis exercearis. Ita te quamlibet rudis, & nuda narratio iuuare,
 & opus quoquomodo scriptum aliqua ex parte delectare poterit, cum
 se tibi parum labore nostro commendabit. Quamquam mehercule te-
 stari possum, multum me in id operæ posuisse; non modo, ut orationi la-
 tina aliquem nitorem adderem, licet ne hanc quidem partem, quantum

in me fuit, neglectam reliquerim, ignarus quantum ea opera fuerim con-
secutus, sed multo magis in reuoluendis illis scriptis, ut aliqua saltem lo-
corum, ac temporum ratio constaret, et pleraque, quae desiderabantur,
excerperem. Qua mihi parte haerenti, ac diu laboranti, dum implorata
auxilia comparantur, opus intermittitur: et quod otium huic impen-
debam, uertendis e graeco in latinum, exponendisq; quibusdam Aristo-
uoluminibus tradidi. Quae propediem edere cogitamus: donec Gome-
tius Carrillus frater tuus Vir preclarus, et qui magno animo ma-
gnaq; sapientia Cöbensem ecclesiam Thesaurarius moderatur, quo qd
alumno collegium nostrum merito gloriatur, a me literis consultus
multa e fidelibus monumentis excerpta suppeditauit, quae me magnope-
re iuuauit. Qua occasione inuitatus, cum quae intermiseram, reuocassem,
absoluta ut recognoscerem, ac edere inciperem me hortati sunt, cum alij
mei sodales Aegidij eiusq; gloriae amantissimi, tum in primis Iacobus
Pontius de Leon nostri collegij Rector, Vir integer et grauissimus,
qui, ut de eius multiplici doctrina taceam, cum priuatus, tum maxime
in eo magistratu constitutus suo se nomine, suaq; clarissima familia
perquam dignum exhibere perseverat. Horum igitur auctoritatem se-
cuti, ut obiter immatura forsitan editionis inuidiam auctoribus leue-
mus, librum quem ipsi nondum maturuisse putabamus, ac iusto fortasse
cruditiorem emisimus. hac tamen fiducia, quod tibi dicatur, tutiorem
ab iniurijs in manus hominum proditurum. VALE.

LIBER V

IO. GENESII DE SEPVLVE,
DA CORDVBENSIS DEREBVS GESTIS

ÆGIDII ALBORNOTII LIBER PRIMVS.



ÆGIDIIVS ALBORNOTIVS.
Natione Hispanus, patria Conchenſis, ex
clariffimâ Albornotiorum familia, patrem
habuit. Garſiam Aluarum Albornotium
principem uirum, & multis populis domi-
nantem, qui genus ab Alſonſo quinto legio-
nenſium rege, perpetua ſtemmatis claritate repetebat. Matrē
Tereſam de luna, quæ eadem ſummo loco nata genus ducebat
a Iaimo rege Aragonum. Is cum iam inde ab ineuntibus annis
litterarum ſtudio deditus, magnâ futuri profeſſus præbuiſſet
documenta, ætate adultior in Toſolanum, florentiſſimum id
temporis gymnaſium, a patre, optimæ ſpe concepta, mittitur.
Vbi ingenij felicitate, perſtinaci erga literas ſtudio, eò pro-
ceſſit eruditionis, ut breui inter paucos iuris pontificij peritiſ-
ſimos, nec extremo loco numerariſſe, quam doctrinam cum
eximia morum ſanctitate & ſingulari religionis obſeruatiâ illu-
ſtraſſet, id patriam reuocatus naſtusq; familiaritateq; Alpho-
ſi Caſtellanoſum regis; qui Algeziras urbes quondam nobiliſ-
ſimas haud procul ſitas a freto herculeo a mauris recepit, ſum-
mis virtutibus hominum de ſe uicit opinionem. Regi adeo charus
& ſanctimonia uenerandus, ut interſuturus ille ſacrificijs a Æ-
mine mallet; quàm ab Ægidio iam ſacris initiato rem diuinâ
patrari. Quibus artibus cū a rege, ſumam gratiam inuiſſet,
haud ita longo interiecto tempore, Archiepiſcopatu Toletano
ampliſſima dignitate ab eodem auctus eſt. Non multo ante
prælium illud nobiſſimum, quo ab hoc Alphonſo uictus eſt &
ſugatus Benamarinus rex maiorum potentiffimus, qui bel-
lum hispanis illaturus innumerabilem peno exercitum in beti-
cam traiecerat. Quod prælium rex inturus Ægidio rem diui-
nam facienti, religioſiſſime interſuit. Et cum Chriſti corpus
adorafſet & uenerabundus ab eius manibus aſſumpſſet, ab

LIBER

eodem sese arma indui poposcit. Cuius ille precatus, ut res fa-
 liciter eueniret, non modo corpus ferro, sed animum etiam
 summa spe ac ingenti fiducia armauit: dum fortiter gestorum,
 inuictaq; ipsius maiorum uirtutis admonet, & multa non in-
 ulte impietatis in deum Christum exempla commemorat. &
 commisso certamine regem alios hortantem, ipse lateri pro-
 ximus adhortationibus incendebat. Sed parua uictoria, rece-
 ptisq; Algeziris, quæ fugato Benamarino, paruo negotio ui-
 ctori cesserunt, dum Gibraltare obsideret, morbo correptus
 Alfonso diem suum obiit: Regnumq; dissimilimus filius, atq;
 adeo pestis humani generis, Petrus ille excepit, cui facta cru-
 delis cognomen merito peperere. Hic initio rerum, nondum
 ferina scruitia sese efferente, Aegidium (ut par erat) eodem fa-
 miliaritatis loco recepit, quem apud Alfonso obtinuerat:
 eiusq; adhortationes & monita admittere uisus est: Adeo, ut
 hoc magistro morum, non paruam spem de se hominibus prius-
 cipio rerum exhiberet: Sed cum se paulatim pestis detexisset,
 cum uirtutibus, cepit odisse magistrum. Nam cum primum
 castigationis dolorem animo repugnantem, tamen altius sup-
 pressisset, paulopost uictus insita feritate, iusta consilia detre-
 ctabat: & cum cetera grauissimè pateretur, illud ferre non po-
 tuit ab Aegidio sibi toties exprobrari: Quod fastidita Blanca
 uxor pudicissima, cuidam Marix de padilla effrenata libidine
 assuecisset: erat enim Aegidius, cum omnis generis uitiorum
 acerrimus infectator, tum libidinis uel maxime; à qua tantum
 abhorruit, ut fama constet, nunquam cum hoc crimine, quo
 ad uixit, fuisse pollutum. Rex ergo dissimilimum hominem sua
 sponte palam exosus, pellicis quoq; (quæ grauem ceasorem
 capitaliter oderat) precibus inceptus, necem Aegidio molitur.
 Ille uero cognitis insidijs, quæ gratiosum in primis hominem
 dilulare nequuerunt, causa simulata, missionem efflagitat:
 quam cum uix ad tempus impetrasset, Concham urbem pa-
 triam peruenit ubi pateris comoratus, comparataq; pro-
 fectione, ad elementem sextum pontificem maximum Aurdio

nem, sedem id temporis Ecclesiæ Romanæ, contendit. a quo libentissimè exceptus summoq; in honore habitus, paruo interiecto tempore, Cardinalis factus est. CLEMENTI SVCESSIT in pōtificatu Innocentius sextus, uir integerimus, singularis constantiæ & seueritatis, apud hunc Aegidius sanctitate & moribus per similis, multo etiam magis gratia & auctoritate ualuit: quandoquidem iam non sapientia tantum, & pacis artibus censebatur, sed magnis etiam uirtutis indicij, spem concitauerat, non minus præsentem se animo ad bella gerenda futurum, quam acriter ingenio fuisset ad literas expellendas. OPPRIMEBAT VR eo tempore a tyrannis magna pars Italia, quæ Ecclesiasticæ ditionis erat: instimulante ad id, non modo fauente, Ludouico Bauaro Imperatore, quem propter ipsius scelera, Innocentius quoq; post superiores Pontifices, anathemate reuinxerat. quippe cum occupasset cum multis alijs oppidis Viterbium Ioannes Vicus: Ariminum, Pisaurum, Fanum, Malatesta de malatestis: Vrbinum Antonius Philareus. Ac ne singulos persequar, quæ pars erat imperij ecclesiastici, quæ a tyrannis non teneretur, ad eas igitur ciuitates recipiendas, quæ superiorum Pontificum negligentia magna ex parte amissæ fuerant, & si quædam alia Innocentium stimularent, poscentibus nonnullis earum id ipsum per legatos, multum tamen Aegidij uirtutem consiliumq; inuitasse creditum est. pleriq; igitur rebus opportunè congruentibus, Pontifex nihil cunctandum ratus, Aegidium ad se uocat, consilium suum exponit: multos esse in Italia populos ab Ecclesia per uim tyrannicam alienatos, cum magna rei ecclesiasticæ iactura & Pontificum dedecore: fore, nisi serpenti indies malo quam primum occurratur, ut ceteri eorū exempla secuti ab ecclesia propediè desistant: tanto magis, cum Ludouicus Imperator Ecclesiæ infestissimus hostis, eas ad defectionem sollicitare nunquam desistat. commemorat deinde, quantam ipse, & Cardinalium collegium, spem & præsidium in eius sapientia, fide, ac uirtute collocauerint. summam eius belli contra tyrannos administrã

di ad eum communi omnium sententia ac consilio deferri. Proinde se honestissimæ simul & honorificæ rei accingat. Quam peractum non se credere tantæ uirtuti, & industriæ difficilem fore, nonnullis iam ciuitatibus tyrannorum seuitiam deprecantibus. quæ sint ad expeditionem necessaria, dispiceret. Milites omnis generis, pecunias, commeatus, abunde se suggesturum pollicetur. Quibus rebus ille amissas ecclesiæ opes ualeat restituere, & sibi immortalem gloriam comparare. Hac oratione delectatus Aegidius, quod uideret oblatam sibi occasionem in difficili quidem honestissima tamen causa uirtutem suam & consilium ostentandi: prouinciâ libenti animo suscepit. Quin etiam gratias se habere respondit pontifici, quod sibi potissimum eas partes iniungeret. nam & si rei onus sentire, nihil tamen sibi potius, nihil antiquius esse, quam ecclesiæ ac Pontifici suum officium impartiri. cuius rei causa nullos labores, nulla discrimina, deprecari sibi iam pridem induxisset. bonam spem conciperet. daturum se operam, sperareq; ut debellatis tyrannis, omnes ciuitates, quæ unquam ecclesiæ paruissent in eiusdem redigerentur potestatem. In habendo igitur delectum uix mense absumpto, iustum exercitum diuersarum nationum Gallorum, Theutonum, Cimbrorum; Britanorumq; Aegidius comparauit. usus ad hoc magna ex parte opera Comitij Albornoij nepotis ex fratre Aluaro Garzia Albornoio, uiri strenui & rei militaris bene periti. Proficiscenti addit se comitem Luppum archiepiscopus Cæsaraugustanus, uir sapiens & alto consilio, quæ Aegidius multis magnisque beneficijs deuinxerat, suorumq; consiliorum arbitrum adhibebat, secutus est, & Alfonsus Toletanus Pacensis episcopus, auctus ea dignitate a pontifice Aegidij precibus exorato. Erat enim ei ueteri fidaq; familiaritate coniunctus. Quin etiam ab hispania huius expeditionis fama celerrima nonnullos exciuit. In primis Blacum Fernandum, & Garziam, Albornoium, Aegidio constanti uiginitate propinquos, qui iam sub Alfonsi rege castellis militantes suæ uirtutis præmium, amplos honores fuerant conse-

cuti : & post Aegidio operam egregiam , ut suis locis referemus , in bello gerendo nauauerunt.

ERAT ea tempestate archiepiscopus , princepsq; idem mediolanensis Ioannes Mathei filius , in huius fauore conciliando magnum fore momentum ratus Aegidius , Mediolanum iter suscepit , quo cum appropinquare nuntiaretur , archiepiscopus , multis honestissimis uiris , ac ferme nobilissimo quoq; longius præmissis , ipse obuiam cum magno comitatu ad duo millia ab urbe passuum officij gratia procedit , ac demum splendide magnificèq; hospitio accipit . Edicto per urbem , ut Aegidio eiusq; uniuerso exercitui cibaria abunde sine ullo pretio suppeditarentur . Aegidius literas , quas a Pontifice attulerat principi reddit . Harum summa fuit . Aegidium legatum , quem a latere suo in Italiam cum exercitu mitteret , ad recipiendas a tyrannis urbes , quæ ditionis essent ecclesiasticæ , ipsi etiã atq; etiam commendare : quicquid fauoris & auxilij in eum contulisset , sibi fore quam gratissimum : non se solere acceptorum beneficiorum memoriam deponere , aut esse in referenda , uel cum fœnore gratia parcio rem . Postero die , qui fuit decimus septimus cal. Octob. cum lecta epistola princeps adesset , Aegidius insuper pontificis mandata exponit , quanta , quamq; iusta esset Pontificis indignatio in tyrannos , qui nullo , nec christianæ religionis , nec legum humanarum respectu , ecclesiasticas urbes occupassent : ad hos depellendos magnam in ipsius Archiepiscopi fide spem Pontificem , cum eam expeditio nem moliretur , collocasse : proinde obtestari , ut Christi uicario , omnia de ipso sibi promittenti , ne decisset : Ecclesiæ , cuius ipse bona pars esset , laboranti , & in ruinam præcipiti succurreret . Quibus auditis , princeps multa simul animo agicans , pugnantem uidelicet cum petitione honesta , eo timore , ne debellatis tyrannis , ipse quoq; Bononiam , quæ itidem ab ipso occupata ad ecclesiam pertinebat , amitteret , semper se , respondit Pontificis uoluntati fuisse obsequentissimum , quia tamen ea res

ardua pergrauisq; esset, ad deliberandū se diem sumpturum. Postridie reuersus, incertum, an rei honestate uictus, an quod a Pontificis uoluntate non auderet dissentire, respondit, bel-
lū quidem, quod contra multos simul & potentes tyrannos, quicq; partim iam in armis cum manū nō contemnenda essent, iniretur, difficilimum uideri: se tamen, quemcumq; euentum fortuna tulerit, quicquid in se opis & auxiliij fuerit, in ecclesie dignitatem libenti animo esse collocaturū. pergrata fuit Aegidii principis responsio, eo magis, quod intellexerat, paucis ante diebus Francisci Estensis & Malatestarum ad Archiepiscopum legatos Mediolano discessisse, & proximē a Ioanne Vico & a tyrannis Forliuij, Rauennae, Fauentiae, aduenisse. quid legati cum Archiepiscopo egissent, ualde metuebat: ne quid dubitabat a tyrannis suo aduentu comotis, ad captandum principis fauorem, hos fuisse dimissos. licet Archiepiscopus inter, rogatus aliam ceterorum aduentus causam simulatē reddiderit, nam Principum Fauentiae & Forliuij legati, ex consilio (ut creditum est) Archiepiscopi, alijs fortasse recusantibus, Aegidium conuenerunt: quasi ad ipsum fuissent legati, renouantes, Principes suos paratos esse imperata facere, si modo aequa conditio, citraq; detrimentum offeratur. quibus Aegidius haud ignarus, quo animo dicerentur, pro tempore quae uisa sunt, spe pacis interiecta, respondit. triduo sibi commoratus facile intellexit, Archiepiscopum uereri, ne si ipse per Flaminiam iter faceret, Bononia, quae nullo, aut paruo praesidio tenebatur, in discrimen traheretur. hanc ut ei sollicitudinem explicaret, simul quod allatum erat Malatestam, qui bellum tunc gerebat cū Gentile Molano, cum mille quingentis equitibus, haud procul a Ferraria castra posuisse, quicum ad praesens confluere, non erat consilium, iter se in agrum Pisannam capturum, Archiepiscopo id ipsum suadenti, secreto affirmauit: petens ab eo duos viros auctoritate graues, consilio praestantes sibi dare, quorum opera in legatione, mittenda ad Io. Vicum uideretur, quicq; simul ipsum de Archiepiscopi uo-

luntate erga Summum Pontificem edoceret, ut intelligeret nullam sibi ad resistendum spem esse debere a Principe Mediolanensi. Datus est cū Occino a secretis Gulielmus iuris legumq; scientia clarus: ambo consilio ac uirtute præstantes. Proficiscentem Archiepiscopus muneris ergo duobus poculis argenteis, tertio aureo, magni prætij prosecutus est.

CVM ad oppidum qui sanctus Dominicus appellatur, peruenisset, legatos a Marchione Estensi obuios habuit; qui omne eius studium operamq; polliciti, ita excusarunt, quod promissa auxilia Hugoni misso rogatum suppetias non præstissent ut iusto eum metu exclusum, non uoluntate defuisse ostederent. Nam præterquam, quod Malatesta propius Ferrariam castrametatus esset, multos etiam ciues in ipsius caput conspirasse: daturum tamen operam, ut quod uerbis professus esset, re aliquando declararet. Accepta Aegidius excusatione, respondit, gratiam se habere Marchioni Estensi, quod eo animo esset erga se, Summumq; Pontificem: fore, ut eum instituti consilij nunquam pœniteret. Hoc responso legatis redeuntibus, Legati quoq; a Malatesta Ariminesi ad Furnum nouum (quod oppidum est in agro parmensi) agmen consecuti, cum huiusmodi mandatis adfuit: ægro animo se se tulisse, quod Aegidius a Flaminia iter auertisset: qua id ratione fecisset magnopere mirari: tanto magis cum ipsius studium animusq; in ecclesiam nunquam fuisset dubitabilis: quibus tamen uerbis cum iniqua postulata addidissent, re infecta, sed cum pacis futuræ spe, redierunt: tandem itinere non intermisso quinis denis castris Florentiam peruenit: fuitq; a Florentinis splendide ac magnifice exceptus: nullosq; officio sociæ & amicæ ciuitatis prætermisso, centum quinquaginta equites ei auxilij causa, hæc ciuitas decreuit.

IAM hinc Aegidio, quos uiror ab Archiepiscopo Mediolanensi accepisse, demonstrauimus, legatos ad Ioannem Vi-

cum mittere, placet. quibus mandat, ut exposita Archiepisco-
pi uoluntate ac consilio, erga susceptam expeditionem, Pon-
tificis suisq; uerbis ei renuntient, oppida, uicos, castella, quid
quid demum occupasset, quod iure ad ecclesiam pertineret,
Pontifici sine ulla mora restitueret: habiturus si ita fecisset,
omnium præteritorum malorum a summo Pontifice ueniam;
sin recusaret, aut quouis modo tergiuersaretur, ut Ecclesiæ
Pontificisq; hosti: bellum indicerent, & minis conterrerent.
A Florentia Aegidius magnis itineribus Senas ire contendit.
huius. n. ciuitatis primores cognouerant uehementer tumul-
tuare: dum alteri Ioanni Vico, alteri Pontifici Maximo stude-
rent: cuius aduentu, operaq; & prudentia Episcopi Senensis
celerime effectum est, ut composita seditione omnes in Eccle-
siæ partes adducerentur; & communi consilio centum auxilia-
res equites Aegidio: ea ciuitas daret. Interea allatum est: hosti-
les copias non longe abesse a Meuania & Monte Faliscorum:
quare ea oppida non contēendis præsidij muniri placuit, atq;

INFLUXERAT Italix tēporibus illis perditorum ho-
minum multitudo: qui a Germania non domicilium, aut
nouas sedes captandi gratia, ut Cimbros olim fecisse legimus,
sed bellandi prædandiq; studio conciti, Montem Regalem &
Comitem Laudinum duces sequebatur. His belli gerendi cā-
ratio erat, ut singularum ciuitatum agros hætenus infestarent,
otiumq; earum sollicitarent; donec populi magno præcio ab
eis pacem redimere, cogerentur: qua immanitate cum in po-
pulos Ecclesiasticæ ditionis potissimum usos constaret, non
tamen Aegidius ad presens eos bello læssere in rem fore, ducē-
bat: ne si Ioanni Vico id ipsum magnis præmijs pollicitationi-
busq; suadenti socii arma iunxissent, hostium numerus magna
multitudine augetur. Erat. n. ea societas, nam sic uulgo di-
cebatur, armatorum octo ad modum millia: quorum tria tan-
tum pedibus ceteri omnes equis militabant. quin potius in
suas partes adducere omni ratione enitendum ratus, Garold
Aduadulæ

Aduersus, & Io. Alberti, uiris magna, & auctoritate & prudentia, negotiis dāt, uti Germanos adeant, eorum animos tenent, quid consilij corpissent explorato, conentur a Io. Vico ad exordium ecclesiasticum auertere. De conditionibus uero pacis & societatis nihil se in consilio paciscantur. Subhat Perusini exorta inter, eius magna seditione, legatos publice ad Aegidium mittunt, qui ipsius edicerent, quanta in dissensione populus ille uictus retineat. Quae cum accedentibus odiosum, ut his, ita dies nobis causis, magis ac magis aleretur, positum esse in eius aduentum, ac auctoritate ne eius ruin ciuibz conflagant. Propterea comprecari, ut ad ipsos quantum maxime posset acceleraret. Fore eam rem populo perusino magnopere salutis. Aegidio non mediocri fortasse usura bellum gerendu. Cui petitioni, cum Aegidius libenter acquiesceret, magna cum celeritate Perusini contendit, exceptusq; cum ingenti letitia pacem breui intentiones composuit: atq; omnium animos in ecclesiam, & Pontificis studium conuertit. *inter ea, quae in hoc loco inueniuntur, multa sunt, quae non sunt in hoc loco.*

INTERE A. legati, qui fuerant ad societatem missi reuerti, ita redeuntes, hoc tantum responsa Germanis attulerunt. Statuisse se libere pagari, nec cuiusquam imperio, aut uoluntati se addicere. Quod responsum, cum Aegidius ad concilium reuolisset, cui adhibuit primos quosq; Perusinae ciuitatis, omnes in eam sententiam uenerunt. In primis habendam esse rationem, ne Germanorum societas se se hostibus aggregaret, ad hoc unam potissimam suam patere. Si cum tuta adduci non poterit, aliqua saltem eius pars cum Duce Monte Regali, magnis pollicitationibus, & qualibet grandi mercede conducere, ut altero Ducum conciliato, alterius opes non forent extimescendae. Sed de his rebus legatione missa, responsum est a Germanis. Se fide data acceptis, & iureiurando laxillis, nulla societatis partitione facta, omnes eandem semper belli fortunam experiri, quibus responsis legatis redeuntibus, tertio Aegidius ad montem Regalem legatos cum his mandatis mittit, quando societati nullis praemijs persuaderi posset, ut aut tota

aut aliqua ipsius pars sub signis ecclesie militaret; dum libere
 uagari, ac neutrquam se iungi iurando statuisse, profiteba-
 tur, ab eo postulare; primum, ut copias quæ agrum Tuderti-
 num infestarent; inde quamprimum abduceret; deinde ciuita-
 tes ditionis ecclesiasticæ ne bello; neue alia iniuria laceraret; po-
 strémò rogare, ne hostibus suis Pontificisq; presertim Io. Vi-
 eo præstaret auxilium: Quæ si ita fecisset, magnam illi secum,
 & cum Pontifice Maximo, gratiam futuram, ædurumq; se pol-
 licetur cum summo Pontifice, ut fratrem eius; hominem ec-
 clesiasticum & utriusq; iuris non imperitum, cū honestis reddi-
 tibus episcopali dignitate augetet: sin minus hæc impetraret,
 quæ tam iusta & honesta essent, cum non minus hostes eccle-
 siæ ulciscendi, quam amicos & clientes conservandi curam lu-
 scepsisset, non se se commissurum, ut hostum iniurias neglexisse
 uideretur. Ad hæc Mons Regalis paucis respondit. Iusta esse
 Aegidij postulata, & accepta conditione, nihil se deinceps atq-
 rum pollicetur, quod intellexerit, Aegidio Summoq; Pontifi-
 ci molestiam, aut incommodum allaturum, statimq; exerci-
 tum Tuderto promotum in Picenum perduxit. Hæc eodem
 tempore Aegidio responsa factaq; referebatur, & legati, quos
 ad Io. Vicum misserat, redibant, qui hæc responsa ab ipso re-
 portarunt. Aegidij postulata graua se, & periniqua censere;
 & in quæ sine magna opum suarum iactura, suocq; dedecore de-
 scendere nequiret. Pacem tamen cum eo; ac Summo Pontifice,
 certis conditionibus libentissime esse facturum. Quibus condi-
 tionibus, cum eas per iniquas esse constaret, minime acceptis,
 Aegidius, cum primum per anni tempus posset, cum bello
 persequi, statuit. Tunc uerò affecto autumno, parte exercitus
 Romam missa quæ populum in officio contineret, locum hy-
 bernis deligendum, & omnia quæ usui belli futura uideretur,
 comparanda existimauit. Abolita igitur inter perusinos discor-
 dia, sua præsentia, animisq; in Pontificem confirmatis, populū
 eo nomine liberali oratione collaudatum hortatur, ut in ea sen-
 tētia & fide persisteret, cum quod in se tam officiosi extitissent,
 gratias egit. Postremo Florentinorum, ac Senensium exemplo
 commemorato,

commemorato, petit, ut ipsi quoque se aliquo auxilio iuuare officij ducerent. Tunc Perusini per primores ciuium omnem suam operam fidemque polliciti, equites ei ducentos dant, quibus loco pratoriz cohortis uteretur. Hijs copijs Aegidius auctus, nec dum tamen lo. Vico militum numero par, in Montem Faliscorum, quod oppidum, quia nec ab hoste longe aberat, & erat in edito collectum, hybernis opportunum censebatur, hyemandi causa xviij. die ante calendas Decembris contendit.

TRIBVS ibi mensibus traductis, cum nec pecuniaz a Pontifice submitterentur, nec commeatibus conuecti suppeterent, cepit exercitus fame laborare: nec .n. ab Aegidio in maius tempus rei frumentaria potuerat prouideri: quandoquidem ad numerum inopiam, ea quoque mala acciderant, ut Patriarcha Aquilegensis, & Episcopus Tudertinus, cum reliquis, qui exercitui commeatibus supporsare fuerant polliciti, fidem metu hostium excoli fallerent. Naues etiam quae a Corsica & a Sardinia frumentandi causa missae redibant, interciperentur. Quo malo, cum multi milites discedere cogerentur, ecclesiasticus exercitus in dies minuebatur. In tanta omnium rerum iniquitate, Aegidius Pontificem de cunctis certiorum faciendum ratus, Episcopum Pacensem cum mandatis & litteris mittit, ut ipsum edoceret, quam in angusto res esset, & in quanta non commeatibus modo, sed milicum etiam indigentia exercitus uersaretur. Quibus malis ni subueniretur maturè, timorem esse, ne deficiente ecclesiastico exercitu, atque indies decrescendo; hostibus contra, ex his rebus maiorem audaciam, maioresque spiritus lumentibus, ea quoque ciuitates, quae hactenus ecclesiae sine controuersia paruissent, discrimen adirent. Se uero eo semper animo persistere, conscribit, ut pro Pontifice, & Ecclesiae nullum laborem, nullum discrimen esset deprecaturus. Sed nec Imperatorem sine exercitu bellum gerere, nec exercitum sine stipendio, aut contineri, aut reparari posse. In eam se necessitatem esse compulsum, ut ceteris absumptis ex instru-

menti sui uasis argenteis aureis ue nihil sibi reliquum fecerit, omnia aut distraxisse, ut oppignorasse. Multum præterea æris alieni contraxisse, ut milites in officio contineret, et parum profecisse. Magnam etenim partem ex hybernis, cibariorum inopia discessisse. At sibi a monte faliscorum copias idcirco nō esse promotas, quod dubium non esset in tanta militum paucitate, si inde discesserit, hostem, qui quotidie infestus adesset; oppido potiturum. Quod ad ducendum bellum, natura situs magnam faceret occasionem. Cuncta tamen damna posse refarciri, siab ipso pecuniarum, quantum satis esset, suppedicaretur. Iam. n. se in Aetruriam, ac Galliam cisalpinam dimississe, qui militum delectum haberent. Paucis interiectis diebus allatum est, Vrbeuetanos, quæ ciuitas, cum tota Pontifici pareret, tamen in duas factiones, Musatam & Marchulinam scindi debatur, intestino bello acriter agitari. Nam extra multa data, acceptaq; uulnera, plurimos ciues interfectos fuisse, nunciabatur. Ad quas discordias sedandas, uirum autoritate grauem & rebus gestis insignem mittit, qui ciues graui oratione castigatos, ad concordiam omnibus rationibus hortatus est. Et cū perpetuam pacem impetrare, difficile esset; factis in annum inducijs, obsides utriusq; factionis principibus imperauit; accepitq;.

DOMESTICIS seditionibus leuati Vrbeuetani, bellū omnes lo. Vico inferendi, cōsiliū inire cœperunt. Quo cognito, Ioannes Vicus adeo commotus est, ut collatis omnibus uiribus, in Vrbeuetanos totum bellum conuerterit. Quibus superatis, expugnataq; urbe, multis promiscuè necatis, in primos quosq; ciuitatis multifariam scruitum est. Postremo magna ui pecuniarum uniuerfis imperata, quosdam secum captiuos duxit, qui postea libertatem ab eo octo millibus ducatorum redemerunt. Quo tempore Vrbeuetani bellum aduersus Ioannem Vicum moliebantur; eodem Viterbij, cui Petrus Vicus Ioannis frater præerat, ingens animorum cōmotio facta est. Quidam. n. ex primoribus ciuitatis, conspiratione in tyrannum

num facta, cum trecentorum armatorum manu, quam occulte coegerant; magno clamore excitato, populum ad libertatē uocare coeperunt. Quo cognito, Petrus Vicus extemplo amicorum cohorte, quos satis paratos habuit, comparata, forum occupauit, ubi acre prælium commissum est, ac demum populares in fugam coniecti, quorum multi comprehensi, & supplicio affecti sunt. Inter quos quatuor ex nobilitate securi percussi, alij uero timore perterriti fuga mortē uitauerunt, quorum omnium bonis publicatis, magnum inde lo. Vicus pecuniarum numerum congeffit. His rebus fiebat, ut eius indies auctoritas ac opinio cresceret, & exercitus augeretur. Quæ cū Aegidio, non sine ingenti eius dolore, nunciarentur, nondum tamen cum hoste prælio decernere, a quo tam longe numero militum superabatur, ex usu esse ratus sese hybernīs continebat, expectans, dum auxilia, quæ a Pontifice mittenda erant, se, cum cætero exercitu cōiungerent. Sed cum diutius hæc morarentur, longumq; uideretur expectare, nec suam pati dignitatem ut impune lo. Vicus agrum faliscorum, crebris incurSIONIBUS, quotidie uastaret; fluctuans animo, ac tota mente agitans, si qua ratione æquari posset, quod uiribus deerat, hoc cunctis consilijs præferendum statuuit. Intellexerat robur exercitus lo. Vici in equitatu esse. Cum huius primoribus magno præmio, ac magnis pollicitationibus, per occulta colloquia pacisci conatur, ut copias ad se traducerent, Quod horum plerisque persuadere, tanto minus fuit difficile, q̃ multorum populorum tyrannum, ac hostem ecclesiæ deferentium defectio; non magni facinoris inuidiam, sed pietatis potius speciosum titulum, apud honestissimos quosq; & christianos homines habitura uidebatur. Quingenti igitur equites, signis repente sublati, ad Aegidium transierunt, quorum defectio. lo. Vici audaciam usq; adeo fregit, ut Vrbeueteri contentus, nullam deinceps incurSIONEM facere auderet, Aegidius uero cum iam uirum non pœniteret, relicto in Monte faliscorum firmo præsidio, cui Carolum Adoadulam præfecit, milites ex hybernīs educit, corripitq; hostem bello prouocare.

TEMPLVM erat Laurētio dicatum haud procul ab Ve-
 beueteri, opere ac natura ita munitum, ut arcis locum,
 speciemq; præberet. Illoc, quia Ioannes Vicus alta fossa circums-
 ducta, valido militum præsidio firmiorat; Aegidius in pri-
 mis expugnare statuit: Ac Iordani cum parte copiarum, id ne-
 gotium dat. Is properè ad motis machinis, ac tormentis dis-
 positis, se ita strenue gessit, ut quo die oppugnari cœptum ab
 eo est, eodem quoq; fuerit expugnatum. His autem, qui tem-
 plum custodiebant, uenia data, & abundi facta facultate, Os-
 charatum, & Albertatium Richasulum, ac Benedictum Or-
 mariam cum centum quinquaginta militibus custodia loco
 relinquens, ipse cum reliqua manu Vlsinum oppidum proficis-
 citur. Quæ cum Ioanni Vico renuntiata essent, cum pediti-
 bus nonnullis, sed omni equitatu urbe egreditur, experiri di-
 gratia, an templum sicut celeriter fuerat amissum, ita prop-
 te possit recuperari, Templum prætergressus cum nemo se illi
 obieciisset, speculatores mittit, qui cognoscerent, ecquid pro-
 pè lateret insidiarum, qui renuntiarunt, haud inde procul ho-
 stium uisa quinq; signa. Quo metu subsistere agmen iubet, nec
 est ausus ultra progredi. Ecclesiastici uero nuntiato, quò loco
 Ioannes Vicus extra oppidum uagaretur, eise celeriter osten-
 dunt: & commisso prælio, cum acriter utriusq; pugnaretur, qui
 templum tenebant, hostes à tergo adorti, tantum eis terrore
 incussere, ut turbato ordine, multis occisis, pluribus uulnera-
 tis, & uno signo amisso, cæteri in fugam uerterentur, cum
 quibus Io. equos uicini in oppidum sese recepit. Corfidium dein
 de oppugnari placet, quoniam ex eo oppido ecclesiasticos co-
 meatu prohibere facultas erat. Ergo a circumiecta manu ubi
 tela iaci cœpta sunt, & propugnatoribus nudatus murus, ad
 motis scalis milites conscendunt, & ui oppido celerrime po-
 tiuntur, qua oppugnatione oppidanorum nonnullis occisis,
 cæteros nulla affectos iniuria Aegidius in suam fidem recepit.
 Paulo post urbem Toscanellam cum arce (oppidanis, ad dedi-
 tionem oppugnatione, & Corfiliensium exemplo compulsis)
 recepit. Interea pecuniarum a Pontificæ præmissis subsidij,
 equites

equites etiam trecentum peruenere; missa sunt itidem auxilia à Ioanne Archiepiscopo Mediolanensi, quæ prætereunti Aegidio fuerat pollicitus, quæ res ut exercitum ecclesiasticum numero uribusq; auxerunt, ita hostibus magnum iniecere terrorem. Prorsus, ut multi tyrannorum auxilijs, quæ Ioanni Vico submiserant, reuocatis, in suas quisq; res omnes curas intendere cœperint, & necessaria ad sui defensionem comparare,

CVM septingentis equitibus, peditibusq; pro numero equitum Io. Vicus in oppidum, quod Aquam pendentem appellant, ab Vrbe ueteri profectus est, reparandi exercitus gratia, & quod locus ille opportunior ad trahendum bellum uidebatur: quo cognito Aegidius Andreæ Salamontello, uiro magni animi, & consilij, cuius in bello gerendo singulari opera sæpe usus est, imperat, cum equitatu, & parte copiarum eum anteuertat, ac itinere prohibere contendat. Qui celerius omni opinione, quod iussus erat, executus, uiam occupat, & procedere pergenti hosti sese acie directa opponit: quam pugnam cum Io. minime detrectasset, infestis signis acriter utrinq; concursus est: pugnatumq; diu est equo Marte, hos cladis nuper acceptæ indignatione, illos pristinae uictoriæ gloria accendente: postremo Io. multis suorum amissis, cum reliquis fuditur fugaturq;, coactusq; est iterum in Urbem ueterem sese recipere: postero die ad Arcem abbatia: producto exercitu, ubi oppugnare frustra tentasset, uisumq; esset oppidum inexpugnabile, obsidione cinxit: quam cum diutina fore, oppidanis intelligerent, & sibi perniciosam, desperatis Io. Vici rebus, sese Andreæ dederunt. Quorum exemplum secuta multa oppida finitima, quæ sita in montibus, fuerant à Io. Vico præfidijs munita, admoto tantum sibi exercitu ecclesiastico, se Aegidio dederunt. Tunc uero multarum ciuitatum, quæ tyrannis seruebant, legati ad Aegidium uenerunt. Gratissimum sibi primo fuisse nuntium, quando Aegidius cum exercitu in Italiam aduentare, nunciatus esset: nam tunc demum suæ libertatis spem aliquam concipere ausos fuisse. Victorias dein

de ab eo

de ah eo de hostibus partas vehementer gratulari: nam & si
 plebs urbis ecclesiarum amissas. atque tantis bello atque pulset. ma-
 gis tamen ex suo. quam vel Pontificis visu. sustulisse. se. se non
 ignoraret. Cum ille amissas urbes. ipsi libertatem quo nihil
 melius esse eo rebus humanis. recuperassent. Proinde suis. ma-
 lis eductus. quamvis calamitosum tyrannis servire. se suam. Ad-
 gidi. Pontificis perfidii. ac potestati tradere. Quicquid impo-
 rasset. libentissime se esse facturos. tantum se a violentia ac in-
 iuria tyrannorum tueretur. Argidius liberali gratia legat-
 os prosecutus. eorum animos sermone sic confirmavit. Ponti-
 ficem ne id bellum susciperes. non magis multis parvis. ecclesia
 suisque peris. indignationem. quam infelicitum civitatum. in
 quas scelestissimi homines tyrannidem. exercerent. miseratio-
 nem impulsisse. Sperate. se. quam maxime a facinorosis homi-
 nibus. hostibus ecclesiarum. qui omnia iura divina. humanaque vio-
 larent. tantorum scelestorum poenas quam primum sumpturum.
 Ac omnes civitates. quae aut vi tyrannica iniuriam suppleverint. sub-
 sent. aut sponte haecenus servientes. aliquando respicerent.
 in libertatem vindicaturum. Satis in liberos. esse. qui ecclesiarum
 tantum ac summi Pontificis legibus inferrent. Quod si qua
 civitas. eo stultitia ac dementia procederet. ut oblasam liber-
 tatem reculeret. rei non impune. non magis quam ipsis tyrann-
 nis fore. His responsis legati latibundi descendunt. Aquorum
 sententia. Cornetanum tam longe aberrare. ut pro lo. Vico. se Pon-
 tificis. hostes esse haud obscure profiteretur. Quo cognito. Ar-
 gidius. ne eius civitatis pertinacia exemplo quod noscere posset
 hos omnium maxime bello persequi. & prima quae temporis
 opportunitate agrum Cornetanum vastare statuit. Quare Ior-
 danem & Blasium nepotem suum. Romam properare iubet. &
 copias quae hybernandi ac praesidii gratia commisit. suerant. in
 agrum Viterbiensem deducere. *et omnia. innotuit. oblige.*

QVOD consilium ubi Iohanni Vico. nunciatum est. Reuer-
 tum Victorium quem unice diligebat. & quod erat ad ne-
 scidos. dolos mirus artifex. magnificiebat. cum censum
 35 de 36
 quinquaginta

quinquaginta equitibus Cornetanis subsidio mittit. Is non ignarus quantam ecclesiasticis ad bellum gerendum, opportunitatem Mons Faliscorum faceret, consilium inire cepit, ut Carolo, quem oppido præfectum ab Aegidio diximus, cum præsidio circumuento, interfecisset, oppido potiretur. Ratio hæc fuit. Arx erat munitissima, quæ à Monte Faliscorum circiter tria millia passuum aberat, Arx Castellacij appellata: cū huius arcis præfecto consilium communicat, monetq; uti literas, nunciumq; secreto per speciem proditiōis ad Carolum mitteret, quibus polliceatur in arcem ipsum cum armatis accipere, si ad diem dictam inagno cum silentio paulo ante Iudei præsto fuerit; quibus, cum Carolus, magnæ sibi gloriæ oblatam occasionem, quam diu captauerat, ratus, prescripto annuisset, præstituto die, qui fuit undecimus ante calendas Maias, Reuerius Victorius ipse, cum magno equitatu pediatuq; proxima silua occultatus Carolū expectabat, ut prætergressum à tergo adoriretur. At Carolus, qui hostis pollicitis fidem non sine suspitione insidiarum habebat, consilia ad omnes casus comparabat. Nam militibus paucis ad tutelam oppidi relictis, cum cæteris omnibus bene instructis, ac ordine seruato, de tertia uigilia proficiscitur. Signo accepto, equites decem cum centum & quinquaginta peditibus præmittit, qui fidem artis præsidis periclitarentur: ipse cum reliquo agmine, haud ita longo intervallo, in uia subsistit. Præfectus antecursores prope arcem conspiciens, cepit magna uoce ecclesiam inclamare, simulq; ab arce in eos tela conijciebatur. Quo signo hostes subito celsa exorti concurrunt; nec multis paucos, circumstiteret, & comprehendere fuit per difficile. At Carolus, qui auribus animoq; intentus euentum rei subueritus; expectabat; exaudito clamore & hostium insidijs intellectis, aduolat, & impetu facto hostem in se conuertit, & cum diu fuisset acriter dimicatum, tandem insidiatores profligati se fugæ mandarunt, quos ecclesiastici infestati, multis interfectis, equites uiginti, cumq; his arcis præfectum, ceperunt. Reuerius accepto uulnere cum paucis euasit. Carolus his gestis, ac suorum paucis amissis in Montem

Faliscorum se recipit. Hac clade Aegidius, Cornetum defensoribus multum exhaustum fuisse arbitratus, confestim eo rapie agmen; coepitq; magno impetu oppugnare, ut iniecto terrore, oppidanos ad deditionem compelleret; quod cum parum pro cederet; erat. n. oppidum militibus differtum, misso iterum auxilio ad Ioannē Vicō, cui praeerat Ludouicus eius frater, perud stato agro, copias inde abducit, & in Celenū, Vetrālam, & reliqua oppida, quae circa Montem Faliscorum lo. parebant; conuertit; magna idē his populatione in cōmoda inferendos

Cum praesidium Romanū se cum reliquo ecclesiastico exercitu coniunxisset, inter duos viros nobiles, alterū Rod manūm, Germanū alterum, tanta seditio in castris exorta est; ut, à Romanis Germanisq; dom suo quicq; fauent, ad armā conclamato; aliquandū fuerit pertinaciter p̄lio dimicatum, quod nullius oratione, commonitione ue, ante dirimi valuit, quam nonnullis interfectis, pluribus pulneratis, reliquae copiae ex Aegidij imperio, se ex transuerso, inter uolantia tela, subito impetu, intulissent. Ad hunc modum seditione sedata, moxq; facta pace; & gratia inter utrosq; reconciliata, Aegidius copias proprias Viterbiū mouet: & crebris incursionibus magnū hostibus timorem inferebat. Interea Ioannes Vicus urbem reperit, cum nullo eam ecclesiastico praesidio teneri; intellexisset, ac nemine prohibente ingressus, magnam in locu, pletes auaritiā, & crudelitatem exercebat. Nam qui, imperā tam magno numero pecuniam, denegassent; omnia in eos exerta praerogatiua edebat. Cuius immanitatis latius fama dissipata; quorundam ciuitatum animos ab ipso multum auertit; Viterbiensium in primis. Horum enim pleriq; quorum fuerunt, qui arcem custodiebant, auxilio Aegidij, qui propē aderat, freti, die quodam sub solis exortū ingenti clamore sublato, ecclesiā incēperunt conplamare: quo audito Aegidius propere arma sumere, machinas admoeri, scalis arcem conscendere iubet. Omnia tamen tyranni promptitudo ac diligentia irrita fecit, qui antequam ceteri oppidani conuenirent; qui clamorem

excitarent, ex templo comprehensis, & magno supplicio affectis, cæteros ab instituto deterruit, & qui arcem tenebant animis consternati, eam tyranno reddiderunt. Simulq; milites disposuerat; qui subeuntes ecclesiasticos a muris repellerent. At Aegidius cum Viterbium, nisi longiore obsidione, haud facile expugnari posse, intelligeret, ne diu ibi tempus terit, alia oppida indiscrimen traherentur, populabundos agros, exercitum propius Germanorum societatem, de qua supra dictum est, promouit. At ex itinere cum Urbem ueterem oppugnare, si forte resisteret, moliretur, portis patefactis, omnes oppida nil obuiam ei præcedunt, Urbemq; tradunt. Ingressum, cum oppidum uacuum habitatoribus reperisset, magna eius ciuitatis miseria incesisse fertur. Nam ex numerosa multitudine, quæ oppidum illud non pridem abundabat, uix trecenti homines, qui arma ferre possent, numerabantur. Postridie re diuina rite perpetrata, cum omnibus benedixisset, pacem perpetuam inter Mussatos & Marculinos, factiones, ut diximus, contrarias, fecit. Iubetq; omnes ciues, qui a Ioanne Vico eiecti fuerant, suæ ciuitatis restitui. Urbem ueterem exemplum Tusculani secuti, mox legatione missa se Aegidio dederunt.

IOANNES Alerianus Amerinæ tum temporis tyrannus erat; qui licet amicitiam cum Ioanne Vico confirmasset, non tamen ab Aegidio palam audebat desciscere. Huic igitur Aegidius paulisper in Urbe ueteri commoratus, denunciatum mittit, ad se quam primum uenire properaret. Habere, quæ cum eo de re communi colloqui uellet. Qui si renuisset, sibi eodem loco, quo Io. Vicum futurum. Ille uero, cum se humiliorem scirer, quam ut Aegidio resistere posset, & Io. Vici opes afflictas uideret, dicto audiens Urbem ueterem peruenit; multa meditatus, quibus dum Aegidio frustra persuadere conatur, ut se ministro in populo Amerino gubernando uteretur, Io. Albertus & magnus præfectus legati clam missi Amerinam perueniunt. Qui populū omnibus rationibus hortati, ut se Pontificis imperio redderent, adduxerunt. Tunc Aegidius magna

LIBER I

proposita pœna, interdicti Io. Aleriano, imperatq; ne mille omnino passibus propius Ameriâ de cœtero appropinquaret. Interea societas in agro Tuderino vagari ab exploratibus renuntiatur; quam rem ægre ferens Aegidius legatos ad principes eiusmittit. Quod in eum locum copias cum magna ecclesiæ clientum iacturâ deduxissent, inique eos agere. Qua id ratione fecissent, mirari sese. Postremo rogare, agmen inde sine ciuitatum ditionis ecclesiasticæ iniuria submouerent. Ad hæc Germani pauca, sed insolentèr responderunt. Nemini suarum rationem, in Italia ignoram esse debere; quibus cum cœtera desint uestigia, præda ac rebus bello partis uitâ ducere necesse esset. Multas ciuitates pacem, ac suorum agrorum incolumitatem magna ui pecuniarum à se redemisse. Proinde, si uelles Aegidius se sollicitudine, populos ecclesiasticos ea molestia subleuare, earum ciuitatum sequeretur exemplum, quæ pecunia numerassent. Et magnam uim pecuniarum petunt. Hanc germanorum insolentiam grauiter admodum tulit Aegi. Præsertim quia suspicabatur, germanos Io. Vinctu uoluntatem secutos in id audaciæ ac improbitatis aduersum se processisse. Cum ille uictus necessitatibus, unam ex filiabus suis Antbaldo Montis Regalis fratri cum grandi dote spondidisset; existimans sic uniuersam societatem posse in partes suas adduci. Ergo legatos iterum ad societatem cum his mandatis mittit. Mirari sese quæ causâ ipsos sua, ecclesiæq; Romanæ amicitia repudiata, eò iniuriarum & in tam iniqua postulata compulisset; cum se hoste non contemnendo, amicis fortasse non inutili, eis liceret uti. Tanto magis cum Mons Regalis superiore anno, fide data, pollicitus fuisset, societatem se, ab inferenda iniuria ciuitatibus ecclesiasticis, contenturum. Nam quod sibi pecuniarum uim extorqueti posse, putarent; non modo iniuste eos facere, sed etiam imprudenter. Neq. n. earum ciuitatum, quas pacem a se magno precio redemisse iactarent, & suam conditionem similem esse, illas nanq; multo plus, si resistere uellent, in nouum exercitum conficiendum, fuisse collaturas, & cum magno, tum uniuersi populi, tum singulorum incômodo, a pacis negotijs

a uocandas, se uero in armis esse; & ea pecunia honestius, libe-
 tiusq; nouum militem ad propulsandas iniurias, si opus esset,
 conducturum; quanquam ad id satis superq; roboris, ac uirū
 sibi esse in ueteri & exercitato milite sperare. Se ita esse, sem-
 perq; fuisse animatum, ut ultro nunquam nouum hostem esset
 quaesiturus, lacessitus autem dignitatis suæ ac ciuitatum, qua-
 rum patrocinium a Pontifice suscepisset, commoditatis ratio-
 nem haud segniter habiturus. Proinde iterumq; rogā-
 re, monereq; per Deum iusti belli semper fautorem, ultoremq;
 iniusti, ecclesiasticis finibus nulla amplius illata iniuria, cedere
 maturent. Quæ si fecissent, magnam se illis gratiam habiturum,
 & quæ Monti Regali superiore anno fuisset pollicitus, quam
 primum opere præstiturum, Sin minus impetraret, ita sibi per-
 suaderent, rebus se suis, & ecclesiæ clientibus, socijsq; gnauiter
 esse consulturum. Quibus auditis germani, partim rei honesta-
 te, partim timore uicti, per ecclesiasticos terminos a maleficio
 temperantes in agrum Senensem iter suscipiunt. A quibus ex-
 torta pecunia, deinde a Florentinis, in Pisanos terminos per-
 uenerunt. Paulo post germanorum discessum Aegidius Eugu-
 bium, cui Io. Caneuius imperitabat, legatos mittit. Qui om-
 nibus modis oppidanos, ut Pontificis fidem sequantur, cohort-
 entur. Quibus responsum est ab Eugubiensibus, sese paratos
 esse imperata facere, & prima quaq; occasione oppidum Aegi-
 dio tradituros. At cum interiecto tempore, diem de die profe-
 rentes a promissis discedere uiderentur, iterum Aegidius lega-
 tionem, subsequenter copijs mittit. Tunc uero Eugubien-
 ses nulla facta mora, patefactis portis oppidum arcemq; lega-
 to tradunt.

OMANVM quoq; ditionis ecclesiasticæ, Stephanus occu-
 parat. Is, ut iusti imperij titulum tyrannidi prætenderet,
 cum Aegidij quaestorem numorum inopia premi intellexisset,
 cum eo mille numum aureorū pactus est, ut opidi redditibus,
 in mutui compensationem, sibi frui liceret quadriennio. Exi-
 stimans, scilicet, id conuentum Aegidio ratū fore. Qui tamen,

cum pactum rescivit, improbatâ re, Stephano, ut intra sex dies oppido cederet, denuntiâ tum mittit. Ille dicto audiens cū imperatum fecisset, numos cepit instanter a questore repetere. Tunc uero Aegidius dimidium ei reddere cēsuit: reliquos, quia satis costabat ex uestigialibus Pontificijs plus: etiam ab eo fuisse perceptum, non item.

HIS gestis in montem Faliscorum uersus ab Vrbeueteri promouit, relicto illi, custodis loco, & cum potestate oppidanis etiam iuris dicendi Albertatio Richafulo, cui ducen-
 tos equites & quadringentos pedites attribuit. Harum rerum fama diuagata, complures ciuitates, quæ principio Ioānni Vico coniurauerant, de deditiōe ad Aegidium legatos mittunt. Quarum defectione Ioannes Vicus uehementer fractus animo, cum nec ab his, nec a Germanorum societate spes esset, tot continuis acceptis incommodis, rebus deniq; desperatis, legationem & ipse, de se dedendo, & quæcunq; occupasset, ad Aegidium mittit. Et in fidei testimonium, alterum dare filium obsidis loco pollicetur. Preces addit magis, quam pacta. Quoniam ita tulisset fortuna, ut imperio & opibus amissis, ad quas res non dolo irrepisset, aut prorupisset ui, sed aut iubente Ludouico Bauaro, quasi suo iure posset, aut ipsorum populorum uoluntate, & superioribus pontificibus quadamtenus consentientibus, euectus esset, in summam omnium rerum inopiam redigeretur, ab eo petere, nisi forte Ioannem Vicum post omnia, uitali quoq; aua interdicens statuisset, deposita sua clementia & mansuetudine, quam in aliorum malis cognouisset, tantisper, dum in ipsum sauiet, si tamen conseruandum decreuisset, obsecrare, aliquam saltem misero uitam trahendi, alendiq; infelices cum coniunge liberos, reliquam faceret facultatem. Oppidulum permetteret cuius pensiuicula ad priuatæ uitæ necessitates parca mediocritate suppeteret; accepit conditionē Aegidius, & precibus acquieuit. Accepitq; obside, Ligerium Androtum ciuem Perusinum, cuius fidem summam coniunctam pari prudentiæ erga se perspexerat, qui Viterbij

Viterbij preturam gererēt; cum ducentis equitibus præmittis. Postero die Iuppum Archiepiscopum. Caſarauguſtanum, & Alphonſum Episcopum Pacenſem, cum equitum duobus millibus, & multis peditibus; qui oppidum reciperent, ſubmittit. Quo portis patentibus Ingreſſi; clauſes portarum, turrium, arcifq; traditas acceperunt. Poſtridie Ligerius Androtus, ut iuſſus ab Aegidio fuerat, aduocatꝝ oppidanorum concione populum; qui frequens conuenerat, in hunc modum ad pacem hortatus eſt.

NON ſe dubitare, quanta, eo die, cum expectatione populi, Iulius Viterbienſis ad indiſtam ſibi concionem conueniſſet. Nam prætor multa, ac propè innummerabilia incōmoda, quæ cunctis, quibellum gerunt accidere neceſſum eſſet, duo eſſe maxima mala; quæ homines potiſſimum urgere ſoleant. Quoniam; ut bello pendente, illam cunctis inelle perpetuam curā, ſummumq; timorem, ne quomodo, aut à q̄to uis hoſte tandē ſuperentur; ſic poſtremo uictis illum reſtare timorem difficiliſimum, atq; haud ſcire, àz omnium maximum, quali victoria in uictos dedititioſq; uictor ſic uſurus; cuius cū iure belli ſumma ſit facultas in eos animaduertendi, quos iuſto bello deuicerit, neminem latere à multis, in eos etiam, quos iniuria debellafſent, ita fuiſſe atrociter ſæuitum, ut merito omnes uicti, euentum uictoriæ deberent exhorrere. Viterbienſes autem, ſi nulla antiquorum exempla; quorum eſſe plena omnia, mōderent; at certe recentia ſupplicia, quæ ille Ioannes Vicus, (præſto. n. aderat) de Vrbeuetanis, ſuperioribus diebus à ſe uictis ſumpſiſſet, contertere debuiſſet. Qui Ioannes Vicus ex his, qui expugnato oppido in poteſtatem ipſius ueniſſent, alios ſecuri percuti iuſſiſſet, alios egſiſſet in exilium, omnibus magna ui pecuniarum imperata; quorundam bona prorsus diripuiſſet. Et ea quidem omnia iure belli ipſum ſibi licere putafſe. Quæ Viterbienſibus, quàm Vrbeuetanis tanto magis fuiſſe extimeſcenda; quanto iuſtius bellum Aegidius gereret, quàm Ioannes Vicus. Tibi. n. inquit, Io. Vice, quoniam huic contioni, quam nos ad populum

2 LIBER

ad populum Viterbiensem Aegidius habere iussit, interesse, nec nobis inuitis, uoluisti, aliqua sunt audienda, minime quidem fortasse auribus tuis iocunda, sed uera usq; adeo, ut ne tu quidem possis inficiari. Si tu .n. qui de miseris Vrbeuetanis, quod urbem suam tibi non proderent, dum sibi eam, ac summo Pontifici conseruare conarentur, quod facere omni iure tenebantur, tam graues penas summere, non graue putasti, qui tot in ciues Romanos dudum cruciatus edebas, quicumq; imperatam a te pecuniam dare, aut posse, aut uelle negassent, aut quicquam facere ad nutum tuum renuissent: si tu inquam, qui modo deorum ope, quibus aduersis bellum gerebas, & Aegidij uirtute ac prudentia uictus iaces, hanc urbem deuicisses, uictorq; ingressus concionem aduocasses, quo animo, credimus, hos omnes fuisse conuenturos? Certe alios cum bonorum publicatione exilia, alios capti metuentes, minime autem conscios, relegationes tantum sperantes, aut quantamuis pecuniarum multam. Vos autem, uiri Viterbienses, Aegidius uictor pro sua clementia ac mansuetudine, omnem metum gaudio letitiaq; iubet hodierno die commutare. Et hanc uictoriam non tam ipsi Pontificiq;, quam uobis partam putare. Libertatem modo uestram uobis, otiumq; perpetuum, si bona uestra cognoueritis, restitui, existimare. Nullam uobis pecuniarum imperat uim, nulla iniqua tributa imponere uestrae ciuitati cogitat. Tantum a uobis petit, quod uos cunctis uotis, si sapitis, exoptare debetis; pacem ametis perpetuam, otium quietum diligatis. Quas res hoc uno assequi potestis, si fidem ecclesiae, ac summo Pontifici debitam perpetua constantia obseruabitis; & eos patriz iudicabitis hostes, quos rebus nouis studere cognoscetis. Quae ut faciatis uiri Viterbienses, non magis uobis fides ipsa, quae est omnium uirtutum fundamentum, & diuina humanaq; iura, quibus estis obligati, quam propria uestra, ac pecuniaria commoda persuadere debent. Ea uero quot, quantaq; sint in pace degentibus, tunc magis perspicietis, cum incommoda, & detrimenta, quae bellum comitantur, alta mente, & intectis oculis fueritis contemplati. De quibus multa mihi hoc in loco essent

in loco essent fortasse dicenda, nisi satis superq; uestra uos mala hoc tempore docuissent, quam sit miserum bellum sustinere. Quod est .n. calamitatis genus, quod uestra hoc tempore ciuitas non persenserit? Pecora uestra hostibus prædæ fuerūt, uillæ incenæ, pagi diruti, agri funditus deuastati: quibus detrimentis ad quam omnes inopiam redacti sitis, ipsi uideri, tis. Iam uero quotus quisq; uestrum numerabitur, cuius pater, filiusue, aut frater, aut ex his, quæ horum loco sunt, aliquis prelio non fuerit desyderatus? Omitto negotiorum intermissionem urbāhorum, & rusticorum; quæ uel sola & opulentis indigentiam parere potest. Nihil dico de laboribus, fame, sollicitudine: quæ omnia comites bellorum sunt. Atq; hæc quidē infortunia; quanquam per se grauissima sunt; & quæ nullam non ciuitatem debeant a suscipiendo bello detertere; sed quia temporalia intelliguntur, possunt quodammodo leuiora uideri. Illos uero cruciatus æternos, quis non exhorrescit? quis nō cogitando contremiscit? quibus apud inferos torquentur, ac sine fine torquebuntur eorum animæ, qui in huiusmodi bello ac perfidia interempti sunt: formidandis summi Pontificis, christi uices gerentis, execrationibus ad loca damnatorum spiritum deuoti: nisi forte uos, quod absit, christiani nominetis, adeo estis stupidi, & ab omni humanitate abhorretis, ut nullum esse Deum credatis, nec bonos gloria, nocentes pœna affici putetis: ac demum Christi loco Pontificem esse negetis. Si tamen Deus est, ut est: si Deus curat mortalia: si christus in cœlum aduolans, Pontificem maximum ecclesiæ sue præfecit: quid tandem eos expectare conuenit; qui ecclesiam, quam ille construxit, labefactare conantur; aut conantibus auxilium præbent? Hæc & illa ciues Viterbieneses ante oculos ponite: Hæc tota mente uersate; quæ uos seu uictores, seu uictos futuros, indubitata manent, quoties de rebellionē aduersus summū Pontificem facienda, cogitabitis. Nec speretis cum iterum uicti essetis, ut certe essetis (nemo .n. aduersus deum sine sua perniciē pugnauit) tam mansuetum uictorem esse experturos, quam modo Aegidium. Quin potius timendum est, ne præ-

LIBER

sentis uictoris clementia, uestram tunc inuidiam, & futuri indignationem adaugeat. Siquidem quanto modo huius mansuetudo maior in uos est, tanto illius erit tunc in ingratos, iustior indignatio.

QVAE oratio magno populi assensu gaudioq; excepta est. Et a Ioan. Vico, qui praesto; ut dictum est, aderat cum fratribus, & uultu & sermone comprobata. Huius ciuitatis statum deinde sic Aegidius disposuit. In primis Ioannem Vicum cum tota ipsius familia, Viterbio eiusq; finibus in duodecim annos interdiccit. Poenam addit quinque millium ducatorum, quoties contra imperium fecisset. Quinq; praeterea factiosis hominibus, & quos fuisse intellexerat; semperq; fore rerum nouarum cupidos suspicabatur; ne imposterum ciuitatis fidem, & ciuicis sollicitarent, ex urbe eiecit; ceteris omnibus dat ueniam, & expulsos a Io. Vico iubet restitui. Tum omni cura in populi gubernationem statuendam conuersa; consules nouem aequo imperio, senatores ducentum creat. Qui ius dicerent, quot satis uisum est, constituit. Cohortem praetoriam, quae praefecti ciuitatis latus clauderet, & magistratus ceteros tutaretur, trecentum armatorum esse uoluit. Et quia Viterbium totius umbrinae uelut caput esse uidebatur, operae pretium id fore ratus; arcem praemunitam erigendam curauit, quae mediocri praesidio firmata, eam ciuitatem posset in fide continere. Hac cum summo Pontifici nunciata essent, ingens Aetnionie gratulatio facta est. Quando, Io. Vico tyrannorum maxime formidabili deuicto, spes cunctos incessit, ceteros omnes facile posse Aegidij uirtute debellari. Tunc Pontifex ad Aegidium litteras mittit, laudibus, gratulatione, ac exhortatione plenas. Paulopost Aegidius ab Arnaldo eiusq; fratre lordane Sutrium recepit, cum arce; quam ipsi ibi de suo aedificauerant: iussu oppidanis, eos sumptus illis rependere. Deinde Interamna urbs; a situ sita appellata, deditione facta in Aegidij potestatem peruenit. Tunc Narnienses legatos de se dedendo miserunt, Item Celerium, & Cipignanum, oppida in agro Viterbiensi. Spoletani quoq; missa legatione

legatione, copado ne in quenquam animaduverteretur, se dedunt. Oppidi arcem Aegidius triplici muro cinxit, medio crebris turribus munito: arcem deinde cum aduerso monte, qui non longe aberat, ponte comisit, & per superinstructum aqueductum fontem qui in monte scaturiebat, ad arcem derivauit. Fontem ipsum lapideo propugnaculo muniuit, ac praesidio firmauit, quo tutius opus ab iniurijs redderetur. Assisium deinde Episcopus Assiensis legatus publice tradit: idem est tunc a Nucerinis factum: Veientana urbs, quam nunc Castellanam ciuitatem appellant, editissimo colle, praeruptis undiq; saxis, sita, adeo est natura munita, ut absq; ullo humano opere satis per se reddatur inexpugnabilis. Hanc occupauerat Petrus Vicus: qui perterritus exemplo fraterno, ne contra Aegidium sibi quoq; pugnandum esset, urbem Luce Sabellio vendidit. Sed quia solutio differebatur, deposita est apud Iulianum ciuem, donec precium solueretur. Hac cum Aegidio nunciarentur, litteris nuncioq; Lucam ad se accersuit: qui cum se ad imperatum videretur negasset, nec ullum oppidani deditiois praerent in iudicium, Aegidius detestatus, conceptis execrationibus, Petrum Vicum & Lucam cum toto populo Veientano, vicis incensis, ac deuastatis agris, oppidum obsidione cinxit, ac demum ad deditioem, desperato auxilio, compulit.

BARTHOLOTVS Hispellum diu tyrannide oppressum tenuerat: aliquando tamen oppidani, seuitiam tyranni peracti, eum urbe eiecerunt, seq; Aegidio dedunt. Ille vero coacta manu, ab Vico quodam, quod aberat ab Hispello duo millia, crebris incursionibus agrum Hispelli reddebat infestum: Quod eum esset ad Aegidium delatum, equitum perditumq; praesidio summisso, tyrannum longe summouit. Eodem tempore allatum est, in plerisq; Campaniae, atq; eius ora maritimae, ditionis ecclesiasticae, ciuitatibus quosdam imperandi cupiditate rebus nouis studere, & nonnulla oppida vulgo a tyrannis occupari, eaq; incommoda, culpa, atq; ignauia praeuenerunt. Quibus malis, cum ignauo & imperito, strenuus

LIBER

& prudens prætor, cum armatorum præsidio, ab Aegidio subrogatus fuisset, facile fuit obuiatum. Interim lo. Vicum Corneti Vicarium in duodecim annos Aegidius creat. Non tantum ut fidem instantè repenti præstaret, sed multo etiam magis, ut suæ liberalitatis ac mansuetudinis fama per Italiam dissipata, reliquos tyrannos, spe tutioris conditionis, ad pacem & deditiorem alliceret. At summus Pontifex, ut erat paulo seuerior, & lo. Vicum uehementer oderat, nuncio ac litteris Aegidij factus certior, rem perinque tulit, eumq; per litteras monuit, ut primo quoq; tempore lo. Vicum Corneti præfectura sub mouere curaret. Nec .n. par esse, ut ei aliquis honos haberetur, qui ecclesiam tam diu, tantisq; incommodis pertinaciter uexasset: nec uerum esse, eius fidem sanctam fore, qui semper infidus extitisset. Ad quæ Aegidius in hunc maxime modum respondit. Siquidem odio suo, quo lo. Vicum prosequeretur, indulgere, quam imminentibus difficultatibus consulere maluisset, non modo lo. Vicum nulla dignitate ornatum se fuisse, sed grauissima de eo supplicia impetiturum; nec .n. ignorare, quam male semper ille de ecclesia Romana meritus fuisset. Sed cum supplicium de eo sumptum, qui se suam in deditiorem fidei ac potestati ecclesiæ permisisset, cæterorum tyrannorum animos a Pontifice auersurum, honor habitus ad pacem impulsurus, uisus esset, omne odium & indignationem publicæ ac maiori utilitati posthabendum putasse. Imperatores clarissimos magno usu id consilium usurpasse, commemorat. Anibalem imprimis, hominem alioquin crudelissimum, de quo sic Liuius scriberet, in captiuos ex tradito præsidio, ut fama clementiæ in principio rerum colligeretur, nihil scæuitum est; & qui, post uictoriam ad Trasimenum de Romanis partam, captiuos nominis Latini sine precio dimisisset. Cæsarem in bello Gallico, Alexandrum Macedonem in subiuganda Asia, multo plus clementia in dedititios, quam pugnando, si uera essent historiarum monimenta, profecisse. Præterea lo. Vicum multum affinitatibus cōsanguinitatibus qualere, quippe cuius affines ac propinqui plusquam triginta oppidis multarum uicinarum

imperarent, presentis eius conditione quiescentes. Quos tamen, si quicquam grauius lo. Vico contra fidem datam statueretur, omnes suas opes aduersus ecclesiam collatum ire nemini dubium esse debere: cum in propinqui simul atq; amici ultionem, tum uerou se a simili iniuria tuerentur. Non esse comittendum, ut ea hostibus imponatur necessitas, ut desperationem in uirtutem conuertant. Huc accedere periculum, ne Cornetum, & multa alia oppida, quæ factionis Gibelinæ, & summi in lo. Vicum studij, eius uoluntate fuissent recepta, non seruata ipsi fide, sibi in ecclesiam rebellare licere putarent. Nani quod de lo. fide timeret, non esse dubitandum, datis obsidum loco carissimis liberis, quin ille ultro nihil unquam esset moturus. Atq; eas potissimum esse rationes, quibus initio lo. Vicum indulgeter habendum putasset, & tunc nihil aduersus id factum innotuandum censeret. Quæ si Pontifici non tanti essent, ut lo. Vicum eo statu uiuere, æquo animo pateretur, ab eo petere, ac per Deum obsecrare, ne se ministro ad eum ulciscendum ueretur, qui, suam fidem secutus, se suaq;

Romane Ecclesie com-

mississet.

IO. GENESII DE SEPVLVEDA CORDV

benſis de Rebus Geſtis Aegidij Albornoſij

Liber Secundus



IC Umbria recepta, Aegidius omnes suas
curas & consilia cepit in bellum Malatestae
inferendum intendere. Satis enim consta-
bat, illo superato, facilem fore de ceteris
tyrannis victoriam. Sed dum ad hoc neces-
saria compararet, ex literis Pontificis co-
gnouit, se apud ipsum fuisse ab Archidiacono Anconitano in-
simulatum, quod cum Malatestis, in ea gratia, fœdera percussis-
set. Adeo viros optimos, qui calumniaretur, nunquam defuit.
Quam calumniam Aegidius tanto iniquiore animo tulit, quā-
to longius aberat a crimine; quod ipsi obieciatur. Ergo Pon-
tifici, rationem consilij repositenti, ita respondit. Non se mirari,
si cum tot hominum iniuriis ecclesia caussa suscepisset, non
deessent qui se, factaq; sua criminebantur. Illud moleste ferre, q;
propter quam rem magnam a ceteris hominibus laudem, a
summo Pontifice gratiam quoq; non paruum sperasset, eam
apud ipsum Aegidio pro crimine obicere quisquam sibi licere
putasset. Non quod pacem ullam fecisset cum Malatestis, nec
enim unquam tantam authoritatem fuisse sumpturum, ut hoc
integrum sibi esse putaret: sed quod ab hoste minime contem-
nendo, per speciem spemq; pacis, bellum tamdiu uitare non
imprudenter sciuiſſet, dum Io. Vicum satis per se potentem
hostem debellare posset. Cui rei nisi à se mature fuisset proui-
sum, & uterq; tyrannus opes coniunxiſſet, quod maxime time-
dum fuisse, non esse dubitandum, quin aut neuter eorum un-
quam superaretur, aut bellum difficillimum ac diuturnū esset
futurum. Sape ad se legatos a Malatestis bellum deprecā-
tes ueniſſe, pacem cum eis feciſſe nunquam, spem pacis sem-
per præbuiſſe. Tunc id agere, ut Malateſtas omni auxilio & ſpe
à Io. Vico deſtitutos aggrederetur. Quæ ſi culpanda eſſent, ſi
digna cenſuram uiderentur, nihil ſe habere, quod pro ſe poſſet
reſpondere

respondere. Hæc responsa Pontifici allata comprobataq; multum, ut par erat, apud ipsum Aegidij opinionem auxerunt. Interea Malatesta cognito Aegidij consilio, uel quia bellum sibi inferendum, superato Io. Vico, coniectura prospicere facile erat, duo de uigesimo mense, quam fuerat bellum initum, legatos ad Aegidium mittit; qui sic cum ipso egerunt. Si pacem secum summus Pontifex faceret, & urbes, quas obtinerent, relinquendas statueret; decem ducatorum millia in singulos annos apostolico fisco dare pacisci, & ad bellum gerendum, Aegidio ducentis equitibus, duobus mensibus auxilio esse. Negante illo licere sibi in ea pacta descendere, duodecim millia ducatorum in annos singulos, equitum trecentum auxilium in tres menses pollicentur. Ad quod Aegidius respondit: Nullas sibi a Malatestis condiciones pacis accipere, dicere uel Pontificem consulto, integrum esse. si uelint bellum deprecari, legatos ad Pontificem mittant, seq; intercessore utantur, non se dubitare pro eius iustitia, quin, quæ honestè poposcerint, sint impetraturi. Tunc legati, immo id ipsum ab eo petere, obsecrareq; ut ipse de his conditionibus Pontificem certiorem litteris; & nuncio faceret, suumq; consilium & auctoritatem interponeret, ac interim bello supersederet. Id cum impetrassent, discedunt. Quod cum esset ad Pontificem ab eo relatum, nullas esse leges pacis respondit, ciuitatibus in tyrannorum potestate relictis. Proinde Malastas, & ceteros Flaminie uel Piceni tyranni nos bello infectari pergeret. Qua denunciatione accepta, Aegidius nihil cunctatus, ad bellum, ineunte uere, capescendum, pro rei magnitudine pergit necessaria comparare. In primisq; cum intellexisset, inter Gentilem Molianum, qui Firmanæ Ciuitati imperabat, & Malastam continenter bella superiori tempore intercessisse, rationem cepit inire, ut alterius opibus ad alterum debellandum uteretur. Et ad Gentilem molianum legatos mittit, qui in Malastarum inuidiam eius amicitiam captares; darentq; operam, ut inter se ac Gentilem pax non iniquis conditionibus fieret, & societas coiretur. Ille uero conditionem amplectitur suæ infirmitatis conscius, simulq; ut occasi-

sione arripere ulciscendi Malatestas, a quibus multa magnaq;
 acceperat detrimenta. Pacem ergo his conditionibus accepit;
 ut paucis suo iuri permissis castellis, nec ijs magnis, cætera om-
 nia redderet Põtifici, ac obsides daret. Quod factum cū Mala-
 testa recessisset, hostis iam ecclesiæ iudicatus, cæterorum om-
 niũ inimicitias odiq; iustanti discrimini post habēdas ratus,
 pro magnitudine periculi cœpit inire consilia: ac legationibus
 quoquo uersus dimissis ad omnes Flaminia & Piceni tyrannos
 novos amicos conciliare, confirmare ueteres. Ille uero & hos-
 tes reconciliare; communi periculo omnibus proposito, a cū-
 ctis auxilium petere, suam inuicem opem aduersus ecclesiasticos
 polliceri. In primis habendam sibi rationem statuens, ut Gen-
 tilis Molhanus ab amicitia Aegidij auerteretur, atq; ad suas re-
 uocaretur partes: triginta ei ducatorum millia per legatos mī-
 tit. Omnia oppida agri Firmiani se illi reddere, & per libero-
 rum conubia, affinitatem paciscitur, si datis acceptisq; obsidi-
 bus, sese in uero auxilio aduersus communem hostem iuuarent.
 Et cum utriusq; eadem esset causa, eundem belli euentum ex-
 perirentur; commune esse periculum docet, utiliorem magisq;
 fidam suam Gentili amicitiam fore, quam Aegidij: qui cum
 bellum pro Pontifice suscepisset, neminem eorum, qui oppi-
 da ecclesiasticæ ditionis occupassent, hostem non esset iudica-
 turus. Nam & si ad præfens amicitiam cum eo gerere simula-
 ret; ut facilius contra cæteros bellum gererēt; fore, ut alijs
 superatis ipsum postremo, excogitata causa, uel etiam nō quæ-
 sita, omnibus bonis sine repugnantia expoliaret. Quibus audi-
 tis, Gentilis uehementer est perturbatus: neq; quid consilij ca-
 peret, satis sciebat. Turpe uidebatur fidem Aegidio datam fal-
 lere: sed magna erant & munera & promissa Malatestæ; consi-
 liumq; eius longe cõtius reputabat. Et hæc quidem pars pro-
 culdubio uicerat: nisi quidam ex Firmianis ciuib; quibus Ma-
 latesta summo erant odio restitissent; qui cum ex populi sen-
 tentia, legati publice ad Aegidium missi, de accipiti Gentilis
 animo docuissent, Aegidius ad Gentilem legatos misit; qui
 partim pollicitationibus, partim territando, eius animum ab
 incepto

incepto reuocarunt. Qui in fidei testimonium filium atq; nepotem obsides dedit: & duo castella Morosum, & Sanctum benedictum tradidit. Tandem legati missi à Malatesta, re infecta, redierunt. Nec ea tantum res fecit, ut rei bene gerendæ, & Malatestam desperatio non parua, & Aegidium magna spes incesset: sed illud multo magis, quod superiore tempore, idē Malatesta a Germanorum societate, de qua supra demonstratū est, triginta millibus ducatorum pacem emerat: magnaq; præterea stipendia erogauerat militibus, quos ex ea conduxerat: qui fuerant supra mille quingentos equites, multiq; pedites, cum bellum aduersus Gentilem Molianum gerebat: quibus sumptibus maxime exhaustū numis esse Malatestam, nemini uidebatur dubitabile. Cum tamen nihil osetius abundare ipsum numero militum constaret, augendum sibi exercitum Aegidius censebat, etiam reclamantibus, eam diligentiam nimiam esse, nonnullis, qui multum in rei militaris scientia sibi tribuebant: dum ad hostis indigentia suspitionem illud adjicerent, eius exercitum necessario ineunte bello esse minuendum, deductis ad oppidorum custodiam militum præfidijs. Quibus ratio nibus Aegidius respondere solebat: stulti esse Imperatoris ex dubio hostis cōsilio, aut futura infirmitate pendere, dum posset ipsum multitudine militum superare. Nam cum fortuna belli nimis esset anceps, difficilius esse uicto bellum reparare, quam cedentibus suis aut laborantibus, fessiq; integros & recentes ex multitudine submittere. His accedere, quod expugnatis oppidis præsidia imponi ex paucitate subducta, sine magno incōmodo non possent. Deniq; temeritatis esse, in hostem exercitatum, consilio fortasse non inferiorem, qualem esse Malatestā, uictoria uelut explorata, irruere, si militum numero supereris. Hoc inito consilio per Umbriam Latiumq; delectum haberi iubet, ut omnia, ineunte uere, ad bellum in Picenum transferendum essent comparata. Interea Tudertini per legatos impetrata facturos polliciti, centum equites cum pari numero pedum subsidio mittunt. His rebus aucto numero, ex hybernis copias deducit, quarum parua parte sibi relicta, reliquis Blascum

Fernandum præficit: iubetq; in Flaminiam Picenumq; inferre signa, & quæ fieri uellet docet. Hunc ut Petrus Farnesius, Bonifacius Vrbeuetanus, Henricus Fessa, uiri nobiles, & armis exercitati subsequantur imperat. Huius professionis fama cum celerrime Picenum & Flaminiam permanasset; multi ex ryanis per occultas legationes, aut litteras, pacem, alij alijs conditionibus, ab Aegidio petierunt. Quorum duo maxime opulenti Rodolphus Camerinas, & Ismeducius Seuerinas, etiam si societatem inierant cum Malatestis, metu tamen perterriti indubitati periculi de deditione occultum miserunt nuncium. Cum Camerino Blascus appropinquaret, Rodolphus, Io. fra tre longius premissis, ipse ad duo millia passuum obuiam progreditur, atq; in urbem eum cū exercitu introducit: ipsumq; cum oppidis, ac castellis subiactibus eius potestati permittit.

PAVLO POST Gentilis quoq; Molianus Blascum Fernandum cum exercitu Firmum admisit, eiq; oppidum tradidit: Arce tamen in aduentum Aegidij sibi reuerata. His rebus gestis, nec dum tamen Auenioni nunciatis, allatae sunt a Pontifice litteræ, ne Aegidius ab Umbria promoueret, quo minus Io. Vicus, ceteriq; eius regionis tyranni, inuitante occasione, rebus nouis studerent. Quamobrem consulenti Blasco per litteras an Malatestas iam bello laceßendos censeret, Aegidius respondit. Abstineret a bello in uigesimali diem, tantisper uidelicet, dum de Pontificis uoluntate quicquam certius afferretur. Inter hanc sollicitudinem, qua Aegidius nimium angebatur; ut qui amplissimam & exploratam uictoriam emanibus emittere iuberetur; superuenerunt litteræ ab eodem Pontifice, qui rerum in Piceno gestarum certior iam factus fuerat: quibus literis, laudato consilio Aegidij, & Blasci uirtute, ut pergeret bellum Malatestis inferre, hortabatur: daret modo operam, ne Umbria interea in discrimen traheretur. Qua re delectatus Aegidius Blascum Fernandum per litteras monet, uti oppida inuadat agri Firmiani, quæ occupata erant a Malatestis. Ille nihil moratus, & de tertia uigilia Firmum egressus in Phala

Phalaronem oppidum contendit, & primo impetu tradito simul & expugnato positur. Sancti quoque Angeli castellum dein de similimodo recepit. Motus etiam, id oppidi nomen est, ei, & praesidio sibi imposito a Malatesta, deditionem fecit. Tria praeterea oppida, quae ab Aucona non longe absunt, a Malatestis deficientia in Blasii potestatem peruenire. Interea Aegidius profecturus in Picenum, sic Umbriae statum constituit. Iordanem & Angelum quæstorem, quorum in populo Viterbiensi summa erat gratia, ei potissimum ciuitati praeficit, sed & totius Umbriae; Latiusque curam & gubernationem iniungit. His quadringentos equites, pedites ducentos, attribuit. Arci Montis Faliscorum, Ioannem Vrbeuetanum praesse iubet. In arce Tuscanellæ ueterem probatae fidei praesidem confirmat, cum militem supplemento. Ioannem Albertum Florentinum cum centum equitibus & peditum pari numero in Vrbeuateri custodis loco relinquit. Et ne esset interea, qui aliorum animos ad rebellionem sollicitare posset, per honoris & amicitiae speciem proficiscens iubet, nobilissimum quemque se in bellum subsequi. Ut autem Ioannem Vicum, si minus fides data, at certe cara pignora in officio continerent, Franciscum eius filium uiginti equitibus praepositum secum adducit; relicto fratre, qui datus erat obses, in arce Montis Faliscorum Fulgineum modo peruenerat Aegidius; & se, cum reliquo exercitu coniunxerat; cum Episcopus Vicentinus, & Senicius Comes Palatinus a Carolo quarto legati adfuerint, uti Romam ueniret, impositurus ex more coronam auream Imperatoris capiti: qui ad compescendam Ludouici Bauarii insolentiam, auctore Clemente sexto P. M. creatus erat. Qua de re non erit hoc in loco ab instituto nostro alienum, pauca uerba facere, quoniam & in superioribus de Ludouico Bauaro facta est mentio, sicut in sequentibus de Carolo.

MORTVO Henrico Imperatore, magna fuit inter electores Imperatoris controuersia, quibusdā Federico Austriae, aliis Ludouico Bauariae ducibus suffragantibus. In tanta

igitur electorum dissensione, candidati ipsi concurrunt ad ar-
 ma: quā in pugna, cum Ludouici res superior fuisset, maiore
 exercitu confecto, inuito lo. xxii. qui tunc erat Pontifex maxi-
 mus, in Italiam irruere parat: ius fore ratus quidquid per vio-
 lentiam rapuisset. Primum ergo accepta, ex more, corona fer-
 rea Mediolani, cui ciuitati Vicecomites, tunc temporis, auxilio
 eius inperabant, Romam peruenit. Cui duo ex nobilitate Ro-
 mana, Stephanus Columna, & Nicolaus comes tunc moderabā-
 tur: qui magistratus, Vicarij Imperatoris Romani nuncupa-
 bantur, Absente itaq; collega, ab Stephano corona aurea insi-
 gnitus est ad edes Laterani, iubente clero P. Q. R. Tunc uero
 magna sumpta audacia, per contemptum, non hominum, sed
 dei etiam immortalis, antipapam creat, in emulationem Ioan-
 nis xxii. quendam Petrum Corbariensem ordinis minorum, hu-
 mili loco natum, non indoctum illum quidem, nec ignauum:
 sed scelestum, & nefarium hominem: & qui contra iura diuina
 huanaq; reclamante uxore, religionem, quam pessime pro-
 phanaret, professus fuerat. sed relictus Pisis; abeunte Ludoui-
 co in Germaniam; capitur a Bonifacio comite Pisano, & Aue-
 nionem perductus, & Pontifici traditus, in carcere miserrime
 obijt. Ludouicus autem ipse; qui nullam occasionem prater-
 mittens, omnes suas cogitationes in Pontificis maximi, & rei
 ecclesiasticæ perniciem conferebat; multos tyrannos in ciui-
 tatibus ecclesiasticis, aut ueteres confirmauit, aut denuo præ-
 posuit. Cuius hominis impietatem non ferens Clemens sextus;
 qui fuit tertius a Ioanne uigesimo secundo; author fit, uti Ca-
 rolus, Ioannis Regis Vngarie filius, designaretur Cæsar: qui
 uirtute & ppibus suis, Ludouici conatibus obstarat. Is igitur le-
 gationem ad Aegidium mittit, cupiens ab ipso potissimū co-
 ronari. At summus Pontifex; ne Aegidius, cum incommodo
 rei ecclesiasticæ, a tantis negotijs auocaretur, tres Cardinales
 cum potestate, eo nomine miserat: qui paulopost, Carolum cō-
 fecuti; peruenere urbem, ipsumq; autoritate Apostolica co-
 ronauerunt. Ea igitur res Aegidio iam antea cognita, pro res-
 ponso legationis fuit. Cumq; nunciaretur Carolus Senas ap-
 propinquare,

propinquare, Aegidius officij gratia, simul si posset ab eo quidquam auxilij impetrare obuiam procedit. A quo liberaliter indulgenterq; exceptus; cum ducentum equites auxiliares obtinisset; Fulgineum unde uenerat redijt.

PAVCIS ibi diebus traductis, dum finitima quædam oppida reciperet; quorum fuere Nuceria, Gualdum, Cæsariunq; Carolus Germaniam regreditur, percusso fœdere cum Principe Mediolanensi: qui cum arma deposuisset, multosq; tum equites, tum pedites dimisisset; Malatestæ, ac Franciscus Ordelafus, cæteriç eius belli socij duo milia equitum, milleq; pedites ex illis mercede conduxerunt. Adeoç tyrannorum exercitus audus est, ut præterquam quod multitudine peditum abundaret, quatuor millium numerum equitatum excedere cõstaret. Qua occasione fiduciaç persuasus Gentilis molianus, quem antea non tam fidēs, quam metus in officio continuerat, ab Aegidio defecit, seq; tyrannis aggregauit: qui coactis uiribus, magnaç sumpta audacia, non dubitauere sese ecclesiastici exercitui opponere, & sponte ad pugnam prouocare. Prorsus, ut cum Nicolaus Azaiolus, uir rebus gestis insignis & summa autoritate grauis, quem uulgo magnum Architrictim Regis Siciliæ appellabant, conaretur inter utrosq; bellum dirimere; Malatestæ, qui nuper omnibus precibus bellum deprecabantur, tunc uelut explorata uictoria, magno saltu pacem repudiarent. Quo cognito Aegidius etiam si numerum inopia præmeretur, qui nimis parçē a Pontifice suppeditabantur; exhausto, ut ipse dicebat, ærario, tamen uel proprio sumptu nouum militem conducere statuit. Et quidem satis opportune accidit, ut sex centi equites, qui Bononiæ presidij gratia hymauerant, paulo ante à Principe Mediolanensi dimissi, & conductorem expectantes, in eadem urbe cõmorarentur. His itaq; conductis, peditum etiam habito delectu, suppleuit quidem exercitum, sed adhuc hostibus numero militum impar, connūdum statuit, si qua ratione hostium copiar. possent distineri. Ipse igitur suas partitur. Maiori partu Alphonsum Toleranum

præficit & in agrum Ariminensem ducere, omniâq; ferro flammâq; uastare imperat. Ille non segnius, ac iussus fuerat imperata executus, & obuia quæq; populatus, duobus, ab urbe millibus castrametatus est: indeq; crebris incursionibus agros infestabat: nec quenquam urbem ingredi, egredive patiebatur. Quod cum esset tyrannis perlatus, resq; ad consilium referretur, omnes in hanc sententiam iere, primo quoq; tempore subueniendum esse Ariminensibus; sed habendam esse rationem, ne interea, reliqua pars exercitus ecclesiastici liberè uagaretur, & ceteræ ciuitates in discrimen traheretur. Quare placet copias bifariam parti, ut minor pars finitimis oppidis præsidio esset, alteram Galeottus Malatesta in agrum Ariminensem ducret: urbemq; obsidione solueret: nec hostibus, si poposcissent, pugnam & copiam facere; recusaret. Cognito Aegidius Galeotti discessu, iubet properè cum silentio castra moueri: & ut se reliquo exercitui contingeret, summa celeritate contendit; profusus; ut non prius hostis in agrum Ariminensem peruensset; quam in copiam ecclesiasticam congregarentur. Cui se exercitus in mutuum conspectum dedere, utroq; pugnamq; poscere paratus, instrunt, educuntq; acies duces, strenuè ut quidem par est credere, sed quo potissimum modo non est traditum. Tunc Aegidius cohortandos militum animos oratione, præmiisq; pollicitationibus accendendos ratus; in hoc maxime modum, aduocata contione, locutus est.

וְעַתָּה יְהוָה אֱלֹהֵינוּ יִשְׁמָר עִמָּנוּ וְיִשְׁמָר עִמָּנוּ וְיִשְׁמָר עִמָּנוּ

IUSTISSIMI pijq; belli, uiri fortes; quod pro rep. ecclesiastica, proq; religione christiana, quæ nobis patria longe charior esse debet, authore deo Christo contra tyrannos, christiani nominis hostes, gerimus; bona pars diuina ope, uestraq; uirtute nobis confecta est. Recepimus Latium, Vmbriam subegimus, Aethruscorum dubios animos in fide ac officio confirmauimus. Nec solum ceteri eius tractus tyranni, uobis succubuerunt: sed loci etiam Vici; tyrannorum & potentissimi & maxime formidolosi opes, uestræ uirtuti cesserunt. Iam uero ut pijsimo sacroq; bello finis imponatur, ut pax sit rebus; ut ecclesie status uestra

tus uestra opera a perfidorum uiolentia uindicetur, uosq; ue-
 stra uirtute digna præmia capiat, tantum superest, ut Piceni
 Flaminiaq; tyrannos debelletis. Quæ uictoria quam sit nobis
 in expedito, numine diuino, posita; si eam hodie uirtutem præ-
 statis, quam superioribus prælijs præstitistis; uel me tacente
 uobis satis exploratum esse debet. Mihi. n. principio, cum hæc
 expeditionem comparabam; rei magnitudinē reputanti, mul-
 ti labores hauriendi, aut magna discrimina subeunda occur-
 rebant. Quippe si tyranni muris fossiq; contenti, nobis sigilla-
 tim forent expugnandi, longa duraq; obsidionum fastidia, ma-
 laq; animo præciebam: sin cum uniuersis, coactis uiribus, quod
 magis fore putabam, prælio esset decernendum, uestræ quidē
 uirtuti, mihi multis magnisq; periculis cognitæ, summopere
 confidebam, ac strenuitate recreabar: anceps tamen fortuna
 belli, dubiusq; euentus, indubitatam multitudinem hostium
 animo præcipiente, me anxium habebat. Nunc cum res eò de-
 ducta sit, ut tyranni, qui uniuersas opes non inutili consilio
 contulerant, satis gnari haud aliter suis uiribus nostrum exer-
 citum esse tollerandum; diuisis copijs pugnare cogantur; quid
 tandem, existimandum est, nisi Deum Christum, pro cuius
 ecclesia bellum gerimus, uindicem adesse? & suorum hostium
 animis tenebras obsidisse? ut de regibus Ammoreorum sacris
 litteris proditum est, quos turbauit dominus a facie israel, &
 cōtriuuit plaga magna in Gabaon. Qui cum parte copiarum no-
 strarum confligere rati, solidum exercitum adesse, tunc demū
 sentient, cum sera pugnæ pœnitentia subeunte, non nisi fugæ
 locus erit: quam tamen plerosq; eorum non inuitos arreptum
 ire certum habeo. Nec enim genus belli nobis ignotum est, aut
 hostis ignoratur. Cum his est uobis milites dimicandum, qui
 tyrannos exosi duces, ut hominum fert natura, trahuntur ma-
 gis ad execrandum bellum, quam ducuntur, nihil magis quā
 fugere, si id impune liceat, parati. Taceo quod ueterani mili-
 tes, cum tyrone exercitu pugnaturi estis, Religiosi & animis
 spiritibusq; ob honestatē causæ pleni & confirmati, cum scele-
 ratis, & suæ impietatis conscientia profligatis. Sed, ut intelli-
 gatis milites

gatis milites christi, quanta animi contentione pugnam capessere debeatis, ponite ante oculos quanta rerum momenta discrimine huius certaminis uertantur. Vobis enim hodierno die christus ecclesiam suam, sibi suo, & innumerabilium martyrum sanguine partam committit, ut eam uestra uirtute & nefariorum hominum, impiorumque latronum manibus asseratis, qui si superiores, quod abominor, euasisent, frustra, credite mihi, superioribus praelijs uicissetis. Siquidem cum inexplabilem sitim nostro piorumque sanguine faciasent; erectis sceleris fotijs, qui uestra uirtute iacent; non dubium est, quin ecclesiam, ac religionem christianam, ipsorum scelere labefactam funditus essent euersuri. At si uicti erunt, ut erunt (non uero enim uestram uirtutem, & præsens numen adesse sentio) laeceratam ecclesiam reficietis, captiuam in libertatem asseretis, & christianam religionem ultimum discrimen adeuntem, pristinae dignitati restituetis. Cum deo ergo bene iuuante uiri fortes arma capite, uestri laboris certissima præmia capturi: quibus enim hoc sacratissimo prælio oppetere contingeret, hi paratos habebunt angelos dei, qui ipsius militum beatas animas cum gloriosis martyrij coronis excipiant: qui uero pugnae uictores superfuerint; pro suis quidem quisque facinoribus editis, quæ latere minime possunt, digna præmia reportabit: omnibus tamen, sine discrimine, pro hac uictoria duplex militiæ polliceor stipendium. Sed nec Galeottus Malatesta in cohortandis militibus sibi defuit; quem huiusmodi habuisse orationem accepimus.

CAPTATAM iam pridem nobis facultatem milites cum hoste aperto Marte decernendi, ex ultro hodie nescio quæ bona fortuna attulit non spectantibus. Video enim hostes educta acie, pugnam capessere paratos: quam cum diu, nobis poscentibus, iunctis uiribus suis, totoque exercitu turpiter detrectauerint; certum habeo, nunc partitis copijs, necessitatis non animorum hoc esse consilium. Atque equidem mea sententia institutum ducis, si militum animos haberet consentientes, non esset

non esset admodum improbandum, qui cum locus effugij mi-
nus adesse intelligat, quo se tuto possit recipere, mauult suum
exercitum quantulacumq; spe præter ignominiam uinci, quam
inter fugam & trepidationem turpiter occidi: sed parum ani-
maduerit, quo genere militum, & contra quos difficillimam
pugnam sit initurus. Opponere molitur mercenarios milites;
milites autem, imo uero latronum colluuiem, qui nulla glo-
ria accensi, nulla, præterquam prædæ, aut mercedis spe ducti
bellum gerunt, qui cum neq; pro sua dignitate, nec pro liber-
tate patria dimicare cogantur, deserunt potius signa, quam nisi
exploratam habuerint uictoriam, ullum martis discrimen susti-
nere inducant animos; hoc genus, inquam, militum educit
in aciem contra uos, quibus utinam pro gloria tantum & de-
core, non etiam pro opibus, pro libertate, pro salute ante moe-
nia uestra esset dimicandum. Nec in. timeo, ne nobis, qui ue-
stræ libertatis duces sumus, fraudi, aut uobis errori sit, quod
in nostram inuidiam callida improbitate excogitauit, iactatq;
uersutus hostis, dum nobis tyrannidis nomen obiecit; qui
uobis uolentibus, atq; adeo magno consensu petentibus, ue-
strarum ciuitatum patrocinium, contra improborum homi-
num avaritiam, notasq; fraudes suscepimus, contra eorum do-
los, & compilationes: quos religionis; quam omni turpitudi-
ne profanant, specioso nomine, suas sordes & scelera præte-
xentes, non pudet, honestis uiris, ac suæ libidini obsistentibus
tyrannidis, quam ipsi affectant, exercentq;, nomine inuidiam
facere, & uanis execrationibus detestari. Quasi deum immor-
talem, quem nos sanctius ac religiosius reueremur, colimusq;
suis sordibus ac criminibus consentientem, & conspirantem
habeant & non potius iratum; quod uideat, suam religionem
& ecclesiam; quæ sanctimonia, frugalitate, terreni imperij
opumq; despectu, exemplo Christi ac beati Petri tuenda erat,
in ambitionem & avaritiam conuersam scelere eorum, quibus
commissa esse uidetur; qui sacerdotia, uirtutum olim & sancti-
tatis non tam præmia, quam exercitamenta, nunc ab ipsis in
mercaturæ formam coacta, quo carius emunt, eo turpius ad

cōgerendam pecuniā abutuntur. Et si quis imperatam pecuniā pendere renuerit, aut ipsorum libidini parere iussus (tunc est hoc genus hominum imperiosum) minus obtemperauerit, hunc protinus sacris interdiciunt; horrendis devotionibus detestantur; quibus ignavos homines & supersticiosas mulierculas, deterreſſi compererunt. idem cum erga viros fortes, prudentesq; nec ignaros quam uana sint ista terſiamenta, nisi iuſtiſſima ſint, intellexerunt, terras marique miſcent, & non tam Marte quam Pluto agitante bellum inferunt: ſcilicet, ut beatum Petrum, cuius clauibus ſe imperare iactant, imitentur; qui in ſuæ poſteritatis exemplum, piſcatōrium inſtrumentum, quo ſolo ſuam paupertatem tolerabat, iubente Chriſto, abiecit: ut doceret, præter uirtutem & religionem, omnes res humanas futuro Chriſti uicario, non modo non eſſe appetendas, ſed etiam abiiciendas. Atq; equidem horum, & habendi, & dominandi inexplẽblem auariciam utcuq; tolerandam eſſe cenſerem, ſi ullum modum ſeruare ſcirent. Atq; adeo legatos, præ hac noſtra moeſtitiã, ſæpẽ ad eos de pace miſimus multa de iure noſtro, multa etiam de libertate remittentes: ea offerentes annua tributa, quibus, ſi ſcirent auariciã temperare, ſatis ſuperq; debuerunt eſſe contenti. Sed dii immortales, quotaſtu, qua inſolentia reſpondere? Deditiõem ſine conditione uolumus. Cedite patria, relinquite opes, manus date, miſericordiam ſupplex implorate, noſtrum ſit in captiuos ſummũ ius, noſtra ſit ſumma in dedititijs necis iuxta, & uicæ poteſtas. Quid turpius ærata mancipia ab importuniſſimis dominis audire? quid grauius expectare ſolent? Ita cum ſit aut pugnandũ, aut miſere ſeruandũ, uel imprem fortibus uiris ante ſeruitutem ponendam ſtatuiſſimus. Ergo uiri fortes memores ueſtræ libertatis, ſic hodie pugnatẽ, ut meminereſtis huius prælii diſcrimine ueſtra, patriæq; libertas, opes, ſalus deniq; uerti. Reputantes qualem uirtutem hodie præſtiteritis, talem impoſterũ ſtatũ, fortunamq; uos, ac ciuitates ueſtras habiturũ.

SIC

SIC utrinq; accensis militibus, committendi praelium signū datur. Magno impetu initur certamen, diuq; peruicaciter. ancipiti uictoria pugnatum est: donec Galeottus, ut laborantibus suis subueniret, admissō equo, in hostes irruens & ab his fortissime exceptus, uulnerato letaliter equo prosteraitur, capiturq;. Quod, cum esset passim diuulgatum, fecit, ut ecclesiastici pro uictoribus essent, hostes pro uictis: qui metu dissipati fugam capessunt. Ecclesiastici, fugientes confecti, magnas strages ediderunt. Quo in praelio Blasii Fernandi militis simul, & ducis munera exequentis, uirtus, & strenuitas summo opere emicuit, dum hostem repellit, laborantibus suis subuenit, & opportuna appellatione milites cohortatur. Nec minor fuit in Rodolpho Camerinate nec industria, nec animi promptitudo. Quin & Alphonsus Toletanus & Carolus Aduadula præcipuā eo die laudem meruere. Namq; Aegidius ipse non pugnando, sed imperando uincebat, & instructa acie, magis suam censebat decere dignitatem, deum immortalem interea cunctis precibus obtestari, ut res feliciter eueniret, quam ut ipse inter tela uersaretur. Hac parata uictoria, pleraq; omnia oppida, quæ circum Ariminum sita sunt, partim facile expugnata, partim spontanea deditione in Aegidij potestatem peruenere. Inter quæ Aesim urbem expugnauit Blasius, Maceratam Fedus tradidit sponte, qui ei hæcenus imperitauerat: quem oppidanis petentibus, Aegidiuseidem oppido præfecit.

AT Galeottus Malatesta, quem à militibus captum fuisse demonstrauimus, adhuc in eorum potestate permanebat. Nec, ut eum traderent Aegidio ulla ratiōe adduci poterant, donec sibi, ut promissum erat, duplex stipendium, quæ summa erat .xl. M. ducatorum, exolueretur. Non quod de præstatis pollicitis dubitarent, sed impatientes moræ, ne solutio in longum traheretur uerebantur: plerisq; .n. nota erat Aegidij indigentia, quem superiore solutione decem milia ducatorum de suo erogasse constabat. Quæ res cum Aegidio suam auctoritatem minuire uideretur, in hæc pacta descendit; ut milites

LIBER 34

apud Rodulphum Camerinatem in uigesimum diem deponerent Galeottum, haberentq; obsides pro eo Blasum Fernandum Vngarum Saxoferratum, Ioannem Albertum, Albertatum Ricasulum: quibus militibus, si citra præstitutum diem satisfactum esset, traderetur Galeottus Aegidio, sin aliter, redderetur ipsis, essetq; eorum in captiuum summum ius summæq; potestas. Ergo Aegidius, omni cura in conquiendam pecuniam conuersa, a Perusinis octo millia ducatorum mutuatus est, ab Eugubiensibus tria. Quæstorem præterea Florentiam properare iubet, & pecuniam sibi longo tempore debitam à Florentinis exigere. Ipse uero quidquid habuit uasorum aureorum, argentoreumq;, & annulorū Albergotio Fabrienfi uiro id temporis ualde numoso oppignerauit, accepta pecunia quæ summæ decrat: qua militibus numerata Galeottus Eugubium, ubi Aegidius commorabatur, iussu eius deportatur, daturq; custodiæ.

TANTA clade fractus Malatesta, optimum factu esse statuit, ad Pontificis Aegidijq; misericordiam confugere; & quorum erga utrumq; summam esse gratiam, aut authoritatem intelligeret, horum maxime precibus ad componendam pacem uti. Ergo paucis interiectis diebus, Nicolaus Azaiolus, de quo supra mentionem fecimus, a Carolo Casare, & Cardinale Hostiensis nuncius adest eum literis, quibus ab Aegidio magnopere contendunt, uti cum Malatestis, futuris in postea ecclesiæ tributarijs, fidissimisq; clientibus, fœdus tolerandis conditionibus feriret. Nec uellet antiquam, nobilissimæq; familiam, & sibi amicitia coniunctam funditus abolere. Nec grauaretur, si Malatesta ad ipsum uenire uellet, tutam colloqui facere facultatem: fore eam rem sibi gratissimam, & a dignitate ipsius, commodoque rei ecclesiasticæ minime alienam. Inquam sententiam cū multa Nicolaus addidisset, ab Aegidio impetrat, uti sua uoluntate, liceat Malatestæ ad colloquium uenire: qui postridie eius diei literis Nicolai accitus adest, & introductus ad Aegidium, ad eiusq; pedes obuoluit crimen fa-

retur, ad ipsius clementiam confugere, quam nemo unquam frustra implorasset: erratorum veniam, & pacem petere. Cuius sermone interpellato, Nicolaus hoc ait. A te Malatesta petit, clementissime Imperator (in quo & Carolo Cæsari, & Cardinali Hostiensis nimium gratificaberis) uti ea oppida, quæ in flaminia obtinet, sibi liceat tua uoluntate retinere: nec id quidem ut domino, sed ut Pontificis, ecclesiæq; tributario clienti, reliqua omnia summi Pōtificis tuæq; potestati permittit. Quibus Aegidius respondit. De graui re non se, ni post maturam deliberationem, responsurum. Postero die cum rem ad consiliū referens, quid Malatesta postularet, exposuisset, cæterorum hucongruere sententiæ: nullas condiciones pacis a Malatestis esse accipiendas, eis ue dicendas. Nam qui nuper tam superbe pacem renuissent, necessitate eos non pœnitentia ad pacta descendere. Non esse ambigendum, tanta clade accepta fractos animis uiribusq; omnino suis rebus diffidere, ut qui minime ualeant bellum reparare. Vecordis esse aspiranti deesse fortunæ. Adhæc tyrannorum fidem cum fortuna cōmutari: quippe quorū nihil interfit, quibus artibus dominantur. Ergo optimum esse, Malatestarum familiam ab ecclesiasticis finibus exterminare. Ad quod ni occasio præsens prætermittatur, nihil negocij superesse. Hæc & pleraq; alia in hanc sententiam dictu satis speciosa iactabantur: quæ tamen Aegidij animum haud satis explebant, multa uariæq; simul agitantem. Quippe ne Cæsaris animum offenderet, & Cardinalis Hostiensis amicitia paruifacere uideretur metuabat, si uterq; tanto studio, pacem fieri, ab ipso frustra contendissent. Præterea nunciatum erat Patuinos, Perusinos, & Mantuanos cum Malatestis amicitia coniunxisse. Huc accedebat numerorum penuria, qui exhausto Pontificio ærario, ad ducendum bellum minus suppetebant. Quod si Malatestæ æque inopia laborarent, at certe difficile fore reputabat, expugnare Ariminum, Anconam urbes munitissimas, & congestis com meatibus abundantes: & quorum oppidanos tyrannis studentes, cum ipsi ecclesiasticæ factionis homines e proprijs sedibus expulissent, totis uiribus, priuatilq; oppibus

LIBER

opibus restituros, non erat dubitabile: metuētes scilicet posse, ad ipsos simile malum recidere. Nec parum mouebat, quod ceteros tyrannos, qui collatis cum Malatestis uiribus, ad summam belli non parui erant momenti, horum opibus destitutos infirmos fore, certum erat. His igitur persuasus, simulq; tantis precibus, rem honestam denegare uideretur, pacem cum Malatestis faciendam statuit: sed quoniam de ea re consulendus erat Pontifex, quanquam à se dissensurum non uerebatur, duorum mensium concedit inducias. Quarum tertius agebatur dies, cum a Pontifice, non alienas à uoluntate Aegidij, literas Petrus Episcopus Tirasenensis desert: quarum hoc fuit exemplum.

IN eam sumus inopiam redacti, adeoque ærarium exhaustum est, ut minime ducendo bello sufficiamus: quum etiam, ut tandiu suffecerimus tuæ, magna ex parte, prudentiæ, atq; industriæ ferimus acceptum: proinde bello Italico finem aliquando imponere censemus: quod etiam si rebus tuis gestis comparatum, breue admodum possit uideri, nobis tamen qui summa inopia premimur longum est: sed nec finiendi deest occasio. Malatestæ omnibus precibus bellum à nobis deprecantur. Pacem cum his facito; quibus conditionibus, modo Anconæ urbe cedant, nihil præscribimus. Tu quid rei ecclesiasticæ expediat, quidq; à nostra dignitate non abhorreat, ut soles, dispicias. Galeottus, quem captiuum ducis, redimat censemus libertatem medietate stipendij militibus duplicati. Pace facta cum Malatestis, cætera tuæ uirtuti, ac prudentiæ inexpedito erunt. Ac cæteris quidem tyrannis, qui supplices pacem orauerint, æquiores te præbeas licebit: Gentili Moliano, ut sit non inultæ perfidiæ, atq; inconstantiae exemplum, nullas conditiones pacis, nisi ut finibus ecclesiasticis omnino cedat, dicas. Finito Bello, illa tibi proxima cura sit, uti urbibus oppidisq; uiros & prudentes, & probatæ fidei præficias: postremo ut arces murosq; dirutos reficiendos cures. Hæc ubi feceris ad nos uenire properato, tua opera atq; consilio indigentes: His
literis lectis

litteris lectis, quæ modo pacem morabantur, pax his conditionibus facta est. Vt Malatestæ, Ariminum, Fanum, Pisaurum, Forumsempronij, in decem duntaxat annos reciderent, singulis sena millia ducatorum Pontifici duabus pensionibus, viii. Calen. Janu. & iij. Calen. Julias, tribuerent. Reliqua omnia oppida Flaminie, Piceni, Masse Trebarie, Sanctæ Agathæ, quidquid denique præterea ditionis ecclesiasticæ occupassent, restituerent. Quod si qua ciuitas earum in ecclesiam interim rebellasset, Malatestæ centum equitum auxilio ecclesiasticos tribus mensibus iuuare tenerentur, & ad præsens tres itidem menses eodem equitum numero auxiliarentur. Galeottus ad hæc, cum triginta millia ducatorum exoluisset, tum demum libat esset. Has condiciones pacis sic constitutas, & sanctissimò iuramentum firmitas, ubi Episcopus Tirasonenfis & Albertus Ricafulus ad Pontificem detulissent, non modo ipse ratas habuit, sed Aegidij consilium in pace faciendâ, nihilo se minoris, quam uirtutem in bello gerendâ facere, non semel in consilio Cardinalium professus est.

FINITO, bello cum Malatestis, oppidisq; ab ipsis receptis, Aegidius optimum factu fore statuit, copias partiri: ut uno tempore pluribus tyrannis, haud breui abiunctis interuallo, bellum interretur, quos non putabat prælio dimicatu-
ros, ut qui per se infirmiores essent, sed urbibus contentos, muris se, & uallo à uiolentia tutatu-
ros. Ergo cum res non uno impetu, sed agrorum populationibus, obsidioneq; gerenda uideretur, copias in tres partes distribuit: uni Blasum Fernandum præfecit, & contra Gentilem molianum mittit: alteram Alphonsum Toletanum in fines Casenatum inducere iubet, eosq; uastare, & urbi infestum adesse; tertiæ Bonifatium Verbeuetanum præfesse placet. Et quia summus Pontifex, qui in extingibili odio in Ioannem Vicum ardebat, multis sæpe litteris Aegidium commouerat, uti eum Corneto, cui ab ipso fuerat præfectus, expellendû curaret, Bonifacio imperat, Cornetum proficiascatur, & quidquid Pontifex iusserit in Ioannem Vicum,

Vicum, exequatur. Se uero his rebus, quas Ioanni Vico fide data concessisset, hominem expoliandi nequaquam autorem, quod sæpe testatus esset, futurum. At Blasius nulla interposita mora, in agrum Firminianum rapit agmen, quem cum decem continuis diebus populatus esset, dispositis machinis, coepit magno impetu urbem impugnare: cuius murum cum partim deiecisset, cæterum propugnatoribus nudasset, iubet milites, qua murus patebat, ingredi: & quæ facilior uidebatur ascensus, scalis conscendere. Illi nihil sibi reliqui ad celeritatem facientes, imperata faciunt: quos cum uidissent oppidani intra urbem admissos, ecclesiam una uoce sæpius conclamant. At præsidium nihilo segnius intra urbem redintegrato prælio fortissime repugnat, & in tertiam horam certamen trahit: sed tandem uicti hostes in arcem confugiunt: quam cum Blasius duodecimo iam die obsideret, Gentilis expes uictoria, desperatoq; auxilio, cum ne fugæ quidem locus esset, se suosq; dedit, & Blasii misericordiæ permittit. A quo non modo seruatus est incolumis, sed ipso deprecatore impunitatem ab Aegidio impetrauit. Qui cum nūciata uictoria, ac deditione Firmi peruenisset, iurabat singularis in dedititios elementæ, iustum modo finibus ecclesiasticis excedere Gentilem, munusculis etiā & uiatico profectus est. Huius urbis muros dirutos refici statim iubet Aegidius, arcemq; reparari, quæ non mediocriter tormentorum ictibus concussa fuerat. Cum statui ciuitatis huius prospexisset, Blasium qui imperata administraret cum destinato præsidio reliquit, ipse uero Anconam ire contendit. In terea Alphonsus Toletanus fines Cesenates populatus, Sanctū Archangelum, & Saignanum haud ignobilia oppida receperat.

PAVLO post Aegidio ab exploratoribus, quos occulte per omnes tyrannorum urbes disposuerat, nunciatur, Bernardino Poletanum, quem Rauennam obtinuisse demonstrauimus, audita uictoria de tantis tyrannis, maximo metu trepidare, ac proinde posse facile ad deditionē compelli. Ergo Patriarcham

triarcham Aquilegiensem cum exercitu Rauennam proficisci iubet, portis urbis insistere, ac omni ratione tyranno metum iniicere. Qui cum strenue imperata administrasset, tyrannus deditionem facere parat: qui hac duntaxat excepta conditione, ne urbe pelleretur, magnam uim auri in praesentia dare proficitur: & dum caeteri tyranni pacarentur, centum quinquaginta equitibus ecclesiasticos iuuare. Qua de re consultus Aegidius condiciones accepit non grauate: quibus firmatis Rauēna recepta est, & Ceruia, quae eidem tyranno subiacebat.

AT Franciscus Ordelaphius & Ioannes Manfredus, quorum hunc Fauentia, illum Foriliuij, & Caesena tyrannos esse, supra demonstrauimus, reliquum bellum sibi potissimum impendere intelligentes, milites undiq; omni studio conquirunt, & auxilia summis precibus implorant. Itaq; societatem illam Germanorum, de qua supra mentionem fecimus, cum duce Laudino magna mercede conducere nituntur: quod cum minus processisset, magno precio eos adducunt, ut Picenum incursionibus praedarentur: eo scilicet consilio, ut ecclesiastici a Flaminia auerterentur, & ad Regem Pannoniae, & ad Barnabouem, eiusq; fratrem, qui in principatu Mediolanensi Ioanni Archiepiscopo inde mortuo successerant, subsidia comprecatum mittunt. Quibus rebus cognitis, Aegidius Pontificem per literas de statu rei certiores facit: hortaturq; uti primo quoq; tempore Regem Pannoniae & Principes Mediolanenses dimissis literis roget, obtesteturq; ne improbis tyrannis, & ecclesiae Christi hostibus praestent auxilium. Porro ipse dispersas copias cogit, & relictis Alfonso Toletano centum equitibus & ducentis peditibus, caetero exercitui Blasum Fernandum praefecit, iubetq; in Aprucium accelerare, & Germanos, qui transitum in Picenum parabant itinere prohibere. Is, cum eo magnis itineribus contendisset, opportuno loco castrametatus, se Germanis opponit: qui cum, ne tunc quidem incepto desistere, animos inducerent, sed ulterius progredi, coactis uiribus pararent. Blascus praelio statim decernere, nisi

quod sine imperio Aegidij non licebat, ex usu rei putabat. At Aegidius factus ab eo sui ex primorum exercitus cōsiliij certior literis, consultusq; respondit. Abstineret prorsus a pugna, sed occupatis superioribus locis, Germanos sua præsencia deterret, & factis pro re & tempore incursionibus, longius uagari ne pateretur. Neq; enim cum his esse in ancipitem pugnam, nisi necessario descendendum, qui si superentur, uictorem nullū, aut certe minimum emolumentum sit consecuturum, sin uictores euaserint, maximam iacturam sint illaturi. At qui si germanos deuicerimus, ulciscemur quidem flagitiosos homines: sed post minutam uictoriam, exercitu nostro (quod euenire necesse est) minuto, quæ oppida? quos populos propterea ecclesiæ, quo nomine bellum gerimus, recipimus? Nam si ab ipsis uicti essemus, timendum esset, ne sumptis ex infirmitate nostra, & spiritu & uiribus, iacentes tyranni excitarentur, & longo labore parata, momento temporis amitterentur. Se tamen supplementum missurum conscribit, ut aucto exercitu multitudinis terrore hostem auertat, aut si pugnare fuerit necesse, non sit uictoria dubitabilis. Tunc euocari præsidia iubet, superioribus diebus per oppida disposita: paucis admodum ad arcium custodiam relictis, quæ celerrime ad Blasum peruenire: si mulq; legatos ad Germanos mittit, conquestum de fœdere uiolato, quod secum percussissent: quibus mandat, minas precibus addant, & omni ratione nitantur, ab eo consilio deterrere. Interea Franciscus Ordelaphus arrepta occasione, quod uidebat Flaminiam ecclesiastico milite uacuum, cœpit ecclesiastica oppida crebris incursionibus infestare. Quo intellecto Aegidius iubet Alphonsum Toletanum cum coacta undecunq; manu tyranni uolentiam compescere: Malatestis scribit, pacta subsidia suppedirent: ad cuius imperatum Galeottus cum centum equitibus mittitur: qui cum ad Alphonsum peruenisset, alia oppida circum uagari & eis præsidio esse iubetur. Ipse uero Quilianum contendit, quippe cui oppido maius periculum a Francisco Ordelaphio imminere cōstabat. At Franciscus despecta etiam tunc paucitate, non contentus incursionibus cœpit Quilianum

pit Quilianum oppugnare: illi uero eruptione facta inopinantes adorti turbant, cadunt & infugam conijciunt. Franciscus cum his qui stragi super fuere se in Forumliuij recepit.

HAC parta uictoria, manuq; non contemnenda coacta; Galeottus se, cum Alphonso Toletano coniunxit, & communi sententia placet Modianam, quod oppidum Francisco subiacebat, oppugnare, cum a primoribus Montis Velij, opido id nomen est, conditio offertur Alphonso, si octingenti ducati sibi conferantur, oppidum sese ipsi tradituros. Simul igitur & de oppugnando Modianam, & de emendo Monte Velio ad Aegidium referre, satius est uisum. Qui respondit nec esse tempus conterendum in oppugnatione oppiduli, quod in Ertoluij posset expugnari, nec in uenalis oppidi emptione pecuniam profundendam, quippe oppida pecunia facile parata, facile pecunia amitti solere. Eam curam deponerent, & relicto Galeotto cum parte confectæ manus ad præsidium partorum oppidorum, Alphonso cum reliquis militibus ad Blascum properaret. Quod eo consilio fieri uoluit Aegidius, quo supra tuo casse præsidia diximus, cum inter ipsum & Germanos de conditionibus pacis parum conueniret. Nam societas, perditorum hominum colluue crescebat in dies, & tyrannorum studiis efferebatur. Sed tandem aucto ecclesiastico exercitu, in hæc pacata Aegidio petente descenderunt, ut ipse quinque millia ducatum Germanis numeraret: illi uero citra duodecimum diem fines ecclesiasticos, temperantes a maleficio excederent: nec ante sex menses cuiquam ex hostibus ecclesiæ quatinus ratio, ne auxilio essent: ac de fœdere non uiolando, depositis decem ducatorum millibus, adiuratusq; Comes Laudinus caueret. Quibus ita constitutis, Germani flaminiam uersus profisciscuntur, præcedente cum sexcentis equitibus Perucio Pepo, subsequenti Alphonso cum cætero ecclesiastico exercitu, qui ipsos ab iniuria & maleficio prohiberent, donec finibus ecclesiasticis excessissent. Quo in itinere Comes Laudinus cū Alphonso colloquutus proficitur, si æqua offeratur conditio ecclesiastica si

pendia mereri. Quod cum esset Aegidio delatum, non censuit flagitioso & notæ perfidiæ homini habere fidem.

EA cura Aegidius solutus, totum bellum in Ioannem Manfredum conuertit: & quia Blascus Fernandus Firmum redire, atq; ea loca tutari iussus fuerat, Alphonsus Episcopus cū exercitu ad oppugnandam Fauentiam mittitur. Ille uero, adiunctis sibi cum milite auxiliari Galeotto Malatesta & Bernardino poletano, Fauentinum agrum populatus, oppido infestus adest. At Ioannes Manfredus, qui nec animo defecerat, & numero militum abundabat, indignum duxit, in prospectu urbis agros ab hoste se uidente agi ferrisq; & oppidum iam prope obsidione cingi: se uero, uelut muris tantum fidem, intra mœnia contineri. Ergo milites hortatus aciem educit, & ecclesiasticis pugnae potestatem facit. Alphonsus uero hostem extra mœnia conspicatus, paratum prælio decernere, uix oculis habita fide, suos & ipse hortatus, partarum uictoriarū, & pristinae ipsorum uirtutis admonens, in hostem fiducia plenus irruit: pugnatumq; est diu summa contentione, sed demum hostes terga uertere, & se in opidum recipere. Quo in prælio nō paucis ecclesiasticis, pluribus ex hostibus desideratis, captus est inter ceteros uir quidam non obscuro loco natus, sed eius nomen non est traditum, cuius consilio maxime uti solitum esse Ioannem Manfredum constabat. Hunc ad se Aegidius, nuntiata uictoria, adduci iubet: nec hominis conueniendi culpam facultatem fieri. Eum uero, qui ipsum cepisset, centum ducatis donari. Eo prælio fractus Ioannes Manfredus, ad Episcopū huiusmodi legationem mittit. Si liceat sibi, saluis opibus priuatis, ab omni publico munere Fauentia abdicatum uitam ducere priuatam, opidum se Aegidio dediturum. Quam legationem cum ad Aegidium retulisset Episcopus, hoc ab eo responsum tulit. Qui talia retulissent; eos putare se, per spetiem legationis exploratum in castra uenisse. Eadem .n. Ioannem Manfredum antè illam uictoriam frustra contendisse. Proinde legatos iuberet quàm primum castris excedere. Et si qui præterea uenerint

uenerint, ne pateretur diu commorari: interimq; suorum fidelissimum quensq; eorum lateri adherere iuberet, qui occulta, & perniciosâ colloquia fieri prohiberet. Ipse uero Fauentiam oppugnare pergeret. Legatis itaq; re infecta redeuntibus; Episcopus cepit Fauentiam oppugnare. Cuius cum partem muri tormentorum ictibus dirutam conspexisset Ioannes Manfredus, & propè esse, ut ecclesiastici subirent; quibus ipse cum paucis militibus resistere non poterat: legationem mittit de se dedendo, & pacem his conditionibus impetrauit: ut ipse Fauentiam, & cætera oppida, uicosq; & castella ditionis ecclesiasticæ, quæ ab ipso fuissent occupata statim Aegidio traderet: & intra duos menses proximos, compositis rebus suis; tota Manfredorum familia nunquam reuersura, Fauentia, & eius finibus excederet. Interea obside filio dato, de excedendo intra præstitutum tempus, caueret: & ad hunc modum Fauentia in Aegidij potestatem peruenit.

INTEREA a Iordane præfecto Umbriæ, & a Bonifatio, quem contra Ioannem Vicum missum fuisse demonstrauimus, Aegidio litteræ afferuntur: uastato agro Cornetaniano, atq; oblesso oppido, Ioannem Vicum paratum esse deditionem facere, nisi admodum iniquæ conditiones dentur: proinde quid agendum esset imperaret. Quibus Aegidius respondit, se uerò illius belli inferendi nunquam authorem extetisse, quin dissuasorem potius, multo minus igitur gerendi futurum. Proinde Pontificem consulerent, aut si longum uideretur, quod illi gratum fore existimarent, id efficerent. Victo Ioanne Manfredo, & cum familia de oppido electo, ne per occasionem ab officio discederet, proxima cura erat, Franciscum Ordellaphium debellare. His igitur rebus ecclesiastico exercitu in flaminia occupato, Gentilis Molianus cum Rogero filio, adiuncto sibi cum latronum cohorte Guarelino, latrone id temporis famosissimo crebris incursionibus, aut grassationibus potius per occasiones factis, cepit Picenum infestare. Quo nuncio commotus Aegidius, partem copiarum contra eos mittit: a qua comprehensis, & ad Aegi-

& ad Aegidium adducti, capite pœnas dedere: & sic tandem notissimus ille tyrannus Gentilis Molianus; qui scelus sceleri addiderat, tanta perfidia, tantisque flagitijs condigna morte miserrime obiit. Dum hæc apud Aegidium geruntur; Alphonsus Toletanus, qui exercitum Foroliuij admouerat, cepit usque ad portas incursiones facere: si posset Franciscum Ordelaphiũ ut superioribus diebus Ioannem Manfredum, ad pugnam eliceret, qui se hætenus intra oppidum continuerat. Ille vero, ne exemplo quidem illius perterritus, pugnam dedrauit: & pugnatum est summa cõtentione: postremo victus Franciscus est, & in Foroliuij sese recepit, multis utrinque interfectis, captis nonnullis, inter quos Ioannes Lazarus ex Francisci Ordelaphi intimis familiaribus capitur, & ad Aegidium defertur. Qui cum ab eo Aegidius seiscitaretur, quid consilij Franciscus cepisset, quibus opibus fretus, cuiusue auxilij spe mollem belli sustinere speraret; incertis responsis, nec sibi satis constanter, bus percontantem illudebat. Tandem, cum Aegidius tormenta minaciter intentaret respondit; omnem spem Francisci Ordelaphi positam esse in Principibus Mediolanensibus: qua si destitueretur, nihil esse, quod posset eius ditionẽ morari: quin & magnam partem militum, quorum opera ad præsens uteretur, magis ecclesiasticorum, qui exitu eos interclusissent, metu quam officio continere. Quibus responsis congruere literæ, a nonnullis ciuibus Bononiensibus, rei ecclesiasticæ studiosis, quibus nunciabatur Aegidio, appropinquare auxilia missa a Barnaboue Francisco Ordelaphio: quin & ipse Barnabo Aegidio scripserat deprecatus, ut se aduersus Franciscum Ordelaphiũ mitiorẽ gereret. His igitur malis Aegidius ratus occurrẽdũ, ad Barnabouẽ huiusmodi litteras conscribit. Audio vos Ioannis Manfredi, ecclesiæ christiq; hostis, qui cum bellũ gerimus tyrannidem fouere: iamq; missa ipsi a vobis auxilia iter ingressa appropinquare. Et quidem non tantum mea causa moleste fero, quod affectum iam auxilio diuino bellum, mihi ad alias res properanti diuturnius facere paratis: sed uestro etiam nomine nõ mediocriter moueor. Nam cum Luchini patris uestri,

Ioannisq;

Ioannisq; Archiepiscopi fratris eius summa semper in Romanâ ecclesiam fides, summum studium steterat: nec minor inter Archiepiscopum, meq; amicitia, multis utrinq; firmata beneficijs intercessisset, putabam, sperabamq;, uos illorum non minus uirtutum atq; amicitiarum fore successores, quam principatus, fortunarumq; hereditatem adituros: tanto magis cum omnes opes uestras, & imperium, ac demum quicquid estis Pontificibus acceptum referre debeatis, si principia requiritis a memoria nostra non ita remota: quandoquidem Benedictus xij. principatum Mediolani Luchino patri, & Ioanni patruo uestro, nullo successionis iure debitum primus detulit, existimans eos, eorumq; posteros tanti beneficij memores summo semper studio erga ecclesiam futuros, nec ea eum spes hactenus falsum habuit. Nam ut uetustiora taceamus, nuper Ioannes Archiepiscopus ineunti mihi bellum Italicum aduersus hostes ecclesiæ magno opitulatus est auxilio: quem Mediolano transeuntem gratissimis preciosisq; muneribus prosecutus fuerat. Atq; adeo post ipsius mortem, reputanti mihi fortunæ bellicæ uicissitudines, si quid detrimenti acceptum esset, id resarciendi, uel etiam augendi spes nihilominus in Principibus Mediolanensium reponebatur. Nunc uero quod tantum uos ab eorum moribus, & institutis desciscatis, ut ipsorum hostes pro hostibus habere sustineatis, magnopere doleo. Quid .n. aliud his factis assequimini, nisi ut simul & maiorum uestrorum sententiam damnare, aut uestram inconstantiam turpiter profiteri, & deum spernere uideamini? Quorum altero insignem uobis inter homines infamiam paritis: altero diuinam iram concitatis, quæ solet inimicos suos non leui iactura ulcisci. Vos igitur pro mutua beneuolentia, quæ nobis cum patre patruoq; uestro coniunctissima fuit, hortor, & per Deum immortalem obtestor, turpes conatus reprimatis. Nec unius tyranni, eiusdemq; infirmissimi amicitiam, Pontificis de uobis meritis, ac nostræ necessitudini præponatis. Quæ si feceritis, gratissimo utrûq; nostrum beneficio demerueritis, sin aliter, mementote hominum, ac dei simul iram uobis esse extimescendam.

Alphonso

ALPHONSO Quoq; Toletano scribit, laxaret oppidū obsidione, ut militibus Francisci Ordelaiphij, si decedere uelent, facultas esset: & Ariminum uersus agmen reduceret, ibiq; se iubet expectare. His literis dimissis, iussisq; nuncijs aduolare; Aegidius summam spem in celeritate ponens, si res accelerando, antequam auxilia conuenirent, confici posset, cū prætorīa cohorte, & manu, quæ tumultuario delectu confici potuit, Ancona profectus, magnis itineribus Ariminum uenit, ubi Alphonsum Toletanum cum exercitu obuium habuit: inde Fauentiam peruenit, & firmo præsidio oppidum firmat, cui Episcopum præesse uoluit. Ipse nihil moratus in agrum Cæsena-tem rapit agmen, ut eo oppido expugnato, quod minus firmo præsidio tenebatur, facilius Foroliuij expugnatio, scia ciuitate amissa, & adiecta dubijs militum animis desperatione. Vastato igitur agro, & oppido pluribus partibus simul cœpto impugnari, oppidani ne quid grauius paterentur, se dedunt. Accepta in deditionem Cæsena; Aegidius Abbatē Cluniacensem custodis loco ibi reliquit, cui firmum præsidium attribuit: ipse exercitum Foroliuij admouet: quod oppidum cū oppugnare cœpisset, oppidani uel inuito Francisco Ordelaiphio deditionem facere parant: is tamen desperatis rebus, & auxilijs retardatis, haud magnopere repugnauit. Missa igitur legatione, imperata se facturos, urbemq; tradituros profitentur, ea conditione, ut nullum, nec capitis, exilij ue supplicium de quopiam oppidanorū sumeretur, opum ue irrogaretur multa. Quibus cum Aegidius respondisset, cæteros facile se passurum, nullo accepto incomodo, in oppido permanere, modo Franciscus Ordelaiphus urbe statim excederet; accepta cōditio est, & oppidum traditum. At Franciscus Ordelaiphus Mediolanū ad Barnabouem confugit, & sortem suam miseratus, ab eo contendit, ut agat cū Aegidio, aliquam sibi facultatem relinqueret, qua posset uitam tolerare. Cuius misertus Barnabos, & Galeatius fratres huiusmodi ad Aegidium epistolam mittunt.

Venit:

VENIT nuper ad nos Franciscus Ordclaphius, patria pul-
sus, luctu & mœrore plenus. Qui, multa de sua infœlicis-
sima sorte miserandum in modum questus, ita nos affecit, ut
non secus ac eiusdem calamitatis socij cum eo doleremus. De-
mumq; cum se a tanto dolore paulum recepisset, nos obse-
ruit; quandoquidem auxilio nostro, in quo summam spem po-
suisset, causa uestra destitutus, principatu amisso, eo infœlici-
tatis uenisset, ut præter miseram animam, nihil sibi relictum
esset; tecum ageremus, precaremurq; uti sibi, quem nuper
cum deuicissis uiuum excedere passus esses, aliquam uitam du-
cendi rationem reliquam faceres: quod & propter mutuam
amicitiam, & pro cætera tua humanitate a te impetratum iri
non dubitabat. Quippe rem non sine exemplo fore, nam su-
perioribus diebus in Ioannem Vicum, Malatestas, Bernardinū
Poletanum, & plerōsq; alios a te deuictos, quos ob eandem cau-
sam hostes habuisses, summā te usum clementia demonstra-
bat. Quibus rationibus, quaq; fiducia ducti has ad te literas
scripsimus, tibiq; eum summe commendamus nec iniqua po-
scentem, & nobis magnis studijs coniunctum: ne homo cla-
ro loco natus, nuper potens & opulentus; a quo si tyranni no-
men abstuleris, nihil uel in præteritum, quod magnopere cul-
pare possis inuenias; nunc in opprobrium fortunæ mendicare
cogatur. In quem si quo præter ceteros priuato odio uteris,
id uti nostræ amicitiae condonares precaremur, relaturi cum
reposeris, uel etiam si non reposes gratiam, quodcumq; be-
neficium in Franciscum Ordclaphium cōtuleris. Quibus lectis
Aegidius, & consuetudine sua, & Vicecomitum precibus du-
ctus duo oppida Ioanni Manfredi permisit, quæ ecclesiæ nomi-
ne teneret, ac eorum redditibus aleretur. Sic confecto bello
Italico, cum singulis ciuitatibus probatæ fidei uiros præfecisset,
necessariāq; adhibuisset præsidia; suscepto sibi Androino Abba-
te Cluniacensi, Auenionem contendit, exceptusq; est honori-
ficentissime, ingenti omnium lætitia. Appropinquanti enim,
Summus Pontifex cum uniuerso Cardinalium collegio, ad duo
millia ab urbe passuum obuiam, officij gratia, procedunt. Vbi in

palatium Pontificium deductus est, locūplete oratione rerum
gestarum Aegidij summam complexus Pontifex, ipsum pro sug-
gestu magnopere laudauit, & ecclesie patrem, cum magno
omnium assensu appellauit: & tandem iubet, eum omnium re-
rum Italicarum curam cum summa potestate habere: & An-
droinum, quem successorem habuisse demonstrauimus, Aegi-
dio in cunctis quae imperasset obtemperare: siquidem dignū
esse eo honore, qui tot laboribus susceptis, tam bene de
ecclesia meritus esset: & si quid consulo, factūe
opus esset, per eum maxime Italiam opti-
meq; retineri posse, per quem
recepta fuisset.

IO. GENESII DE SEPTVLVEDA CORDVA
benis de rebus Gestis Aegidij Albornoij
LIBER TERTIVS.



QVINTVM DECIMVM iam mēsem
Aegidius Auenione apud Pontificem mor-
rabatur, cum domesticis cognatorum sedi-
tionibus euocatus, easq; sedare cupiens pro-
fectionem in Hispaniam comparabat. Qui
quo tempore a Pontifice missionem efflagi-
tabat, eo potissimum crebri rumores afferuntur, plerasq; ciui-
tates Italiae uehementer tumultuare; quibusdam hominibus;
nouis imperijs studentibus; alijs ueteribus inhiantibus. Quibus
rumoribus cum literae nuncijsq; ab studiosis rei ecclesiasticae ea-
dem nunciantibus consentirent, causam huius mali perquirens
Pontifex, ignauiam potissimum esse reperiēbat Androini, qui
parum administrandis publicis rebus idoneus esset, unumq; esse
Aegidium, cuius uel sola praesentia, tyrannorum uolentia co-
hiberi, ac populorum incōstantiam stabiliri nullo negotio pos-
set: quippe quē tyranni summopere formidarent, ciuitates di-
ligerent, simul & uererentur. Cum igitur de mittendo Androi-
no successore

no successore Pontifex ad patres retulisset, una fuit omnium sententia, remittendum esse Aegidium, cuius prudentia, utriusq; multos, maximisq; periculis sibi æque, atq; hostibus nota esset, et cuius harum rerum opinio ad continendos in officio populos satis esset per se potens: modo Aegidius more suo, ne gravaretur priuatis negotijs publicā utilitatem anteferre. Porro in alio deligendo inexpertæ, aut industriæ, aut strenuitatis periculosissimè in ea rerum perturbatione peccari posse. Ac Aegidius, qui, ab officioso itinere comparata iam profectio-
ne abstrahi, iniquo animo ferebat, cum res suas gestas efferen-
tibus gratias egisset, & sua ipse facta extenuasset, quidquid ges-
sisset, dei auxilio acceptum referens, qui tyrannis, hostibusq; ec-
clesiæ impune esse non fuisset passus, multos esse ostendit sapien-
tiam, simulq; uirtute præstantes, quibus summa eius expeditio-
nis optime, ac tutissime deferri posset: se uero, si nullo magno
negotio distineretur, tamen post tot laborum discriminumq;
cursum, hominem affecta ætate, uelut militem ueteranum eius
muneris uacationem emeritum uideri posse. Quamquam, cui-
usmodi esset in ecclesiā animi studiisq;, ne has quidem cau-
sas oblituras fuisset, quo minus id quod superesset ætatis bono
publico, & ecclesiasticæ dignitati impartiretur, si ipsius opera
utilis fore Pontifici patribusq; uisa fuisset: non, si eosdem labo-
res rompare, totiesq; cum hostibus iterum depugnare iuberetur.
Tunc uero necessario se in fratres, & cognatos officio euo-
cari: qui cum magno & pertinaci dissidio ad vulnera usq; pro-
cessissent, ipseq; solus tantis malis occurrere ac mederi posse cre-
deretur, non esse committendum, ut ea cura deposita, cognato-
s, ac fratres deseruisse uideretur, qui ipsius aduentum magna
cum expectatione operirentur. Proinde Pontificæ patresq; etiā
atq; etiam deprecari, ut cum multi ex patribus essent, quibus
plurimum rerum usum, & magnitudinem animi longe præsen-
tiorē ad id munus obcundum concederet, paterentur, se in
summa necessitate propinquis, ac fratribus suum officium im-
partiri: quod ecclesiæ, cum licuisset sine insigni criminis nota,
libentissime præstitisset. At summus Pontifex, qui in tantis
el. l. q. q.
I ij

difficultatibus, summam spem in Aegidio collocauerat, quanto ille constanter negotium recusabat, tanto ipse magis desiderio accendebatur; causasq; Aegidij potissimum mittendi inueniebat. Neq; n. modo praesentiam eius animi, felicitatemq; in certaminibus reputabat; sed meminerat etiam multo maiora bella consilio eius fuisse confecta, quam alter magnis viribus pugnando confecisset. Sed nec illud parum mouebat, reputare in quanta saepe omnium rerum indigētia milites continuisset, sustinuissetq; graua bella, tum commeatibus parcendo, tum de suo sine cunctatione suggerendo, tum demum iniecta sapiēter spe animos militum fouendo. His accedebat, quod ab omnibus iactabatur, Aegidij nomen tyrānis esse formidolosum, & gratia summa in omnes ciuitates ecclesiasticas. Omni ergo ratione conatus in suam sententiam adducere, ostendit deniq; ac multis confirmat exemplis, si necessitas optionem dederit, cognatos potius, quam aut patriam, aut religionem esse deferendos. Porro ecclesiam cunctorum piorum patriam esse, & religionem; aut certe patria multo cariorē esse debere: quae si sacrilegis, & sceleratis hominibus per cōtemptum agenda ferendaq; permitteretur impune, non esse dubitandum, quin breui religio Christiana summum detrimentum esset acceptura. Atqui a sapientibus illud Ciceronis laudari: Qui non defendit, aut obstitit; si potest iniuria; hunc tam esse in uitio, quam si parentes, aut amicos, aut patriam deserat. Quod si fratres, & cognati intestina discordia agitantur, posse eam seditionem, & per literas, & per amicos principes utros sedari, eamq; curam sibi ipse deposcit, & suam se gratiam, & authoritatem ad rem conficiendam collaturum pollicetur. Tot rationibus, tantisq; precibus Aegidius, admodum alioquin exorabilis, & summi in ecclesiam Pontificemq; studij uictus, prouinciam suscepit: & profectioe comparata, magnis itineribus in Italiam contendit. Cuius aduentu adeo omnes, qui rebus nouis studuerant; perterriti sunt; ut non iam de imperijs occupandis, sed magis de caputibus suis, proprijsq; fortunis retinendis solliciti essent. Admissus itaq; sine repugnantia in singula ecclesiastica oppida,

oppida, sumpto supplicio de his, qui tyrannidem affectarant, collaudatisq; ciuitatibus, quod eorum conatibus obstitissent, omnium populorū animos in ecclesiā magnopere cōfirmauit.

HIS rebus gestis Aegidius, qui nullam ecclesię iuandę occasionem prætermittebat, totum animum, omnesq; curas ad religionem conuertit: si quomodo abolere posset nefarium illud scelus, quod multum ea tempestate uocati Fraticelli inter facinorosos homines, & credulas factuasq; mulierculas per speciem religionis dissipauerant. Quandoquidem, mortuo miserime in uinculis Petro Colutio, quem a Ludouico Bauaro, in æmulationem Ioannis xxij. Pontificis maximi, Antipapam Romanę creatum fuisse supra demonstrauimus, non desuere scelesti homines, qui Ioannem xxij. eiusq; successores, nec iure, nec sanctę Pontifices factos fuisse contenderent, & in contemptū religionis Christianę flagitiosam quandam, simul & turpissimam sectam excogitarent. Nam conuenientibus in antris, locisq; abditis, quos in eam turpidinem allexerant, uiris feminisq; qui inter ipsos sacerdotes habebantur, ut crimen honestate prætexerent, diuinas laudes Christiano more præcinebāt: quibus in tempesta nocte peractis, sacerdos pro contione quędam præfatus ad confirmandos in nefario errore hominum animos, in eo maxime erat occupatus, cōlendū esse ante omnia charitatem, quā esse omnium uirtutū caput, sacrę literature testarentur. Porro potissimum hanc inter homines auctore deo edāciliari posse, si Spiritu sancto inuocato bini, masculus feminaq; uenereō complexu iungerentur. Cum ergo quā quisq; oculis prænotarat, extinctis luminibus uitiaisset, tunc demum peracta sacrę censebantur: quo compressu si quę concepisset, deportari ad se partum sacerdotes iubebant, qui solenni more in loco sacrificijs dicatō conuenientes, infantulū subiecto igne ad cineres usq; comburebant, quos urna exepptos, cenārem sacram reponēbant: cumq; erat aliquis collegio sacerdotum coopeandus, illis cineribus cum uino epotis imbutabatur. Credo ut pœnitentię nullus locus relinqueretur, & quę

religionis

religionis persuasio continere non posset, criminis saltē societatis retineret. Quod si Pōtificem eorum Maximum mori cōtigisset, ut omnis abesset invidia, & res non humano, sed diuino consilio agi uideretur, hic erat indemortuo alterius subrogandi statutus modus. Infantem illo flagitio conceptum ad locum sceleribus destinatū iussa mater haud inuita deportabat: & ubi uulgo astante, sacerdotes confederant, tamdiu illum per comprimentes manus in orbem tradebant, donec miserissimus infans pernecaretur: & cuius in manibus animam exhalasset, is Pontifex Maximus diuino numine factus esse censebatur. Quo in loco admirari succurrit, quō procedat improbitas cordis humani, pudoris semel, atq; honesti fines progressa. Tantam ne feritatem in mortales cecidisse, ut quemadmodum in homines saeuirent, non modo peccati, sed etiam intellectus expertes, excogitarēt. Et sic ceteros nullus humani generis amor tangebatur, nulla humanitas a tanta sauitia retardabat, non saltem matres, uel feras multo iam mitiores imitantes, uisceribus suis pepercisse: quarum pleraq; non siccis tantum oculis, sed hilari etiam uultu, filiorum cruciatus, necessq; spectasse cōstat. His ergo, quæ non dubio multorum sermone afferebantur, commorus Aegidius, cupiensq; tanta infamia non modo Christianam religionem, sed genus etiam humanum uindicare, Neapolim cum exercitu proficiscitur: qua in regione potissimum ea pestis homines inuasisse nunciabatur. Sed & eo proficiscendi causis, illa quoq; accesserat, quod multi uiri principes eius regni in Ioannam Reginam palam conspirauerant: contra quos cum Regina a Pontifice auxilium implorasset, datum est Aegidio negotium, uti pacem inter ipsos faceret, gratiamq; reconciliaret. Quo cum peruenisset, precibus addendo minas facile principes in Reginae sententiam traduxit, pacemq; firmavit. Tunc conquisitis ubiq; Fraticellis (sic enim sacerdotes illi nefarii uulgo appellabantur) eorumq; complicibus, factaq; de quibusdam quaestione, ac socijs proditis, magna turba comprehenditur uirorum mulierumq; qui omnes ingenti rogo combusti tanti facinoris pœnas dedere, & præsbyteros qui parum flagitijs

flagitijs istorum obstitisse cōperiebantur, dignitatibus ac sacerdotijs eis abrogatis, muneribus, si quibus publice fungebatur, se se cogebat abdicare.

HIS rebus gestis, Aegidius, cum in flaminiam iter conuertisset, obuios habuit legatos a Ioanne Olegio, Bononiæ id temporis imperitante. Qui cum initio huic urbi a Barnaboue fuisset præfectus, quæsitâ paulopost causâ, Vicecomitis imperata spernere cœpit: ac ciuitatē suo arbitratu, suoque nomine non tam moderabatur, quā diripiebat. Hic igitur bello a Barnaboue agitat⁹, ad Aegidium huiusmodi legationem mittit. Bononiā se cum magno ciuium consensu ipsius potestati permissurū, modo suis militibus superioris temporis mercedem numeraret: quæ summa satis magna erat: seq̃ uni cuiuspiam Piceni ciuitati præficeret: quod se facere dicebat Barnabouis tyrannidem peractū; & Bononiensis ciuitatis misericordia tactū: quæ multā indigna magnaque detrimenta avaritia, atq̃ improbitate Barnabouis se iniūto perferret: tum etiā adducit se religionē; & studio quo ecclesiam prosequeretur, ad quā iure Bononiā pertinere nō ignorare. Audita legatione Aegidius, ne quid uel cupide, uel iniuste fecisse uideretur, nō putauit quidquā iniussu Pontificis sibi esse cōandū. Nam & si sciret, Bononiā esse iuris ecclesiastici, tamen quo minus repeteretur, obstabat fœdus nō pridem factū inter Clemen-tem sextum, & Ioannem Archiepiscopum, simul & Principem Mediolanensem. Cum .n. superioribus diebus Bononia ab ecclesia ad hunc Ioannem defecisset, Clemens sextus, qui tunc rerum potiebatur, misso in Italiam oratore, Florentinos, & Martinum Scalam in Mediolanensem concitauit. Ac mortuo Martino, qui Vicecomitem Mediolanensem conatibus nimium obstabat, Ioannes, capratâ amicitia huius filij, qui patrem nomine tenus referebat Canis Grandis appellatus, omnes Giblinæ factionis homines in Flaminia, & Hetruria cum eo ad suā amicitiam, societatemq̃ trāduxit: ac misso Barnaboue ex fratre nepote Bononiā, qui cum magno præsidio oppidanos in officio con-

cio contineret; recipiendæ urbis Pontifici spem multum ademit. Ioannes uero, cum successu rerum Florentinos bello persequi perrexisset; ipsi, adiunctis sibi Senensibus, & Aretinis Perusinisq; Vicecomitum tamen, eiusq; sociorum coactis opibus, & potentia minime parës; externa auxilia in Italiam cõnocabant. Quo cognito Põtifex Maximus, qui eius belli ineundi author extiterat, cum parum esset in rebuspei, atroxq; bellum imminere intelligeret, nisi malis serpentibus occurreretur, ut Italiæ quieti consulere, Vicecomitibus Bononiã in duodecim annos ea lege permittit, ut illi annua tributa duodecim millia ducatorum Pontifici penderent. Sic facta est pax inter Florentinos, & Vicecomites, & utriusq; partis socios. Hæc cum Aegidius animo repetisset, collaudato Ioanne Olegio, pro ea pietate, cuius se in ecclesiam esse profiteretur; nulla se, respondit, mandata de rebus Bononiensibus a Pontifice accepisse: eam tamen legationem se ad Pontificem primo quoq; tempore relaturum, & quæ imperasset administraturum. His responsis redeuntes legatos Aegidius, suo more, amplis muneribus profecutus est: protinusq; Pontificem literis, nuncioq; de Io. Olegij voluntate, & ciuitatis Bononiensis, simulq; de immanitate, & avaritia Barnabouis certiolem facit, & quid fieri uelit, ut se doceat, perquirat. Quod cum Pontifex ad cõcilium retulisset, multum est sententijs inter patres discrepatum. Quidam .n. seruare fidem Vicecomitibus censebãt, quibus Bononia in duodecim annos permissa esset: nec longum esse peractis iam octo, quatuor expectare: post quod tempus, sine cuiuspiam perfidia nota, & sine repugnantia ea ciuitas ad ecclesiam esset reditura. Cui sententiæ alij adiciebant, Vicecomitum potentiam adeo opibus, & clientelis increuisse, ut difficile uideretur, traditum oppidum posse retineri, in quod recipiendum, illos, omnes suas, amicorumq; uires collaturos, non esset dubitandum: his accedere, quod ærarium ecclesiæ adeo superioribus bellis exhaustum esset; ut huic ducendo, quod diutinum fore uideretur, sufficere non esset. Sed potior apud Pontificem eorum fuit sententia, qui sœdus sœdisfrago seruare non censuerunt. Porro

Vicēcomites, præterquam quod primo contra ius falsq̃ alienā urbem rapuissent, post inita pacta, in quæ Pontifex, magis necessitate, quam consilio descendisset: pactum tributum pendere intermisisse, ac idcirco fœdus eum uiolasse uideri: quæ causæ si minus subessent, tamen Barnabouis tyrannidem, non esse ferendam, qui ciuitatem Bononiensem nullo æqui boniq̃ respectu quotidie compilaret. Nam qui putarent oppidum non posse retineri, timide eos id temporis ecclesiasticas uires metiri, parumq̃ Aegidij, exercitus ecclesiastici imperatoris inuicti, uirtutes intelligere, deq̃ eo nimium ingrate sentire, quem, contra præpotentes hostes, tot ac tantis oppidis ab ipso nuper expugnatis, non putarent Bononiam aduersus quācūq̃ potentiam, cum fuisset admissus, tutaturum. Quod uero de numerorum indigentia iactarent, posse id malum mutuata pecunia, uel oppigneratis alijs oppidis, refarciri: nihil enim oportere inexpertum relinqui, ut Bononia, Flaminia opulentissima nobilissimaq̃ ciuitas recipereetur. Quæ recepta, non modo ad imperij Ecclesiastici uires, sed multo etiam magis ad opinionē, qua maxime possent, ceteræ ciuitates cōtineri, esset adiectura.

CVM hæc itaq̃ sententia uisisset, Pontifex ad Aegidium scribitis Ioānes Olegius Bononiam sibi traddere uoluerit, ne recuset. Cumq̃ eo, ut sibi ex usu rei ecclesiasticæ usum fuerit, paciscatur. Stipendijs uero militaribus, quæ Ioannes Olegius pacisceretur, erogandis, & si quid Barnabos mouisset, cōducendo nouo militi, quæuis oppida oppignerandi potestatem tribuit. Quibus literis allatis, Aegidius ita pepigit cum Ioanne Olegio, ut inuicem suæ potestati permittendæ Bononiæ, militibus Ioannis Olegij stipendia ipse persolueret, atq̃ illum Firmo præficeret. Omni ergo cura ad conquirendam pecuniam conuersa, opportune accidit, ut eo potissimum tempore triginta ducatorum millia Aegidio ex suis uestigalibus, ab Hispania portarentur. Quibus numis, & quod prouit, oppignerato instrumento congerere, ecclesiæ mutuatis, cum stipendia militaria numerasset, exercitus ecclesiasticus duce Cometio Al-

LIBER

bornotio in urbem admissus est. Hæc cum essent Barnaboui nunciata ægerrimo animo tulit: missaq; legatione, multa de iniuria in se ab Aegidio illata conquestus, urbem iure sibi debitam ex pactis a Clemente sexto cum Ioanne Archiepiscopo patruo suo reddi postulat. Quæ nisi impetrasset, iam tunc graue bellum indicere. Quibus Aegidius respondit. Se uero nullam iniuriam in Barnabouem intulisse. Nam & se Pontificis imperata administrasse, & Pontificem suo iure imperare potuisse: si quidem cum multa ipsius crudeliter atq; auare facta in ciuitatem Bononiensem commemorasset, quam ob rem imperium abrogandum ei uideretur, perperam ait percussa fœdera Barnabouem allegare, quæ totiens ipse uiolasset, multifariam quidẽ sed uel eo maxime, quod pacta tributa aliquot annis pendere intermisisset. Quare si iure agere uolet, iudices eligerentur, iuris ac legum periti; qui si iudicassent, Barnabouem iniuriam accepisse, Bononiam ei se absq; mora redditurum: sin aliter, æquo animo conceptus esset: ne putaret licere sibi aliena retinere: Pontificem sua repetere iniquum esse. Re igitur permissa honestorum uiuorum, illiusq; memoriæ iuris peritissimorum arbitrio, pronunciatum est, Barnabouem iure ab imperio Bononiensi fuisse submotum. Ac tunc demum Aegidius Bononiam inuicere constituit; quod ante hac facere, ad suæ iustitiæ opinionem non putarat interesse: ne si non expectato iudicio, opidum fuisset ingressus, adeo rebus Bononiensibus incumbere uideretur, quasi iure uel iniuria imperium retinere statuisset. Appropinquant cum senatu totus ferme populus Bononiensis, summo cum gaudio summaq; gratulatione obuiam procedit: a quibus adeo splendide exceptus est, ut nihil ad summam magnificentiam ea ciuitas reliquifecêrit. Cum ad ædem Petri ductus est, Gollinum Gallutium, Iacobum Ramponem, Gerardum Confortum, Albertum Gallutium accintos ensibus, solemnî morè, a Galeotto Malatesta, equites auratos esse iubet; ac demum magno cum populi plausu ad Pontificias ædes deducitur.

Pergratum

PERGRATVM fuit Aegidio officium sibi præstitum a Bononiensibus, ex quorum ingenti gaudio & vultu, tyrannorum improbitatem non fuit factu difficile agnoscere: de quorum administratione perquirens ita reperiebat, nullam ab his tyrannicam immanitatem fuisse prætermisam. Nam præter ingentem pecuniam sæpe imperatam civitati, singulorum etiam multa bona publicata, insidiarum, aut alterius criminis causis excogitatis; ad hæc ex nobilitate honestissimum quensq;, & eos præcipue, quorum uirtutes tyrannicæ libidini obstituta videbantur, in exilium missos: & ne quid huic civitati malorum abesse ex contagione tyrannica, morum etiam noxam non paruum traxisse: nec .n. tantum lenonibus, scortis, latronibus, iuuentutis corruptoribus refertam esse, sed etiam iniquis fœneratoribus redundare. Tantorum ergo malorum iniquitate laboranti Bononiæ ut subueniret, non solum innatus æqui honesti amor, & miseræ civitatis lachrymæ Aegidium adduxerunt, sed illud magnopere compulit, quod iam tunc collegiū scholasticorum Hispanorū in ea urbe, ob florētissimum omnium disciplinarum gymnasium, condere cogitabat, quod esset sui nominis insigne monimentum: occasionemq; arripiebat demerendi multis beneficijs populum Bononiensem: ut si quando id collegium quæpiam difficultate affectum eius patrocinium implorasset, ipsius in se meritum memores, ab omni iniuria tutarentur. Omnes igitur, qui iniuria proscripti, vel in exilium missi fuerant, iubet in patriam reuocari. Quorum fuisse æcepimus Toniolum Paschalem, Nerium Pilatum, Porinellum Suzolinum, Berturellum Lapum, Guilielmum Pilatum, Beltrandum Guandonem, Ramponem Magardum, Alexium Buellā, Searabellū Donduciū, Iacobellū Lampasiū, nobiles omnes, & de patria optime meritos. Bona præterea publicata dominis integrum præcipit restitui. Fœneratores, quicumq; soluendo essent, rusticis etiam aut urbanis prædijs distractis, exacta fœnera cogit plene restituere, constituta exilij pœna, si quis in posterum crimen repetisset. Sed quoniam inueterata iam possessione, aliena reddere pleriq; gravissime ferebant, quidā etiam

LIBER

in summam inopiam redigebantur, ut utrisq; & creditoribus & debitoribus, quoad fieri posset, satisfaceret, per summam liberalitatem magnum numerum pecuniarum de suo largitus est. Edicitq; tandem, ut scortatores, ganeones, siccarij, & cæteri id genus homines cuncti oppido cuestigio cederent, capitæ pœna constituta, si quis deinde repertus esset, cuius honestæ uitæ ratio non constaret.

AD hunc modum reddita sibi Bononia, receptaq; Aegidij beneficio pristina dignitate, magno tamen bono carebat, non solum ad pulchritudinem, & ornamentum, sed etiam ad quotidianos usus necessario; nullo siquidem fluuiio interlabente Bononiam, sed ne præterfluente quidem proprius passuum tribus millibus, assiduo dispendio longius ab urbe oppidanos excedere ad conficiendum trumentum, necesse erat. Res non modo grauis, sed bellum gerentibus minime tuta. Quo animaduerso Aegidius, ut Bononienses suo beneficio a tanto incommodo liberaret, utq; urbs honestior simul, & munitior redderetur, partem Reni, qui Bononiam a tertio lapide præterlabitur, magno labore, magnisq; suis impensis per mediam urbem deriuauit. Qui fluuius in plurimos magnosq; usus ciuitatis cessit: nam molæ aquarum frequentes intra moenia ædificatæ: pistrinorum necessitatem; & longius excedendi molitionis causa incommodum substulerunt. Machinæ præterea constructæ sunt ad secandum mira celeritate materiam ferræ trusæ; quæ, aquæ ui fursum deorsumq; agitata, una multorum hominum operas adæquaret. Quo nec minus utile, & maiore etiâ admiratione dignum est frequens Bononiæ machinamentum ad poliendam concinandaq; textui fila serica, quo machinamento aquæ impulsu circumacta supra quattuor millia futorum; interdum miro ordine, & incredibili artificio simul uersantur. Quin ad salutem loci plurimum contulisse flumen indubitato experimento didicerunt Bononienses. Nullis .n. fontium riuus urbem discurrentibus, putealis tantum aquæ copia, & usus erat; quæ flubiatilis tanto dulcior est, tantoq; salubrior, ut huius com-

parata

parata putealis humano potui damnaretur a medicis. Nam q̄ merces onerarijs cymbis Ferrariam usq̄ secundo flumine deportentur, reportenturq̄ aduerso, cōmuneid & Bononiæ, & Ferrariæ emolumentum est.

QVIBVS rebus occupatus Aegidius, dum Bononiæ cōmoratur, Barnabo. apud quem iura, quatenus modo conatibus subscriberent, sancta erant, iniquo animo ferens deijci se ab spe retinendæ perpetuo opulentissimæ ciuitatis, spreto arbitrorum iudicio, ad arma recurrit: & quam iure non poterat, bello repetere constituit. Sed quia Aegidio in ea commorante, difficile admodum reputabat urbem expugnari, inito cōsilio Anchinum Bongarbum cū exercitu in Picenum mittit: iussu ciuitates ecclesiasticas bello laceßere, ut hoc irritamento Aegidius a Bononia eliceretur. Anchinus celerius omni opinione in Picenum rapit agmen, a nullo temperans maleficio, ac tria oppida Corialtum, Buscharetum, Montem nouū oppidanis haud admodum repugnantibus prius suæ ditionis fecit, quam plane Aegidio de aduentu eius enunciat̄ potuisset. Tātūq̄ terræ inopinato bello Picentibus incussus est, ut urbibus contenti uix satis ipsarum fiderent muris. Quamobrē epistolæ ad Aegidium dimittunt timoris & sollicitudinis plenas, multa etiam uero periculo adijcientes, quæ rumoribus metus affinxerat. Quo nuncio Aegidius accepto, etsi Barnabouis cōsiliū uirum prudentissimū nō lateret, tamen laborantibus ciuitatibus subueniendum ratus, cum populum Bononiensem aduocata contione ad fidem, & officium longa oratione cohortatus esset, Cometium Albornotium Bononiæ firmo attributo præsidio, iubet præesse; ipse cum reliquo exercitū in Picenū eo consilio proficiscitur, ut si Barnabos (quod fore non dubitabat) Bononiensibus bellum intulisset, liberius cōmodiusq̄ posset suis atq̄ oppidanis auxilium submittere. Magnis itaq̄ nocturnis diurnisq̄ itineribus ad ea oppida, quæ capta nunciabantur, peruenit: cuius aduentu Anchinus perterritus, uel quia sic fuerat ipsi a Barnaboue imperatum, dum Aegidius in recipiendis oppidis

LIBER

dis oppidis, ne hostibus, quos bello persequi instituerat, per-
fugium essent, est occupatus, comparata fuga, silentio noctis
aufugit. Aegidius uero oppidis sine repugnantia receptis; in
nonnullos oppidanorum animaduertit, quos dedendi oppida
autores fuisse reperiēbat.

INTEREA Barnabos de abscessu Aegidij a Bononia cer-
tior per exploratores factus, cum satis magno exercitu, super-
rioribus diebus comparato, in agrum Bononiensem peruenit.
Qui, cum uicos aliquot & castella suæ ditionis fecisset, paucis
post diebus, motibus Gallorum euocatus, Mediolanum reuer-
tur, permessa huius belli summa Ioanni Bizauro. Is ad Reni ri-
pam locatis castris, quotidie portis urbis infestus obequita-
bat, dum ecclesiastici numero militum inferiores se urbe con-
tinebant. Quibus rebus nunciatis, Aegidius Galeottum Mala-
restam, & Petrum Farnensem cum duobus. equitum millibus,
& quingētis peditibus, laboranti ciuitati propere subsidio mī-
tit. Qui secunda uigilia in urbem hostibus ignorātibz accepti,
tantum congreis oppidanis praesidioq; addiderunt, ut statim
Gomecius de conferendis cum hoste cominus signis, cogitau-
rit: prius tamen non alienum ratus, Bononiensum animos in
fide oratione confirmare, & excitare ad pugnam, contionem
ipsis in posterum diem indicit. Quæ cum frequens cōuenisset,
ipse pro suggestu, cum multa & magna beneficia Aegidij in
ipsos commemorasset; illudq; longe omnium maximum, quod
Bononiensem ciuitatem a tyrannica & immani seruitute uindi-
casset, tyrannorum crudelitatem, & in explebilem auaritiā;
quæ mala, non pridem tanto cum suo dolore, non semel experti
essent; iubet ad memoriam reuocare: iniurias sibi illatas, ac-
cepta incommoda perpendere. Quæ mala cum multa indi-
gnaq; fuisse demonstrasset, multo tamen grauiora impendere;
ni uiri fuerint, docet: nam qui nulla lacerati injuria, sed sum-
ma cum indulgentia in urbem accepti, sua sponte, ac suopte
ingenio se tales præbuisent in eos, qui imperium ipsis nullo iu-
re debitum detulerant, quid ab his sperandum esse defectione
ac rebellione

ac rebellione exasperatis, deniq; multifariam irritatis? si urbē; qua exacti essent, ui & armis recepissent, an non eos hostili more urbem direpturos? & nobilitate e medio sublata; plebem, si qua gladio superfuisset, in mancipiorum formam redacturos? Porro uinci ut cunq; miserrimum esse, at non pugna sed obsidione superari, multo esse turpius. Nam strenue pugnare uirtutis esse, superare fortunā: at fossa murisq; hostem distingere, nā si longe paucioribus non esse uirtile. Se uero superioribus diebus non sine maximo suo dolore tulisse eam indignitatem, ut hostes per agros libere ac impune populabundi uagarentur, ac urbi infesti adessent: ipse uero auxilia in dies expectans se intra muros contineret: quæ cum aduentassent, ac spem dedissent, satis superq; uiriū esse ad prælio decernēdū: statuisse se postero die acie dimicare: proinde se Bononienſes pro sua salute, proq; sua libertate ad pugnam cōpararent: ac postridie armati & instructi, in forū accepto signo conuenierent: qui si suam fidem ac uirtutem præstitissent, satis scire uictoriam in expedito esse de hostibus: qui non tam suæ uirtuti confiderent, quam sperarent inter Bononienſes discordiam fore, quos cum uiderint suæ libertatis memores, concordie acie pugnare paratos: in scilla spe animis defecturos.

QVA oratione erecti Bononienſes, indignatione simul & spe accēdente animos, discedunt. Postridie omnes, qui arma ferre poterant, accepto signo in forum armati conueniunt: quorum parte ad urbis præsidium relicta; ceteri cum auxilijs Cometicum sequuntur. Qui cum eo deduxisset agmen, ubi Renus ponte maiore cōmittitur; seq; in mutuum dedisset conspectum; ad hunc modum aciem instruxit. Veteranos milites in fronte collocat. Ad utrunq; cornu equites consistere iubet. Laeuum attribuit Blasco Fernando; ipse sibi dextrum assumit. & leuis armaturæ milites in medio locat. Galcottus Malatesta, cuius potissimum consilio Cometicus utebatur, cum oppidanis subsistere iubetur; nec primo impetu inuadere, sed laborantibus subuenire, aut fessis succedere. Equitatus partem iubet extra ordinem

LIBERT

extra ordinem vagari, ut quid facerent molirentur uel, hostes ab editionibus locis specularerentur, & si quid opus esset facto, non turbato ordine in expedito essent. Sed nec hostes detrectauere pugnam, cuius Dux erat, ut supra memorauimus, Franciscus Estensis. Qui ueteranis ipse quoque in fronte pugnacissimum quemque militem opposuit, Cometio, Vincētius Laudensis: Gaspar Fernando, Ludouicus Albensis cum equitatu obijciuntur. Signo utrinque dato magnis animis concurritur. Incium certa minis equitum fuit. Latum cornu hostium tantisper ecclesiasticorum in petum tulit, donec Vincentius Laudensis cum plerisque alijs obruncatur. Deinde ea parte acies inclinari coepit. Cometius accepto uulnere non prius destitit a praelio, quam largius manante sanguine, uiribus destitui coepit: tunc uero milites hortatus, ne uictoriam iam pene partam e manibus emitterent, pugna excessit; iussu Petro Fernelio in suum locum succedere. Cui & ipsi protinus uulnus illatum est. Haec cum essent passim per aciem diuulgata, inclinata hostium acies spiritum recepit uisitata est; maioremque animo praelium redintegratur. Tum Fernandes, qui in laevo cornu strenue pugnam ciebat, suos hortatus magno impetu in confertissimos hostes irruit, & a sua parte repulit ille quidem hostem, sed dum audius Ludouicum Albensium insequitur, telis obrutus occiditur. Tunc Franciscus Estensis, fessis ac cedentibus suis integros summittit, contra quos Galeotus, haud amplius expectandum ratus, procedere iubet Bononienses. Qui magnis animis irruentes hostes in fugam uertunt: & dux ipse Franciscus Estensis inter fugam, cum in ecclesiasticos, qui uias obsederant, incidisset, uiuus capitur. Quo in praelio ceciderunt ex hostibus septingenti, millesimum uulnerati sunt: capti nonnisi quadraginta. Ex ecclesiasticis circiter ducenti desyderati, atque omnibus sepultura data: ex quibus Fernandes Hispanus in aede Francisci conditur. Galeotus inter paucos uolnus accepit. In captiuis nihil est seruitutis, quinimo cunctis libertas, primoribus & arma reddita sunt. Huius belli premium, cum Bononienses, qui diu tyrannica seruitute praelii fuerant, libertatem esse statuisent, tanta uictoriae parte

riæ partæ lætitiæ animis eorum incessit, ut placuerit publico decreto diem, quo hostem superassent, posteritati celebrem fieri: statutumq; est, id quod etiam nunc perpetua celebritate usurpatur, ut xij. calendas Iulias, magno proposito præmio, equorum pernicitate contendatur.

INTER hæc Aegidius longis laboribus curisq; fatigatus, febre ardentissima implicatur. Quæ cum ægritudine animi ingrauesceret, tyrannos non lætos modo fecit, sed plenos etiam spe, posse recipi quæ industria & strenuitate illius amiserant: cœptumq; est a nonnullis nouis rebus studere. Hoc ubi nuntiatum est, Aegidius uix dum morbo explicitus, nec plane uiribus receptis, conscenso equo in cōspectum suorum venit. Quo nuncio tyrannorum motus facile supprimitur, & ipse, paucis post diebus uigori redditus plerasq; ciuitates obiuit, ut animos sua præsentia atq; uerbis in fide confirmaret. Per id tempus de Pontificis obitu nuntius affertur: simulq; multorum amicorū literæ redditæ sunt, Aegidium ad Comiticia pontificalia reuocātium. Tanta enim erat Aegidij apud omnes cūctarum uirtutum opinio, ut plerisq; omnibus uisum fuerit haud dubitabile, eum, si Auenione adesset, fore candidatorum maxime gratiosum. Quibus ipse in hunc maxime modum respondit. Se uero illorum beneuolentiæ ingentes gratias habere. Cæterum si tunc tēporis, relicta Italia, Auenionem ire pergat, plerasq; operida, scelere & inconstantia tyrannorum, magnum discrimen adiecit. At qui non esse tanti se pontificatu maximo, qui melius fortasse iustiusq; ad alium deferretur augeri, ut quæ longo tempore multoq; & labore & sanguine parta, sua potissimum præsentia retinerentur, discedendo hostibus tradere uideretur, qui huiusmodi occasionibus imminerent. Darent modo ipsi operam, ut summo uiro & omialum maxime digno summa dignitas deferretur: se ecclesiasticæ reipublicæ suum officiū præstiturum. Delatus itaq; fuit pontificatus Guilielmo Chrisauro, qui, mutato de more uocabulo, Urbanus est dictus, huius nominis quintus, uir summæ uirtutis, & integritatis. Qui accepto

LIBER

imperio statim ad Aegidium literas mittit laudis & adhortationis plenas, ac multis verbis suo & ecclesiæ nomine gratias agens, iubet se expectare, cupientē, parantemq; It aliā, quod iam ipsius beneficio Pōtificibus liceret, inuifere; & Romā sedē anti quā repetere. Quo magis miror, quosdā memoriæ tradidisse, ab hoc Pontifice Aegidium in Italiam fuisse missum: sed & in quibusdam alijs, parum his rationem illorum temporum fuisse exploratam, indubitato testimonio deprehendimus, quippe multis Breuib; literis a Pōtificibus ad Aegidium missis, quas ipsi perlegimus. Sed narratio redeat eō unde digressi sumus.

I N T E R E A Barnabos Vicecomes, acceptam nuper ad Bononiam cladem, ægerrimo ferens animo, & tantæ urbis recipiendæ desiderio flagrantior effectus; bellum omni ope reparare nuntiatur. Quare Aegidius Francisci Estensis amicitia, & quarundam ciuitatum societatem occupare, in rem fore statuens, Luppo de Luna auunculo hanc prouinciam delegauit: Cuius industria operaq; effectū est, ut cum hoc principe viro, & cum Patauinis, Veronensibus, Florentinis, amicitia & societas iniretur. Sollicitato Frācisco Estensi eō prēmio, ut in decē annium Nonantulæ & Bozano, agri Bononiensis oppidis, suo iure dominaretur. A quibus missis auxilijs, par ostium copijs exercitus comparatur. Hic Luppus de Luna præficitur. Qui, cum aduentare Barnabouem exploratores retulissent, in occursum ducit agmen: & ad oppidum, cui nomen est Salarolo, quahostibus iter erat, castrametatur. Barnabos haud prælium detracturus, castra castris opponit. Sed quia, interfluente amne, ne incurfiones quidem faciendi facultas erat, aliquantisper prælio abstinerunt: utriq; tamen in alteros irruendi occasionem expectantes, ut, si forte hostes uado transire cœpissent, diuissos & impeditos adorirentur. Hac cunctatione paucis traictis diebus, speculatores referunt, impedimenta castris hostiū egressa longo agmine retrocedere. Quod factum, cum timentium hostium, fugamq; parantium indicium ab ecclesiasticis interpretatum esset; placet Luppo amnem, quanta maxima posset celeritate,

tate, ponte committi. Quò sine periculo traiectis copijs, cœp-
 hosites prælio lacessere: castra oppugnaturus si se intra conti-
 nuissent. Illi uero, & si timentibus quod audierant ecclesiasticū
 exercitum multum inualuisse, illud quoq; timorem adiecerat,
 quod tāta fiducia flumen traiecissent, prælio tamen decernere
 cunctis consilijs anteponunt: quippe cum fuga non modo tur-
 pis, sed instantibus hostibus plena periculi uideretur, ac ut ca-
 stris contenti, fossa ualloq; obiectis, bellum traherent, præmissis
 impedimentis, ac comœatibus erepta facultas esset. Eductis
 ergo copijs prælium committitur: sed non diu, ecclesiasticorū
 impetum ferentes hostes in fugā uertuntur: quos illi infecuti
 magnā stragem edidere. Multos beneficio noctis interueniē-
 tis fuga subtrahit. Ex ecclesiasticis pauci uulnerati sunt: inter-
 fectus unus tantum, sed qui pro multis fuit, Gasias Alborno-
 tius Aegidij nepos ex fratre, uir manu forti, promptoq; ani-
 mo, & qui multa suæ uirtutis iam ante præbuerat documenta,
 & tunc cum in confertissimos hostes irruisset, non ante spiritū
 emisit, quam multos ex his qui prœptius resistebāt rucidasset.
 Tam præstanti animo commilitonem in flore iuuentutis sublatū,
 non sine magno dolore tulit totus exercitus. Illo quoq; adijcie-
 te molestiam, quod non ambigebatur patrio, qui ipsum, cum
 ob generis propinquitatem, tum ob eximias uirtutes loco filij
 amabat, grauissimum nuncium futurum. Et profectò constat
 Aegidium nihil unquam grauius ea morte tulisse. Siquidem,
 cum perempto superiore prælio Blasco Fernando, quem sum-
 mopere diligebat, maximam ac penē unicam posteritatis spem
 in hoc summx indolis adolescente collocasset, non poterat nō
 ægro animo ferre, hac se quoq; spe iniquitate fortunæ fuisse de-
 fraudatum, & in hoc ictu fortunæ, illud quoq; uulnus recrudere
 scēbat. Hæc ubi sunt ad Pontificem delata, casum amici misera-
 tus, huiusmodi quoq; literis eum consolari officij duxit.

VICTVM. tuis auspicijs, tuorumq; uirtutē ac industria,
 fugatumq; magna accepta clade, cum exercitu suo Barna-

LIBERT

bouem, non sine magna uoluptate accepimus, & tuorum in ecclesiam meritorum perpetuam seriem non ingrato animo recolimus. Verumenimvero illud nobis fuit permolestum, ac uictoriae lætitiā quodammodo suppressit, quod simul intelleximus Garsiam Albornotium fortissimum adolescentem nepotem tuum eo prælio concidisse. Cuius mortem te ægro animo ferre non miramur. Summa enim uirtus cum florente iuuentute extincta affectis animis merito miseranda uidetur. Sed te fortissimum sapientissimumque uirum minime decet dolori succumbere, quo accepta damna gliscere solent, non refarciri. Adde quod in hoc casu multa sunt, nec ea mediocria solatia, quæ merito possint omnem molestiam abolere. Primum quod pro ecclesia; quæ nobis .i. Christianis, patria antiquior esse debet, fortissime dimicans, & ut audio, egregie ultus occubuit. Deinde quod uictor suo sanguine uictoriam suis peperisse, uideri potest. Qui, ut unus omnium trucidatus est; ita omnium maxime hostem propulisse cōstanti uoce nunciatur. Postremo quod honestissimam uitam summæ spei plenam, quam nulla deformi nota coinquinauerat, pulcherrima morte, uelut firmissimo quodam sigillo, conclusit, obsignauitque. Sunt enim ut rerum, ita morum quoque uicissitudines, ac interdum qui optime uiuerit, uno uitio totam obfuscat, dehonestatque uitam. Prorus, ut qui uitam cum laude clausere, ij soli ualeant sine futuri suspicione laudari.

DVOBUS prælijs fractum Barnabouem, facile ad pacem adduci posse Pontifex ratus, Androinum iam Cardinalem factum ad ipsum, tunc quoque bellum reparantem; legatum mittit. A quo paruo negotio persuasus est, ut iure cederet urbis Bononiæ, quod se habere iactabat. Hac ab ipso excepta cōditione, ut legatione Bononiensi se Aegidius abdicaret, scilicet ingratā rem huic se facturū arbitratus, si quā ciuitatē impense amare, & multis beneficijs demeruisse constaret, ea se autore cogeretur excedere. Quod cum esset Aegidio non sine præfatione denunciatum, hoc adiecto, daret id quoque ecclesie, ne
amata

amata ciuitatis grauate deponeret administrationem, sibi uero respondit, minime id fore molestum. Quod si aliqua sua merita in eam ciuitatem extarent, hoc quoque fieri cumulatione uelle, ut pro ipsius libertate ac pace, nihil ferret ægro animo. Et ad Gometium Albornoium præfectum Bononiæ conferbit, ut tradita successoris urbe, ad se quam primum ueniret. Quem proficisci parantem, ciuitas non immemor beneficiorum ab ipso acceptorum, communi consilio pulchro simul, & pretioso munere prosecuta est, quod esset grati erga ipsum animi testimonium. Hoc corona fuit gemmis in orbem ambientibus frequens, imposita galeæ serico intexta: in cuius cono cristæ erat: a qua imaguncula argentea prominebat similis angelo, dextra gladium, sinistra aureum pomum tenenti, uelut testata Bononia libertatem, facultates, ac demum prætiosissima quæque bona redditæ sibi fuisse gladio, ac uirtute Gomecij. Quopotissimum ministro Aegidius res Bononienses pace belloque administrauerat. Tam gratum fuit Gometio Bononiensium donum; ut eius imagine insignia sua perpetuo decorari gloriosum duxerit, qualia modo uidentur Bononiæ in ædibus collegij hispanorum auspicijs Aegidij cõditi, in lapide incisa supra ualas, quæ introeuntibus secundo loco obijciuntur. Interea Aegidius, qui Italiæ prospiciendi omnifarias occasiones captabat, quod a curis bellicis dabatur otij, id omne in conseruandam, augendamque pacem conferebat. Itaque ut ciuitates, quas a tyrannis iniuria aueruerat, bonis etiam legibus, ac moribus formaret, sumpta a Pontificibus autoritate (neque enim paucorum dierum id opus fuit) leges condidit, quæ constitutiones ægidianæ appellantur, tantâ sapientia, ut cum magno populorum consensu receptæ, parem Pontificijs, & canonicis institutis uim & authoritatem usque in hodiernum diem obtinuerint.

HIS rebus gestis, finis iam bello italico impositus esse uideri poterat, cum a tyrannis nihil moueretur. Ecce nuntius affertur latronum exercitum, quem Ambrosius quidam Vicecomes ducebat, Flaminiam, & finitima loca populari, depre-

dariq;

LIBER

dariq; a quibus ecclesiasticis oppidis non mediocre periculum atq; damnum immineret. His malis ut occurreret Aegidius magnis itineribus ea uersus loca contendit, quæ latrocinij infestabantur, & se cum Gometio, quem obuium habuit coniunxit. Hoc ubi Ambrosio allatum est, a finibus ecclesiasticis agmen abduxit. Qui nuntius, non tam gratus Aegidio fuit, quam ille molestus, alterum exercitum longe maiorem, qui sub Florentinis meruerat pari furore prædabundum circa agrum Camerinatem debacchari. Britani erant isti, & Panonij, mixta perditorum hominum italorum turba: quibus uel per se satis potentibus, Ambrosium, quem scilicet suarum uirum penitebat uelle suam legionem aggregare, rumor afferebatur. Huic pesti omni opæ occurrere Aegidius ante omnia statuit. Quippe non erat dubitabile, eos pro sapientis nihil esse facturos, & a nullo maleficio, modo uires suppeterent, esse temperaturos. In rem itaque fore ratus, ad hos legatos mittit, qui magnis pollicitationibus ac iusta mercede conducendos curarent: sed frustra audos prædæ animos ad sanitatem reuocare tentauit, qui obuia quæq; populati per Camerinatem agrum Fulginatensem, superatis montibus fines Montis Regalis pertinuerunt. Hic legati iterum ab Aegidio missi, qui nihil uoluit intentatum relinqui, agmen cōsecuti, & si maioribus præmijs maioribusq; pollicitationibus negotiata tentassent, re tamen infecta redierunt. At illi ad Aquilam, oppido id nomen est, castra posuere, & ingenti abacta prædâ, coeperunt frustra oppidum impugnare. Nam præsidium paucis ante diebus ab Aegidio missum, tam prompte cum oppidanis restitit, ut non mediocre damnum fuerit ab hostibus acceptum.

TVNC Aegidius, qui omnia prius experiri quam armis rem gerere constituerat; cum intellexisset magnam gratiam Gometio cum plerisque Britanorum intercedere, in eadē militia superioribus annis conciliatam; ipsi imperat eos adeat, coneturq; omni ratione adducere in partes ecclesiæ, ac Ioannæ Neapolitanorum Reginæ, quæ suorum inconstantiam uerita,

firmitate praesidio regnū tutari statuerat, ad cōtinendos in offeici principes, quorum conatus pauloante repressos fuisse ab Aegidio commemorauimus. Ille uero cum in castra peruenisset, amicos agnoscit omnes ferē qui ordines ducebant, uicissimq; agnoscitur ab ipsis: ac post multa dicta factaq; ut solet, amicē, priuatim singulis, quorum summam esse inter ipsos auctoritatem intellexerat, quid uenisset, exposuit, suasisit, precatus est. Quos demum cum persuasos intelligit, concilium poscit. Quod cum frequens conuenisset, quā priuatim singulis dixerat, publice uniuersis elocutus, facile in sentētia animos eorum confirmauit. Ad summam pax & societas his conditionibus conuenit. Vt Aegidio Reginaq; sex menses hā copiae auxilium essent, atq; imperata facerent: acciperentq; pro mercede dūctorum centum quinquaginta millia duabus solutionibus. Quod ubi Aegidius rescitit Comētiū imperat, uti primo quoq; tempore agmen illud cāteris copiis coniungeret, & ad Urbem ueterem promoueret, & Anichinum Ambrosiumq;, qui paribus copiis coniunctis, eum tractum latrocinij infestabant, & nonnullis oppidis expugnatis, quosdam tyrannos patetia exules se secutos spe uana erigebant, bello persequeretur. Ille nihil moratus ad ea loca perduxit agmen, ubi statim hostes habebant: iubetq; protinus suos hostilia castra obequitare eo consilio, ut nisi possent hostes ad pugnam elicere, castra oppugnare adiretur. Tunc uerō Anichinus suas vires aqua aestimatione metitus, nihilq; temere agendum ratus, cōmuni consilio, legationem de pace mittit: quā his conditionibus data est: ut oppida ecclesiastica, quā occuparat statim Aegidio redderet: utq; se, copiasq; suas iureiurando obstringeret, ne intra triennium auxilium hostibus, aut Pontificis aut Neapolitanorum Reginae praestarent: neue horum clientibus, quoquo modo iniuriam inferrent. Tunc uero iusta mercede his ipsis auxilio futuri Comētiū ducenti sequerentur. Inuicem ipsis, qui summa inopia laborabant, ne de praedari cogerentur, pecuniarum certa summa pacta est. Sed hac paucis post diebus numerata, Britanorum ac Panoniorum animos suspitio incessit, ne hac solutio

LIBERT

hæc solutio, suam, cuius tempus instabat moraretur: itaq; nō expectato die, amicitia fideiq; obliti, temerarium simul & sceleratum consilium inire cœperunt, ut Gometium in custodiam conijcerent, tandiuq; coercerent, donec pactum stipendium si bi numeraretur. Quod ubi est Gometio enunciatum per quendam ē Britanis, arcta & ueteri amicitia ipsi coniunctum, multis ipsorum, dictis factisq; nuntio consentientibus, indubitata initi consilij signa conspiciat per speciem cōmeatibus, qui parcesupperebant, prospiciendi in Urbem ueterem sese recepit, ut præsentem Barbarorum feritatem uitaret: quem sui admoniti eius cōsilij subsecuti sunt. Hoc cognito Barbari se deceptos arbitratī tanto furore correpti sunt, ut cœperint non modo undiq; prædas agere, sed agrum urbeuetanum & finitima loca igni ferroq; uastare. Tantam immanitatem non ferens Gometius, coactis undiq; auxilijs, ipsis quoq; Anichino Ambrosioq; accitis, parem Barbaris exercitum comparauit: atq; eos perle qui contendit. Qui accepto nuntio in agrum Perusinum diuerterant, ibiq; castra munierant. Quo cum uentum est, ecclesiastici castris adequitando, hostes ad pugnam prouocabant. Illi cum diu cunctantes, quod numero iam non modo ecclesiasticos superiores effectos cognouerant, se intra castra continuissent, cœptumq; esset fame laborare, silentio noctis castris elabuntur. Hoc ubi est Gometio ab exploratoribus renunciatum, ipse cum equitatu prægressus, ut fugientes moraretur, cæterū agmen summa celèritate subsequi iubet: nec longe progressos alsecuti, a nouissimo agmine lacerant. Illi uero, multis suorum amissis, continenti fuga in quoddam agri Perusini castellum se recipiunt, frumento cæterisq; com meatibus adeo uacuum, ut obessi uix biduo potuerint famem tolerare. Tandem rebus desperatis, permiserunt se Gometio. Qui, sūptō capitali supplicio de his, qui caput, auctoresq; tantorum malorum extiterāt, ut essent atrocitatis ac perfidia non inultæ documentum, cæteros, accepta fide se primo quoq; tempore finibus italicis sine iniuria excessuros, impune abire permittit.

HIS

HIS ita debellatis nihil superesse uidebatur, quod posset
 otium pacemq; sociorum & clientum ecclesię sollicitare,
 prater perusinos, qui quorundā ex primoribus impulsu, rebus
 nouis studebant: iamq; Assisium ditionis suę fecerant. Horū
 igitur ut motus inhiberet Aegidius, præfæto Blasco nepote,
 qui Piceni & Flaminie curam gereret, in Vmbriam proficisci
 tur. Et ubi Assisium peruenit, Perusinorum eiectō præsidio,
 ciuitatē suę reddidit libertati. In qua, æde Francisci restaurata,
 sacellum intus iussit ædificari: & in eō monimentum, quo mor-
 tuus conderetur, extrui. Tantisq; beneficijs monachorum col-
 legium profectus est, ut se ipsi sanctissimo statuto constrinxe-
 rint, singulis mēsis, quarta & uigesimaquaq; die, eius animę
 iusta se in perpetuum celebraturos: quod officium pari de cau-
 sa Bononię aniuersario sacro præstāt eidem in æde Ioannis in
 monte. xxv. Augusti religiosi monachi: qui Augustini regu-
 lam proficentur. Sed dum Assisij Aegidius commoratur, cupi-
 do incessisse animum fertur corporis sanctissimi Francisci uisen-
 di: quod cum uenerabundus conspexisset, & impressa Christi
 uulnera notasset, exclamasse dicitur, uel solum Franciscum ad
 confirmandam Christi religionem satis fuisse. Post hæc Peru-
 sium peruenit, acceptusq; in urbem, cum auctores malorū par-
 tim capitali supplicio multasset, partim in exilium misisset, cæ-
 teris collaudatis, ac liberali oratione confirmatis, Viterbium
 peruenit. Tunc uero cum uniuersam Italiam suā opera paca-
 tam considerasset: nullumq; nec a tyrannis, nec a latronibus pe-
 riculum imminere, intelligeret: Gometium ad Pontificem cum
 quatuor nauibus proficisci iubet: & quo in statu Italia esset,
 nunciare: omnia tranquilla pace frui. Si uellet Romam, quod
 ante significauerat, inuisere, tuto secureq; iam inde licere. Gra-
 tissimum sibi fuisse nuncium aduentumq; Gomecij, Pontifex
 non uerbis tantum, quibus Aegidij uirtuti ac industrię gratias
 egit: sed multis etiam Beneficijs declarauit. Siquidem inter
 cætera ipsi Gometio, Esculi, quod oppidum est in Piceno, ius &
 uestigalia in decennium tribuit. Fratres Aegidij, literis & nun-
 cio ab Hispania iubet accersiri, non alijs professus uelle se præ-
 fectis ac administratoribus, quam his Italiam tueri ac guber-

nare. statimq; discessu comparato, in Italiam proficiscitur. Cum ad Viterbium uentum est, ubi Aegidius eius aduentum expectabat, paulisper hic commoratus, quindecim annorum administrationis, & uetustissimi rationem, quorūdam inuidia & impulsu reposcenti Pontifici, clauēs urbium arciumq; a se receptarum uix capiente curru, Aegidius pro ratione obtulisse fertur. Cui Pontifex, admiratus eius animi magnitudinem ac constantiam; Et hercle, inquit, Aegidi, tam amissam rem ecclesiasticam haud magno impendio nobis receptam esse fatemur, & tūc parciat gratias habemus. Paucis post diebus Aegidius ad urbem Romam Pontificem comitatus, longi muneris uacatio ne impetrata, Viterbium rediit: ubi mortalitatis memor, ac uelut instantem mortem animo praefagiens, posteritatiq; consulens; testamentum ratissimū exempli, Sanctissimē ac Religiosissimē condidit; & conuocatis amicis, collegij in urbe Bononia Hispanis condendi, de quo mox separatim dicemus, praecipuam curam delegauit: & tribus mensibus quā in Viterbium redierat exactis, uitam cum morte commutauit. Anno gratiae Millesimo Trecentesimo Sexagesimo quarto, Tanti uiri mortem Pontifex tam acerbe tulit, ut accepto nūcio continuum biduum nihil aliud, quam mœrori indulserit: nec sui conueniendi copiam cuiquā fecerit. Corpus eius, ut ipse iusserat, Assisum elatum, & in x de Francisci depositum est. Inde Toletum, ubi modq; ossa eius iacent, paruulo admodum impendio humeris deportatus est. Nam Summus Pontifex hoc tribuit eius meritis, ut quicumq; lecticam quantulocumq; spacio supportaret, peccatorum remissionem perinde consequeretur, ac si Anno Iubilei Apostolorum Petri & Pauli xdem inuississet. Quod officium Aegidio, cum locupletissimo ipsius meritorum testimonio, ab Henrico Rege qui Petro fratri a se interfecto successerat, suisq; purpuratis praestitutum accepimus.

Finis Libri Tertij & ultimi de rebus gestis
Aegidij Albornoij.

BREVIS COLLEGII DESCRIPTIO, ET
quorundā quæ ad ipsum pertinent cōmemoratio.



ED, ut pollicitus in calce Historiæ de rebus
gestis Aegidij dicere separatim de Bonon.
Hispanorum Collegio, promissum exoluam,
pauca hoc in loco de eo uerba mihi facienda
sunt: si prius de nobili, & memorabili eius
testamento, quo constat, Collegium condi
ab Aegidio tuitie iussum, non nihil attigero. Resignato testa
mento quod conditum est. anno gratiæ M. CCC. LXIIII,
multa quæ eius sanctitatis, religionis, ac summæ iustitiæ docu
mento esse possunt reperta sunt. Ex quibus quæ memoratu di
gnoissima sunt uisa, & monumentis prodenda, silentio præteri
re non putavi ex officio fore: cætera qui desiderabunt, petant
licet ab eodem testamento, quod iam pridem editum, impres
sumq; circumfertur. Principio iubet sibi quinquaginta missarū
millibus primo quoq; tempore parentari. Centum uirginibus
maritandis Toletanæ & Cōchenlis diocesis trece nos marapeti
nos distribui. Qui numus, ut accepimus, id temporis in Castel
la tanti erat, quanti nūc regalis numus, aut in Italia marcellus.
Redimendis captiuis christianis ē dominatu mahumetæorum
triginta eorundem numorum millia legauit. Porro cum sex sa
cerdotia, quas capellanas appellant in ecclesia toletana statuif
set; duabus dotandis, quas indotatas relinquebat, huic eccle
siæ triginta millia. Præterea cōchen si plerasq; possessiones, præ
dita suburbana, pascuaq; instituendis in eo templo duabus ca
pellanijs in sacello, ubi parentes ipsius iacent: cui sacello cali
cem argenteum auratum, ac preciosa, & decora sacerdotalia
uestimenta legauit. Ad hæc multa eidem ecclesiæ præciosa, ac
in primis pluuiiale suum margaritis distinctum. Item monaste
rio Francisci in Assissio tres tapetes magni pretij, ac ædificatio
ni eius ædis mille florenos. Item Anconæ in ecclesia cathedra
licia, statuit unum sacellum dicandum Clementi martyri. In
eadem urbe in æde Magdalenæ duas capellanas; ibidem mo
nachis prædicatq;ribus ad ædificandum centum florenos lega

uit. Heremitis totidem : monachis , quos minores dicunt , du-
centos item ad edificandum . Iam domesticos singulos quanta
pro cuiusq; conditione , liberalitate persecutus fuerit , longum
est enarrare. Hoc quoq; magnificum , quod a suo obitu nouem
continuos dies iubet , quicumq; iustis soluendis interfuissent , ip-
sius sumptibus ali , at duo milia pauperum panno ipforum or-
dini cōueniente uestiri . Sed de his hætenus : nam ingentia le-
gata , quæ propinquis , ac consanguineis , præsertim Cometio
Albornotio nepoti reliquit , referre non est operæ.

VENIO ad Collegium, quod ex residuo bonorum suorum
magnifice condi iubet Bononiæ, ob florētissimū omnium
disciplinarum gymnasium , & suum uniuersalem hæredem in-
stituit : & moriens inuictissimo Hispaniarū Regi, & Cardinaliū
hispanorū Romæ degentiū antiquissimo cuiq;, Senatuiq; Bonon-
cōmendauit : a quibus suscepto patrocinio, ut solet esse religio-
sum huiusmodi officium a defunctis iniunctum negligere , in
magnis sæpe necessitatibus ipforum autoritate seruatum est :
sæpe etiam beneficio auctum. Aedes autem ædificandi , & præ-
dia emendi negotium, datū est Fernando Aluaro Abbati Val-
ladoliti, & Alphonso Fernādo cubiculario. A quibus in ea par-
te urbis conditæ sunt , quæ meridiei ac occidentis medium
spiciat , non longe a porta , quam Aegidius mutato uocabulo
Cæsaraugustæ à nomine amatæ urbis appellauit , cum prius
Vilianæ diceretur, & eam uia , quæ a collegio pertinet ad hanc
portam quadrato lapide strauerat , qui post inde translatus est
ad Reni urbem interfluentis alueum muniendum, consulto Se-
natus Bononiensis : qui pro eo lapide lateribus coctis eam uiam
strauit , professus ut accepimus, publica fide eandem perpetuo
sternendo reficere. Sed in his ædibus ædificandis qui negotiū
susceperant , non tam decoris , quam firmitatis uidentur ha-
buisse rationem. Constant. n. parietes omnes coctis lateribus
qui ut in altitudinem haud admodum sublimes exsurgunt , sic
in latitudinem patent latissimè. Opus est ubiq; concameratū ,
ubiq; itidem latericium , ea demum firmitudine stabilitū, quæ
citra refartionem uideatur immortalitatem polliceri. Forma
ædium

ædium; si ad insulam spectes; quam cum binis hortis, & dōmibus, quas collegium sibi contiguas possidere efficiunt; in orbē potissimum excurrere dicas; nisi quod paucis angulis interpellatur; si ad ipsum uelut corpus collegij scholasticorum usui accommodatum, quadrata figura est: In huius medio Cauædium patet, ratis conlitum arboribus, lauris; buxis, & iessiminis uulgo dictis. Hoc breuiusculo pariete omni ex parte infra supraq; peristylis committitur. Sacellum quod Clementi dicatum est ceteris ædibus altius exsurgit: quod a septentrione commode pro ipsarum ratione ædificatum, ingredientibus domum obijcitur; & regione. In huius eminentiore turricula horologium nuper est fabricatum, quod per singulas horas & tintinabulo & ghomione labentis temporis scholasticos non modo, sed uiciniatim quoq; latiuscule admonet. Trichnium contra sacellum in parte superiore, ante sexdecim annos in usu erat discumbēdi; meridiē spectans, à quo per tres fenestras, quandiu uirent agri, in Apenninum moneem amœnissimus prospectus est; qui confitus omnis generis arboribus se molliiter ab ipsa protinus urbe incipit attollere. Sed ut incommodum per longiusculos anfractus a coquina, quæ lib. oriente iacet parte inferiore, in hoc Cenaculum, in quod per triginti sex gradus conscenditur, cibaria efferendi tolleretur, hoc in alios cessit usus, & alterum, anno gratie M. Dc. Vlt. ab eadem parte; sed paululum in dextram ingredientibus subductum, eadē fere forma; & iusta magnitudinē, loco inferiore ædificatum est: Quod lumen à meridie duabus fenestris admittit: ab oriente focum habet, qui assiduus igne tota hyeme triclinium ingenio regionis humens, frigensq; temperat. Reliquum dispositis mensis undiq; ambitur, nisi quæ cella promptuaria nuper facta recedit. Sub hoc triclinium superioribus diebus aptissima simul & pulcherrima Cella, uinaria subterraneo loco, sed latericia testudine intercta, multis operis magnosq; impēdio constructa est: ducta Cloaca, per uiam Casaraugustæ, qua exsudans aqua, quæ astenus optatum opus morabatur effunditur; sordēsq; doliorum egeruntur. Cubicula omnia infra supraq; concamerata angustioribus, sed latericijis parietibus distinguuntur. Quæ theologis ascri-

pta sunt, orientem spectant, uno excepto, quod uergit ad septentrionem: medicorum occidentem. Qui uero Pontificio, civilique iuri student, ut sunt numero longe plures, sic cubacula infra & supra in omnem partem dispersa tenent, eademque uulgo ratione librorum capacia. Communis bibliotheca, quæ ab oriente sacellum parte superiore contingit, referta est libris non tam pulchris, quam emendatis. Sunt enim uetustissimi magna ex parte, & manu scripti, & quorum nonnullis ipsum Aegidium dum in humanis ageret, usum fuisse constat. Extra id quod Collegij uelut corpus appellauimus, horreum est capacissimum, quo frumentum, & cæteræ fruges conduntur. Huic par Cella altera uinaria subdita est. Tum lignorum repositorium: iuxtaque equorum stabulum. Deinde ponè sacellum ambientibus occurrit aptissimum Spheristerium: quo in studio tum inducijs licet feriatjs sodalibus tuendæ uale tudinis gratia exerceri, ut honesto ludo corpore exercito, & animis relaxatis, integriores, uegetioresque ad studia redeant. Ab hoc horti alteri proximè excurrunt, dispositis arboribus consiti, uiribusque ita ambientibus, ut amœna, dum uirent arbores, efficiant de ambulatoria. Sed omnes hæc arbores nouellæ sunt, & locus ipse ædibus Hispaniensibus adiunctus, ante quatuor annos area publica erat, inutilis alioquin & parum decora. Hæc itaque à Senatu Bononiensi impetrata domui nostræ accessio facta, ducto pulcherrimo muro, qui distinguentibus pinnis uiam publicam honestat: quæ ut pulchrior aspectu redderetur, aliorum hortorum, qui à meridie atrio, pariete medio, committuntur particula, pacto nobis adempta est. Hæc igitur forma est, hæc ferè partes ædium: quas hoc in loco à nobis, quamlibet crassa minerua describi haud ita uideatur importunum, si quis doctissimos, & eos summa grauitate uiros meminèrit, nò dico urbana palatia, sed rustica prædia uillasque suas, affectatè descripsisse, idque memorie proderè tanti putasse.

CONSTAT autem conditum fuisse collegium circiter annum à redempto orbe: M. CCC. LXV. quod uix dici potest, quanto semper usui, quantoque ornamento nostris ho-

minibus fuerit. Ex hoc .n. uiri, quos enumerare longum esset, sapientia clari nulla non memoria prouenire: qui tum singulas ciuitates, tum uniuersam Hispaniã doctrina & consilio summo perire iuuarent. Et uiuunt hodie haud ita pauci, nequis putet effortam huius Collegij feracitatẽ cõsensuisse, partim qui docendo, partim monumentis literarum, alij maximarum rerum administratione, sæcula nostra exornant. Quorũ sunt Antonius Nebrisenfis, qui expugnata suo Marte barbarie, quæ ab Hispania latini sermonis exterminato nitore, regnum longe lateq; obtinebat, nunc Regum Hispaniæ historiam, scælici, & antiquitatem prouocaturò stilo, mandat monumentis. Et Fortunus Garfias Cantaber utriusq; iuris peritissimus. Reginus nunc, ut audio consiliarius, & qui in regno Nauarræ magistratu fungitur, qui regens appellatur: de cuius doctrina & uirtutibus quid sentirem iam pridem quadam epistola ad Iacobum Artheagam sodalem meum, uirum quoq; utriusq; iuris doctissimum testatus sum: quæ (ut uideo) edita in uulgusest, cum illis Commentarijs quæ ipse in .l. gallus: de li. & posth. ff. composuit. Ad hæc Antonius de Burgis Salmanticensis, cui doctorũ consensus primas in iure Pontificij cognitione defert, Cuius discessum mirum est, quam ægre tulerit Academia Bononiensis, ubi honestissima conditione Ius pontificium publice docebat, cum est à Leone decimo Pontifice maximo huiusmodi opinionis fama commoto Romam accersitus: ut eius doctrina, ac iudicio in maximis rebus, uteretur. Dignissimus quoq; qui inter præcipuos numeretur Ioãnes Montesdoca Hispalensis: qui, ut taceam quàm in theologia ad Scotticam subtilitatem, quam potissimum æmulatur, proxime accedat, cum huius memoriæ philosophorum principibus, æquo Marte certat de primo loco: quiq; nunc in celeberrimo gymnasio Patuino philosophorum facili princeps, annuo Sexcentorum ducatorum salario, naturalem doctrinã docet. Noster quoq; est Vir theologica doctrina clarus Martinus Garfias Episcopus Barchinensis: qui (ut rei summam complectar) nulla maiorum suorum claritate adiutus, ex fortuna per quam mediocri ad magnos processit honores, & ingenti ac multiplice uirtute conij-

Ita pari sapientiæ id est affectus, ut Episcopali dignitati, quā
 suis sibi meritis pepererat, non minus decori esse putaretur,
 quam ab eadem ipse honestaretur: quæ multorum qui uirum
 familiarius cognouerunt, cōstanti nobis sermone relata, spem
 dederunt, posse hunc mihi fama tantum notum inter uiuentes
 sine inuidia nominari. Nam de quibus ante hunc mentionem
 feci, eos ut nominatim referrem, duæ me causæ potissimum
 impulere: altera quod alij uiri eruditissimi, & memoratu di-
 gnissimi, quanti sint, audiri tantum; hos diuersis quidem &
 locis, & temporibus præsens tamen colui, & ijs partim præce-
 ptoribus sumi usus: altera quod iidem tum docendo in cele-
 berrimis Gynasijs; magno publice proposito præmio; tum
 editis suis operibus, singularem suam doctrinam cunctis homi-
 nibus notam fecerunt; ut timor non sit, ne dum horum excelsæ
 lentem doctrinam cōmemoramus nostris indulgenter fauisse
 uideamur.

SED cum ceteros, qui ante hanc memoriam florere ex
 industria cecæam; ne tot uirtutes & præclaras sapientiam
 tanta breuitate, tanq̃ iniquis spatijs coercendo, in plurimos;
 eosdemq̃ sanimos uiros iniuriam uidear intulisse; unum sine
 flagio præterire non posse uideor: qui non doctrina tantum;
 & sanctitate uiuens excelluit; sed mortuus etiam magnis, mul-
 tisq̃ miraculis claruit. Petrus Arbueus hic est; qui uulgo Ma-
 gister Epilæ usurpatur, quia fuit sacræ doctrinæ Magister, &
 Epilæ; castello id nomen est in agro cesaraugustano; natus
 qui cum ob sapientiæ opinionem; & parem morum, sanctitatem
 in ea ciuitate iudex; uindexq̃ hereticæ prauitatis factus esset;
 tam cōstater, tam seuerè, tam deuinq̃ religiōse crimen hoc foru-
 tabatur, & uindicabat, ut summa in se hereticorū inuidiani cō-
 citauerit; eumq̃ ipsis timorē iniecerit, ut illi satis sibi persuas-
 sissent, hoc quiente, nihil sibi esse de sua salute sperandum. Itaq̃
 desperatis rebus, insidias ei; magnis studijs, tendebant. Quod
 cum esset eidem renunciatum ab amicis ut parcius ageret ad-
 monentibus; respondisse fertur, nihil se; quid ab hominibus
 sibi posset accidere sollicitū esse, modo Deo immortali & chris-

stianæ religioni suum officium præstaret. Ita cum aliquando in tempesta nocte templum esset ingressus, nocturnis sacris interfuturus, quo officio sine intermisso, Canonicus fungebatur, duo armati ab hereticis summissi, hominem genibus flexis deo, more suo, supplicanti adorti trucidant. Qui, cum in Regno Aragoniæ nullum effugij locum sibi fore satis tutum intelligētes, in galliam trasfugere statuissent; finibus tamen Aragoniæ; quò sæpius fugientes pervenerunt, omni studio conantibus excedere nō fuit ulla ratione : diuinitus semper, ut ferunt, in ipso regnorum confinio torpentibus, & in uestigio hærentibus : quod ipsi paulopost comprehensi cum crimine fassi sunt, cum ad supplicium traherentur. Multos dies sanguinem interfecti ferbuisset, & plurimos eius aspersu, conclamatis morbis, fuisse explicitis, constanti uoce fertur. Ergo cum hominum opinio in diuos ipsum referre non dubitasset, tumulus ei ex Pario mare in honoratissimo templi loco, Senatus Populiq; cōsensu, positus est : qui lampadum perpetuo igne illustratur, & magna populi pietate colitur. Ad quod multi plerumq; uenerabū di accedentes, fassis precibus, hoc intercessore, honesta sua optata à Deo impetrasse crediti sunt : ne singula persequar eius miracula, que plurima caesaraugustana ciuitas testis locuplentissima, predicare solet. Et profectò si grati simus nec inuide merita libeat interpretari ; quòd tot collegia splendide ac magnifice in Hispania condita fuerint, in quibus studiosis scholasticis omnia ad preclaram sapientiam gratis, & abunde suppeditātur; Aegidij Albornotij beneficium uideri possit : qui primus hoc collegium in florentissimo gymnasio condidit, cuius exemplo cetera in Hispania cōdita fuisse non potest dubitari. Certè Io. Luppum de Mitina virum summum & nunquam satis laudatū, qui in ecclesia Saguntina Archidiaconus fuit de Almazan, hoc spectato collegio, cum legatus à Rege Hispaniæ ad Pontificem, Bononiam diuertisset, ad eius formam constat collegium cōmodissimè ternis denis scholasticis, studia Theologie æmulantibus statuisset in suburbano Sagūticiæ loco ab hominū cetu omni q̃ turba, ut Philosophos decet, seposito : cuius nos adolescentes aliquā partē fuisse nō modo non penitet, sed etiā gloriamur. Is

Petrum

Petrus González Mendocium, Franciscum Ximenez Cardinales & Archiepiscopos Toletanos, quem nisi Aegidiū, æque Archiepiscopum Toletanum & Cardinalem, qua parte uel religionem uel mortalitatem iuuere, imitatos fuisse credimus? quorū alter Valladolidi, alter nouissime Cōpluti, magnifica collegia ad huius exemplum construxerunt; ut ante hos Salmaticæ uir inclytus Iacobus Anaia Archiepiscopus Hispalensis. Ex quibus complures uiri eruditissimi, qui reipublicæ Hispanæ multifariam prodessent, extitere, cum magna eorum gloria, quorum beneficio, eruditione pariter & autoritate aucti essent. Quare sic existimo, cum multiplex, hominibus ad homines cū sua laude demerendos, aliq̃ alijs uia pateat; nullam esse tamē ad immortalitatem magis compendariam, ea, quam summi illi uiri ingressi sunt, qui studia litterarum, & mortui tantopere fouent; si mortui dicendi sunt, & non potius immortalitate donati, quorum recte facta, doctorum uirorū sermo quotidie usurpat, & nomine circumsonant aures sapientum, ita nunquam ex eorum animis discedit tantorum uirorum recordatio. Neq̃ uero eos solum uenerantur, ac loco numinis colunt, qui sui quorumq̃ collegij auctores fuerunt: sed eos quoq̃ suspiciunt, qui uel industria uel benignitate, commodo aut dignitati collegij consulere. Vt nos Bononiæ Petrū de Frias Cardinalem uirum sanctissimum, & de collegio nostro optime meritum: qui cum eius patrociniū antiqua lege suscepisset, idq̃ improbitate & avaritia quorundam scolasticorum labefactatū, & penē profligatū, omni cura & diligentia, summaq̃ liberalitate, duobus millibus ducatorum de suo erogatis, in pristinum statū restituit: cuius beneficij memores, instituto maiorū aniuersario sacro quottannis ei pridie calendas Ianuarias libentissime parentamus: ut Bernardinum Caruaial Cardinalem, qui Sanctæ Crucis inscribitur, qui huius quoq̃ collegij patronus in multis sæpe necessitatibus ei laborātī subuenit, & iniurijs laceffitum identidem uendicauit, omniq̃ autoritate etiam nunc ueri perseverat: ut deniq̃ (ne singulos persequar) Aluarum Carrillum Albornotium summæ uirtutis uirum & in cuius iuuenili ætate canam prudentiam, & senilem constantiam

constantia; gravitatemq; merito demiretis. Et Xanthum mirandam canonicum calagurritanum, artium & theologiæ doctorem eruditissimum, qui multos annos Compluti, ubi nos ei præceptori triennium philosophantes operam dedimus, publico salario dialecticam & physicam doctrinam, deinde theologiæ docuit cum magna sua gloria, accerrimus omnium, quos ego unquam viderim, disputator. Et qui in sophistarum & physice scholasticis congressibus, quo tempore hæc studia curabat, regnare dicebatur. Sed illam tantam gloriæ audio iam ab eodem maioribus suis virtutibus, & opinione theologicæ sapientiæ superatam: de cuius uirtutibus acrisq; & flebili ingenio parvus agere ille timor admonet, ne amatissimo præceptori, & cuius in me reciproca beneuolentia multis extat testata documentis, quidquam me indulisse, inuidiâ possit interpretari. Qui duo uiri, cum superiore anno ab uniuersa Hispaniarum ecclesia ob ipsorum præstantiam ad Pontificem legati Bononiæ trāsirent, collegium nostrum libentissimè inuiserunt: & alter parentis Aegidij monumentum celebre, & suæ familiæ magnū ornamentum, cum ingenti gaudio presens, considerauit: alter discipulos amantissimos sui lætabundus, agnoscit, & uicissim agnoscitur: quibus nec ipsi honori debito habendo, nec officio nostro præstando defuimus. Ad summā suscepti illi huius collegij curæ, Romæ & omni studio a Leone X. Pont. Max. auctoritate, & nomine Hispaniæ ecclesiæ contenderunt, impetraveruntq; illud nobis optatissimū simul & æquisimum priuilegiū, ut quisq; his ritè ascriptus huic collegio Hispanorum, & ab Hispano condito, iuxta eius statuta doctōris, aut magistri dignitate Bononiæ, auctus esset, perinde ad ecclesiastica sacerdotia, & cæteras dignitates in Hispania obtinendas idoneus censeretur, ac si Salmaticensi, aut alio quouis celebri Castellæ gymnasio doctōr, aut magister factus esset. Cæterum satis sumus diuagati. Venio ad præcipuas collegij constitutiones, quæ merito in huiusmodi narratione, suam partem uendicabunt.

P R I M V M omnium quattuor sacerdotes, qui præsentibus diuinis, & sacra procurent, instituti sunt: ij bini singu-

lis ebdomadis quottidie rem diuinam faciunt. Alter cum vulgo reditur ab ultimis lectionibus publicis: ut sodalium qui aliteris factis minus uacauerit, pro ratione studiorum suoq; arbitratu ualeat alteris iteresse. Quæ nemo impune negligit, præter Rectorem & œconomum: qui sæpe hoc officio fungendo negocijs tum externis, tum familiaribus excluduntur. Vespertinis autem & nocturnis seu matutinis sacris, omnes quatuor sacerdotes interfunt. Sodales suo uero arbitratu, aut impune absunt, aut non sine præmio interfunt.

QUOD ad Scholasticos pertinet, sodaliū Triginta unius ad summum Collegiū esse placuit. Qui tres omnino Aragonenses essent, unus Portugaensis, cæteri omnes Castellani. Prorsus, ut præter Hispanos, nisi in extrema nostrorum inopia, qualis hactenus nunquam fuit, cæteris aditus ad collegium sit interdictus. Quorum item octo Theologiam, quatuor Medicinam, cæteri ius Pontificium profiterentur. Horum uestitus cætera Doctorum Bononiensium similis est. Caputio tamen appellato insigniuntur, quali Salmaticenses, qui a nostris acceperunt, & Complutenses sodales utuntur: nisi quod nostrum tenui filo Atethistinum, illorum crassiore, & colore natiuo, fusco palio concolor est. Patientia item, quæ dicitur staminea, nunc peculiare nostrum gestamen est: quondam cõmunẽ Bononiensium scholasticorum erat. Sed ab illis, ut ingratiū, & inutile impedimentum, antiquatum: in nobis pertinacius resedit. Quæ nempe molestia, ut dicam quod sentio, citra incõmodum, & indignitatem carere poteramus: & iamdiu caruissemus, nisi quorundam moleste antiquariorum importunitas obstitisset. Rectoris uestitus non discrepat a cæteris: nisi quod splendidior est, & magnificentior, ut sericis ac coccinis uestibus dignitatem honestet, & præferat. Nobili ac certe antiquo christianorum genere ortis, duntaxat Collegiū patet: aliter nemo ulla ratione asciscitur: aut si quis dolo fortassis irrepserit (quod diu latere non potest) fide & diligentia conquisitoris, qui, cum res poscit, in Hispaniam mittitur, turpiter eicitur, & crimen magnis pœnis uindicatur.

Bononiæ Antonius Giaccarellus, & Peregrinus Bonardus,
Socii Excudebant. M. D. LIX.

